

- 3.001.01a सोमस्य॑ मा॒ तवसं॑ व॒क्ष्यन्ने॒ वह्निं॑ च॒कर्त्त॑ वि॒दथे॒ यज॑ध्यै ।
- 3.001.01c दे॒वाँ अ॒च्छा॒ दी॒द्यद्यु॒ञ्जे अ॒द्रिं श॒माये॑ अ॒ग्ने त॒न्वं जु॒षस्व॑ ॥
- 3.001.02a प्राञ्चं॑ य॒ज्ञं च॒कृम॑ व॒र्धतां॑ गीः स॒मिद्भि॑र॒ग्निं न॒मसा॑ दु॒वस्य॑न् ।
- 3.001.02c दि॒वः श॒शासु॑र्वि॒दथा॑ क॒वीनां॑ गृ॒त्साय॑ चि॒त्तव॑से गा॒तुमी॑षुः ॥
- 3.001.03a म॒यो द॒धे मे॒धिरः॑ पू॒तद॒त्तो दि॒वः सु॒बन्धु॑र्ज॒नुषा॑ पृथि॒व्याः ।
- 3.001.03c अ॒विन्द॑न्नु॒ दर्श॑तम॒प्स्वश्॑न्त॒र्दे॒वासो॑ अ॒ग्निम॑प॒सि स्व॑सृ॒णाम् ॥
- 3.001.04a अ॒वर्ध॑यन्सु॒भगं॑ स॒प्त य॒ह्वीः श्वे॑तं ज॒ज्ञान॑म॒रुषं॑ म॒हित्वा॑ ।
- 3.001.04c शि॒शुं न जा॑तम॒भ्यारु॑र॒श्वा दे॒वासो॑ अ॒ग्निं ज॒निम॑न्वपु॒ष्यन् ॥
- 3.001.05a शु॒क्रेभि॑र॒ङ्गै रज॑ आ॒तत॑न्वा॒न्क्रतुं॑ पु॒नानः॑ क॒विभिः॑ प॒वित्रैः॑ ।
- 3.001.05c शो॒चिर्व॑सानः॒ पर्या॑यु॒रपां॑ श्रि॒यो मि॑मी॒ते बृ॒हती॑र॒नूनाः॑ ॥
- 3.001.06a व॒व्राजा॑ सी॒मन॑द॒तीर॑द॒ब्धा दि॒वो य॒ह्वीर॑व॒साना॑ अ॒नग्नाः॑ ।
- 3.001.06c स॒ना अ॒त्र यु॒वत॑यः॒ सयो॑नी॒रेकं॑ ग॒र्भं द॑धि॒रे स॒प्त वा॑णीः ॥
- 3.001.07a स्ती॒र्णा अ॒स्य स॑ह॒तो वि॒श्वरू॑पा॒ घृ॒तस्य॑ यो॒नौ स्र॑व॒थे म॒धूना॑म् ।
- 3.001.07c अ॒स्थुर॑त्र॒ धे॒नवः॑ पि॒न्वमा॑ना म॒ही द॑स्म॒स्य मा॒तरा॑ स॒मीची॑ ॥
- 3.001.08a ब॒भ्रा॑णः॒ सूनो॑ स॒हसो॑ व्य॒द्यौद्धानः॑ शु॒क्रा र॑भ॒सा व॑पू॒षि ।
- 3.001.08c श्रो॒तन्ति॑ धा॒रा म॒धुनो॑ घृ॒तस्य॑ वृ॒षा य॒त्र वा॑वृ॒धे का॑व्येन ॥

- 3.001.09a पितुश्चिदूधर्जनुषा विवेद व्यस्य धारा असृजद्वि धेनाः ।
- 3.001.09c गुहा चरन्तं सखिभिः शिवेभिर्दिवो यहीभिर्न गुहा बभूव ॥
- 3.001.10a पितुश्च गर्भं जनितुश्च बभ्रे पूर्वरिको अधयत्पीप्यानाः ।
- 3.001.10c वृष्णे सपत्नी शुचये सबन्धू उभे अस्मै मनुष्येऽनि पाहि ॥
- 3.001.11a उरौ मह्यं अनिबाधे ववर्धापो अग्निं यशसः सं हि पूर्वीः ।
- 3.001.11c ऋतस्य योनावशयद्मूना जामीनामग्निरपसि स्वसृणाम् ॥
- 3.001.12a अक्रो न बभ्रिः समिथे महीनां दिदृक्षेयः सूनवे भात्रृजीकः ।
- 3.001.12c उदुस्त्रिया जनिता यो जजानापां गर्भो नृतमो यहो अग्निः ॥
- 3.001.13a अपां गर्भं दर्शतमोषधीनां वना जजान सुभगा विरूपम् ।
- 3.001.13c देवासश्चिन्मनसा सं हि जग्मुः पनिष्ठं जातं तवसं दुवस्यन् ॥
- 3.001.14a बृहन्त इद्भानवो भात्रृजीकमग्निं सचन्त विद्युतो न शुक्राः ।
- 3.001.14c गुहेव वृद्धं सदसि स्वे अन्तरपार ऊर्वे अमृतं दुहानाः ॥
- 3.001.15a ईळे च त्वा यजमानो हविर्भिरीळे सखित्वं सुमतिं निकामः ।
- 3.001.15c देवैरवो मीमीहि सं जरित्रे रक्षा च नो दम्येभिरनीकैः ॥
- 3.001.16a उपक्षेतारस्तव सुप्रणीतेऽग्ने विश्वानि धन्या दधानाः ।
- 3.001.16c सुरेतसा श्रवसा तुञ्जमाना अभि ष्याम पृतनायूरदेवान् ॥
- 3.001.17a आ देवानामभवः केतुरग्ने मन्द्रो विश्वानि काव्यानि विद्वान् ।
- 3.001.17c प्रति मर्ता अवासयो दमूना अनु देवान्नाथिरो यासि साधन् ॥

- 3.001.18a नि॒ दुरो॑णे अ॒मृतो॑ म॒र्त्यानां॑ राजा॒ ससा॑द् वि॒दथानि॑ सा॒धन् ।
- 3.001.18c घृ॒तप्र॑तीक उ॒र्विया॑ व्य॒द्यौद॑ग्निर्वि॒श्वानि॑ का॒व्यानि॑ वि॒द्वान् ॥
- 3.001.19a आ नो॑ ग॒हि स॒ख्येभिः॑ शि॒वेभि॑र्म॒हान्म॒हीभि॑रू॒तिभिः॑ सर॒ण्यन् ।
- 3.001.19c अ॒स्मे रयिं॑ बहु॒लं सं॑तरु॒त्रं सु॒वाचं॑ भा॒गं यश॑सं कृ॒धी नः॑ ॥
- 3.001.20a ए॒ता ते॑ अ॒ग्ने ज॒निमा॑ स॒नानि॑ प्र पू॒र्व्याय॑ नू॒तनानि॑ वो॒चम् ।
- 3.001.20c म॒हान्ति॑ वृ॒ष्णे स॒वना॑ कृ॒तेमा॑ ज॒न्मञ्ज॑न्म॒न्निहि॑तो जा॒तवे॑दाः ॥
- 3.001.21a ज॒न्मञ्ज॑न्म॒न्निहि॑तो जा॒तवे॑दा वि॒श्वामि॑त्रेभि॒रिध्य॑ते अ॒जस्रः॑ ।
- 3.001.21c तस्य॑ व॒यं सु॒मतौ॑ य॒ज्ञिय॑स्यापि भ॒द्रे सौ॑म॒नसे॑ स्याम ॥
- 3.001.22a इ॒मं य॒ज्ञं स॒हसा॑वन्त्वं नो॒ देव॑त्रा धे॒हि सु॒क्रतो॑ ररा॒णः ।
- 3.001.22c प्र यंसि॑ हो॒तर्बृ॑ह॒तीरि॑षो नोऽ॒ग्ने म॒हि द्र॒विण॑मा य॒जस्व ॥
- 3.001.23a इ॒ळाम॑ग्ने पु॒रुद॑सं स॒निं गोः॑ श॒श्वत्त॑मं ह॒वमा॑नाय सा॒ध ।
- 3.001.23c स्या॒न्नः सू॒नुस्त॑नयो वि॒जावा॑ग्ने सा ते सु॒मति॑र्भू॒त्वस्मे ॥
- 3.002.01a वै॒श्वान॑राय धि॒षणा॑मृ॒तावृ॑धे घृ॒तं न पू॒तम॑ग्नये ज॒नाम॑सि ।
- 3.002.01c द्वि॒ता हो॒तारं॑ म॒नुष॑श्च वा॒घतो॑ धि॒या रथं॑ न कु॒लिशः॑ स॒मृग॑वति ॥
- 3.002.02a स रो॑चय॒ज्जनु॑षा रो॒दसी॑ उ॒भे स मा॒त्रोर॑भ॒वत्पु॒त्र ई॒ड्यः॑ ।
- 3.002.02c ह॒व्यवा॑ळ॒ग्नि॒रज॑रश्च॒नोहि॑तो दू॒ळभो॑ वि॒शाम॑ति॒धिर्वि॑भाव॒सुः ॥
- 3.002.03a ऋ॒त्वा द॑क्षस्य तरु॒षो वि॒धर्म॑णि दे॒वासो॑ अ॒ग्निं ज॒नय॑न्त चि॒त्तिभिः॑ ।

- 3.002.03c रुरु॒चानं॑ भा॒नुना॑ ज्यो॒तिषा॑ म॒हाम॒त्यं न॑ वा॒जं स॒निष्य॑न्न॒प ब्रु॒वे ॥
- 3.002.04a आ म॒न्द्रस्य॑ स॒निष्य॑न्तो वरे॒ण्यं वृ॒णीम॑हे अ॒ह्यं वा॒जमृ॑ग्मि॒यम् ।
- 3.002.04c रा॒तिं भृ॒गूणा॑मु॒शिजं॑ क॒विक्र॑तुम॒ग्निं रा॒जन्तं॑ दि॒व्येन॑ शो॒चिषा॑ ॥
- 3.002.05a अ॒ग्निं सु॒म्नाय॑ दधिरे पु॒रो जना॑ वा॒जश्र॑वसमिह वृ॒क्तब॑र्हिषः ।
- 3.002.05c यत॑स्त्रुचः सुरु॒चं वि॒श्वदे॑व्यं रु॒द्रं य॒ज्ञानां॑ सा॒धदि॑ष्टिम॒पसाम् ॥
- 3.002.06a पा॒वक॑शो॒चे तव॑ हि क्ष॒यं परि॑ हो॒तर्य॑ज्ञेषु वृ॒क्तब॑र्हिषो नरः ।
- 3.002.06c अ॒ग्ने दु॒व इ॒च्छमा॑नास आ॒प्यमु॑पा॒सते॒ द्रवि॑णं धेहि ते॒भ्यः ॥
- 3.002.07a आ रो॑दसी अ॒पृण॑दा स्व॒र्मह॑जा॒तं यदे॑नम॒पसो॑ अ॒धारय॑न् ।
- 3.002.07c सो अ॒ध्वरा॑य परि॒ गी॑यते क॒विर॒त्यो न॑ वा॒जसा॑तये च॒नो॑हितः ॥
- 3.002.08a नम॑स्यत ह॒व्यदा॑तिं स्व॒ध्वरं॑ दु॒वस्य॑त द॒म्यं जा॑तवे॒दसम् ।
- 3.002.08c रथी॑र्त्रु॒तस्य॑ बृ॒हतो॑ वि॒चर्षा॑णिर॒ग्निर्दे॑वाना॒मभ॑वत्पु॒रोहि॑तः ॥
- 3.002.09a तिस्रो॑ य॒ह्यस्य॑ स॒मिधः॑ परि॒ज्मनो॑ऽग्नेर॒पुन॑न्नु॒शिजो॑ अ॒मृत्य॑वः ।
- 3.002.09c ता॒सामे॑का॒मद॑धु॒र्मर्त्ये॑ भु॒जमु॑ लो॒कमु॑ द्वे उप॒ जा॒मिमी॑यतुः ॥
- 3.002.10a वि॒शां क॒विं वि॒शप॑तिं मा॒नुषी॑रिषः सं सी॒मकृ॑णव॒न्स्वधि॑तिं न ते॒जसे॑ ।
- 3.002.10c स उ॒द्धतो॑ नि॒वतो॑ या॒ति वे॒विष॑त्स ग॒र्भमेषु॑ भु॒वनेषु॑ दी॒धरत् ॥
- 3.002.11a स जि॒न्वते॑ ज॒ठरेषु॑ प्र॒जज्ञि॑वान् वृ॒षा चि॒त्रेषु॑ ना॒नद॑न्न सि॒ंहः ।
- 3.002.11c वैश्वान॑रः पृथु॒पाजा॑ अ॒मर्त्यो॑ वसु रत्ना द॒यमानो॑ वि दा॒शुषे॑ ॥
- 3.002.12a वैश्वान॑रः प्र॒त्नथा॑ ना॒कमा॑रुह॒द्वि॒वस्पृ॑ष्ठं भ॒न्दमा॑नः सु॒मन्म॑भिः ।

- 3.002.12c स पूर्ववज्जनयञ्जन्तवे धनं समानमज्मं पर्येति जागृविः ॥
- 3.002.13a ऋतावानं यज्ञियं विप्रमुक्थ्यश्मा यं दधे मातरिश्वा दिवि क्षयम् ।
- 3.002.13c तं चित्रयामं हरिकेशमीमहे सुदीतिमग्निं सुविताय नव्यसे ॥
- 3.002.14a शुचिं न यामन्निषिरं स्वर्दृशं केतुं दिवो रोचनस्थामुषर्बुधम् ।
- 3.002.14c अग्निं मूर्धानं दिवो अप्रतिष्कृतं तमीमहे नमसा वाजिनं बृहत् ॥
- 3.002.15a मन्द्रं होतारं शुचिमद्वयाविनं दमूनसमुक्थ्यं विश्वचर्षणिम् ।
- 3.002.15c रथं न चित्रं वपुषाय दर्शतं मनुर्हितं सदमिद्राय ईमहे ॥
- 3.003.01a वैश्वानराय पृथुपाजसे विपो रत्ना विधन्त धरुणेषु गातवे ।
- 3.003.01c अग्निर्हि देवाँ अमृतो दुवस्यत्यथा धर्माणि सनता न दूदुषत् ॥
- 3.003.02a अन्तर्दूतो रोदसी दस्म ईयते होता निषत्तो मनुषः पुरोहितः ।
- 3.003.02c क्षयं बृहन्तं परि भूषति द्युभिर्देवभिरग्निरिषितो धियावसुः ॥
- 3.003.03a केतुं यज्ञानां विदथस्य साधनं विप्रासो अग्निं महयन्त चित्तिभिः ।
- 3.003.03c अपांसि यस्मिन्नधि संदधुर्गिरस्तस्मिन्सुम्नानि यजमान आ चके ॥
- 3.003.04a पिता यज्ञानामसुरो विपश्चितां विमानमग्निर्वयुनं च वाघताम् ।
- 3.003.04c आ विवेश रोदसी भूरिवर्षसा पुरुप्रियो भन्दते धामभिः कविः ॥
- 3.003.05a चन्द्रमग्निं चन्द्ररथं हरिव्रतं वैश्वानरमप्सुषदं स्वर्विदम् ।
- 3.003.05c विगाहं तूर्णिं तविषीभिरावृतं भूर्णिं देवास इह सुश्रियं दधुः ॥

- 3.003.06a अग्निर्दे॒वेभि॒र्मनु॑षश्च॒ जन्तु॑भिस्तन्वानो॒ यज्ञं॑ पु॒रुपे॑शसं॒ धिया॑ ।
- 3.003.06c रथी॑रन्तरी॒यते॑ सा॒धदि॑ष्टिभिर्जी॒रो द॑मूना॒ अभि॑शस्ति॒चातनः॑ ॥
- 3.003.07a अग्ने॑ ज॒रस्व॑ स्व॒पत्य॑ आयु॒न्यू॒र्जा पि॑न्वस्व॒ समि॑षो॒ दिदी॑हि नः ।
- 3.003.07c वयांसि॑ जि॒न्व बृ॑हतश्च॒ जागृ॑व उ॒शिग्दे॑वानाम॒सि सु॒क्रतु॑र्वि॒पाम् ॥
- 3.003.08a वि॒शप॑तिं॒ यह्म॑ति॒धिं नरः॑ सदा॒ यन्तारं॑ धी॒नामु॑शिजं॒ च वा॑घताम् ।
- 3.003.08c अध्व॑राणां॒ चेत॑नं॒ जात॑वेदसं॒ प्र शंस॑न्ति॒ नमसा॑ जू॒तिभि॑र्वृ॒धे ॥
- 3.003.09a वि॒भावा॑ दे॒वः सुर॑णः॒ परि॑ क्षि॒तीर॑ग्निर्ब॒भूव॑ श॒वसा॑ सु॒मद्र॑थः ।
- 3.003.09c तस्य॑ ब्र॒तानि॑ भूरि॒पोषि॑णो॒ वय॑मुप॒ भूषे॑म॒ दम॑ आ॒ सुवृ॑क्तिभिः ॥
- 3.003.10a वैश्वान॑र॒ तव॑ धा॒मान्या॑ च॒के ये॑भिः॒ स्वर्वि॑द॒भवो॑ वि॒चक्ष॑ण ।
- 3.003.10c जा॒त आ॑पृ॒णो भु॑व॒नानि॑ रो॒दसी॑ अग्ने॒ ता वि॑श्वा॒ परि॑भूर॒सि त्म॑ना ॥
- 3.003.11a वैश्वान॑रस्य॒ दंस॑नाभ्यो॒ बृह॑द॒रिणा॑दे॒कः स्व॑प॒स्यया॑ क॒विः ।
- 3.003.11c उ॒भा पि॑तरा॒ मह॑यन्न॒जाय॑ताग्निर्द्या॒वापृ॑थि॒वी भूरि॑रै॒तसा॑ ॥

- 3.004.01a स॒मित्स॑मित्सु॒मना॑ बो॒ध्यस्मे॑ शु॒चाशु॑चा॒ सुम॑तिं॒ रासि॑ व॒स्वः ।
- 3.004.01c आ॒ देव॑ दे॒वान्य॑ज॒थाय॑ व॒क्षि स॒खा स॒खीन्सु॑मना॒ यद्य॑ग्ने ॥
- 3.004.02a यं दे॒वास॑स्त्रि॒रह॑न्नाय॒जन्ते॑ दि॒वेदि॑वे॒ वरु॑णो॒ मित्रो॑ अग्निः ।
- 3.004.02c से॒मं य॒ज्ञं म॑धु॒मन्तं॑ कृ॒धी न॑स्त॒नून॑पा॒द्धृ॒तयो॑निं॒ वि॒धन्त॑म् ॥
- 3.004.03a प्र॒ दी॑धि॒तिर्वि॑श्व॒वारा॑ जिगा॒ति हो॑तार॒मिळः॑ प्रथ॒मं य॑ज॒ध्वै ।

- 3.004.03c अ॒च्छा॒ न॒मो॒भि॒र्वृ॒ष॒भं॒ व॒न्द॒ध्यै॒ स॒ दे॒वा॒न्य॒क्ष॒दि॒षि॒तो॒ य॒जी॒या॒न् ॥
- 3.004.04a ऊ॒र्ध्वो॒ वां॒ गा॒तु॒र॒ध्व॒रे॒ अ॒का॒र्यू॒र्ध्वा॒ शो॒ची॒षि॒ प्र॒स्थि॒ता॒ र॒जांसि॑ ।
- 3.004.04c दि॒वो॒ वा॒ ना॒भा॒ न्य॒सा॒दि॒ हो॒ता॒ स्तृ॒णी॒महि॑ दे॒वव्य॑चा वि ब॒र्हिः॑ ॥
- 3.004.05a स॒प्त॒ हो॒त्रा॒णि॒ मन॑सा वृ॒णा॒ना॒ इ॒न्व॒न्तो॒ वि॒श्वं॒ प्र॒ति॒ य॒न्नृ॒तेन॑ ।
- 3.004.05c नृ॒पे॒श॒सो॒ वि॒दथे॑षु प्र॒ जा॒ता॒ अ॒भी॒शं॒ य॒ज्ञं॒ वि॒ च॒र॒न्त॒ पूर्वीः॑ ॥
- 3.004.06a आ॒ भ॒न्द॒मा॒ने॒ उ॒ष॒सा॒ उ॒पा॒के॒ उ॒त॒ स्म॒ये॒ते॒ त॒न्वा॑श् वि॒रू॒पे ।
- 3.004.06c यथा॑ नो मि॒त्रो॒ वरु॑णो जु॒जो॑षदिन्द्रो मरु॒त्वाँ॒ उ॒त॒ वा॒ म॒हो॑भिः ॥
- 3.004.07a दै॒व्या॒ हो॒ता॒रा॒ प्र॒थ॒मा॒ न्यृ॒ञ्जे॒ स॒प्त॒ पृ॒क्षा॒सः॒ स्व॒ध॒या॒ म॒द॒न्ति॑ ।
- 3.004.07c ऋ॒तं॒ शंस॑न्त ऋ॒त॒मि॒त्त॒ आ॒हुर॑नु व्र॒तं॒ व्र॒त॒पा॒ दी॒ध्या॒नाः ॥
- 3.004.08a आ॒ भा॒रती॑ भा॒रती॑भिः स॒जो॑षा इ॒ळा॒ दे॒वैर्मु॑ण्येभि॒रग्निः॑ ।
- 3.004.08c सर॑स्वती सार॒स्व॒ते॒भि॒रवा॑क्ति॒स्रो॒ दे॒वीर्बा॑हि॒रे॒दं॒ स॒द॒न्तु॑ ॥
- 3.004.09a तन्न॑स्तु॒री॒प॒म॒ध॒ पो॒षयि॑त्तु दे॒व त्व॑ष्ट॒र्वि॒ ररा॑णः स्यस्व ।
- 3.004.09c यतो॑ वी॒रः॒ क॒र्म॒ण्यः॒ सु॒द॒त्तो॒ यु॒क्त॒ग्रा॒वा॒ जा॒य॒ते॒ दे॒वका॑मः ॥
- 3.004.10a वन॑स्प॒तेऽव॑ सृ॒जो॒प॒ दे॒वा॒न्नि॒र्ह॒विः॒ श॒मि॒ता॒ सू॒द॒या॒ति॑ ।
- 3.004.10c से॒दु॒ हो॒ता॒ स॒त्य॒त॒रो॒ य॒जा॒ति॒ यथा॑ दे॒वा॒नां॒ ज॒नि॒मा॒नि॒ वे॒द॑ ॥
- 3.004.11a आ॒ या॒ह्य॒ग्ने॒ स॒मि॒धा॒नो॒ अ॒र्वा॒ङि॒न्द्रे॑ण दे॒वैः॒ सर॑थं॒ तुरे॑भिः ।
- 3.004.11c ब॒र्हि॒र्न॑ आ॒स्ता॒म॒दि॒तिः॒ सु॒पु॒त्रा॒ स्वा॒हा॒ दे॒वा॒ अ॒मृ॒ता॒ मा॒द॒य॒न्ता॑म् ॥

- 3.005.01a प्रत्यग्नि॒रुषस॑श्चे॒कितानो॑ऽबोधि॒ विप्रः॑ पद॒वीः क॒वीनाम्॑ ।
- 3.005.01c पृथु॒पाजा॑ दे॒वयद्भिः॑ समि॒द्धोऽप॑ द्वा॒रा तम॑सो वहि॒रावः॑ ॥
- 3.005.02a प्रे॒द्वग्नि॑र्वावृ॒धे स्तोमे॑भिर्गी॒र्भि स्तो॑तृणां॒ नम॑स्य उ॒क्थैः ।
- 3.005.02c पूर्वी॑र्त्रृ॒तस्य॑ संदृ॒शश्च॑कानः॒ सं दू॒तो अ॒द्यौदु॑षसो वि॒रोके॑ ॥
- 3.005.03a अ॒धाय्य॑ग्नि॒र्मानु॑षीषु वि॒द्वश॑पां॒ गर्भो॑ मि॒त्र ऋ॒तेन॑ सा॒धन् ।
- 3.005.03c आ ह॑र्यतो॒ यज॑तः॒ सान्व॑स्थाद॒भूदु॒ विप्रो॑ ह॒व्यो म॒तीनाम्॑ ॥
- 3.005.04a मि॒त्रो अ॒ग्निर्भ॑वति॒ यत्समि॑द्धो मि॒त्रो हो॒ता वरु॑णो जा॒तवे॑दाः ।
- 3.005.04c मि॒त्रो अ॒ध्वर्यु॑रि॒षिरो॑ द॒मूना॑ मि॒त्रः सि॒न्धूना॑मु॒त पर्व॑तानाम् ॥
- 3.005.05a पा॒ति प्रि॑यं रि॒पो अ॒ग्रं प॒दं वेः॑ पा॒ति य॒हश्च॑रणं॒ सूर्य॑स्य ।
- 3.005.05c पा॒ति ना॒भा स॑प्तशी॒र्षाण॑मग्निः॒ पाति॑ दे॒वाना॑मु॒पमा॑द॒मृष्वः॑ ॥
- 3.005.06a ऋ॒भुश्च॑क्र ई॒ड्यं चा॒रु ना॒म वि॒श्वानि॑ दे॒वो व॒युना॑नि वि॒द्वान् ।
- 3.005.06c स॒सस्य॑ च॒र्म घृ॒तव॑त्प॒दं वे॒स्तदि॑द॒ग्नी र॑क्ष॒त्यप्र॑युच्छन् ॥
- 3.005.07a आ यो॒निम॑ग्निर्घृ॒तव॑न्त॒मस्था॑त्पृथु॒प्रगा॑णमु॒शन्त॑मु॒शानः॑ ।
- 3.005.07c दी॒द्यानः॑ शु॒चिर्ऋ॑ष्वः पा॒वकः॑ पु॒नःपु॑न॒र्मातरा॑ न॒व्यसी॑ कः ॥
- 3.005.08a स॒द्यो जा॑त॒ ओष॑धीभिर्व॒वत्ते॑ यदी॒ वर्ध॑न्ति॒ प्रस्वो॑ घृ॒तेन॑ ।
- 3.005.08c आप॑ इ॒व प्र॑वता॒ शुम्भ॑माना॒ उरु॑ष्यदग्निः॒ पित्रो॑रु॒पस्थे॑ ॥
- 3.005.09a उ॒दु घृ॒तः स॒मिधा॑ य॒हो अ॒द्यौद्व॑र्ष्म॒न्दि॒वो अ॒धि ना॒भा पृथि॑व्याः ।
- 3.005.09c मि॒त्रो अ॒ग्निरी॑ड्यो॒ मातरि॑श्वा॒ दूतो॑ व॒क्षद्य॑जथा॒य दे॒वान् ॥



- 3.005.10a उद॑स्त॒म्भी॒त्स॒मि॒धा॒ ना॒क॒मृ॒ष्वो॒ऽऽ॒ग्नि॒र्भव॑न्न॒त्त॒मो॒ रो॒च॒ना॒ना॒म् ।
- 3.005.10c यदी॑ भृ॒गु॒भ्यः॑ परि॒ मा॒तरि॑श्वा गु॒हा स॒न्तं॑ ह॒व्य॒वाहं॑ स॒मी॒धे ॥
- 3.005.11a इ॒ळाम॑ग्ने पु॒रुदं॑सं स॒निं गोः॑ श॒श्वत्त॑मं ह॒वमा॑नाय साध ।
- 3.005.11c स्या॑न्नः॒ स॒नु॒स्त॒न॒यो॒ वि॒जा॒वा॒ग्ने सा॑ ते सु॒म॒ति॒र्भू॒त्व॒स्मे ॥
- 3.006.01a प्र॒ का॒र॒वो॒ मन॑ना व॒च्य॒मा॒ना॒ दे॒व॒द्री॑चीं न॒य॒त दे॒व॒य॒न्तः॑ ।
- 3.006.01c द॒क्षि॒णा॒वा॒ङ्वा॒जि॒नी प्रा॑च्येति ह॒वि॒र्भ॒र॒न्त्य॒ग्ने॒ घृ॒ता॒ची ॥
- 3.006.02a आ॒ रो॒द॒सी॑ अ॒पृ॒णा॒ जा॒य॒मा॒न उ॒त प्र॑ रि॒क्था॑ अ॒ध नु॑ प्र॒य॒ज्यो ।
- 3.006.02c दि॒वश्चि॑द॒ग्ने म॒हि॒ना पृ॒थि॒व्या व॒च्य॒न्तां॑ ते व॒ह्यः॑ स॒प्त॒जि॒ह्वाः ॥
- 3.006.03a द्यौश्च॑ त्वा पृ॒थि॒वी य॒ज्ञि॒या॒सो नि॒ हो॒ता॒रं सा॑द॒य॒न्ते॒ द॒मा॒य ।
- 3.006.03c यदी॑ वि॒शो मा॒नु॒षी॒र्दे॒व॒य॒न्तीः॒ प्र॒य॒स्व॒ती॒री॒ळ॒ते शु॒क्र॒म॒र्चिः॑ ॥
- 3.006.04a म॒हा॒न्स॒ध॒स्थे॑ ध्रु॒व आ॑ नि॒ष॒त्तो॒ऽन्त॒र्द्या॒वा मा॒हि॒ने ह॒र्य॑मा॒णः॑ ।
- 3.006.04c आ॒स्क्रे॑ स॒प॒ती अ॒ज॒रे अ॒मृ॒क्ते॑ स॒ब॒र्दु॒घे उ॒रु॒गा॒य॒स्य॑ धे॒नू ॥
- 3.006.05a व्र॒ता ते॑ अ॒ग्ने म॒हतो॑ म॒हा॒नि त॒व कृ॒त्वा रो॒द॒सी आ॑ त॒त॒न्थ ।
- 3.006.05c त्वं दू॒तो अ॒भवो॑ जा॒य॒मा॒न॒स्त्वं ने॒ता वृ॒ष॒भ च॑र्ष॒णी॒ना॒म् ॥
- 3.006.06a ऋ॒त॒स्य॑ वा के॒शि॒ना॒ यो॒ग्या॒भि॒र्घृ॒त॒स्तु॒वा रो॒हि॒ता धु॒रि धि॒ष्व ।
- 3.006.06c अ॒था व॒ह दे॒वा॒न्दे॒व वि॒श्वान्स्व॑ध्व॒रा कृ॒णु॒हि जा॒त॒वे॒दः ॥
- 3.006.07a दि॒वश्चि॑दा॒ ते रु॒च॒य॒न्त॒ रो॒का उ॒षो॑ वि॒भा॒ती॒र॒नु भा॑सि पूर्वीः ।

- 3.006.07c अ॒पो॒ यद॒ग्ने॒ उ॒श॒ध॒ग॒व॒ने॒षु॒ हो॒तु॒र्म॒न्द्र॒स्य॒ प॒न॒य॒न्त॒ दे॒वाः ॥
- 3.006.08a उ॒रौ॒ वा॒ ये॒ अ॒न्त॒रि॒क्षे॒ म॒द॒न्ति॒ दि॒वो॒ वा॒ ये॒ रो॒च॒ने॒ स॒न्ति॒ दे॒वाः ।
- 3.006.08c ऊ॒मा॒ वा॒ ये॒ सु॒ह॒वा॒सो॒ य॒ज॒त्रा॒ आ॒ये॒मि॒रे॒ र॒थ्यो॒ अ॒ग्ने॒ अ॒श्वः॑ ॥
- 3.006.09a ऐ॒भि॒र॒ग्ने॒ सर॒थं॑ या॒ह्य॒र्वा॒ङ्ना॒ना॒र॒थं॑ वा॒ वि॒भ॒वो॒ ह्य॒श्वः॑ ।
- 3.006.09c प॒त्नी॒व॒त॒स्त्रिं॒श॒तं॑ त्रींश्च॒ दे॒वा॒न॒नु॒ष्व॒ध॒मा॒ वह॒ मा॒द॒य॒स्व ॥
- 3.006.10a स॒ हो॒ता॒ य॒स्य॒ रो॒द॒सी॒ चि॒दु॒र्वी॒ य॒ज्ञं॒ य॒ज्ञ॒म॒भि॒ वृ॒धे॒ गृ॒णी॒तः॑ ।
- 3.006.10c प्रा॒ची॒ अ॒ध्व॒रे॒व॒ त॒स्थ॒तुः॑ सु॒मे॒के॒ ऋ॒ता॒व॒री॒ ऋ॒त॒जा॒त॒स्य॒ स॒त्ये ॥
- 3.006.11a इ॒ळाम॒ग्ने॒ पुरु॒दं॒सं॑ स॒निं॒ गोः॑ श॒श्व॒त्त॒मं॑ ह॒व॒मा॒ना॒य॒ सा॒ध ।
- 3.006.11c स्या॒न्नः॑ सु॒नु॒स्त॒न॒यो॒ वि॒जा॒वा॒ग्ने॒ सा॒ ते॒ सु॒म॒ति॒र्भू॒त्व॒स्मे ॥
- 3.007.01a प्र॒ य॒ आ॒रुः॑ शि॒ति॒पृ॒ष्ठ॒स्य॑ धा॒से॒रा॒ मा॒तरा॑ वि॒वि॒शुः॒ स॒प्त॒ वा॒णीः॑ ।
- 3.007.01c परि॒क्षि॒ता॒ पि॒तरा॑ सं॒ च॒रे॒ते॒ प्र॒ स॒स्र॒ति॒ दी॒र्घ॒मा॒युः॑ प्र॒य॒क्षे ॥
- 3.007.02a दि॒व॒क्ष॒सो॒ धे॒न॒वो॒ वृ॒ष्णो॒ अ॒श्वः॑ दे॒वी॒रा॒ त॒स्थौ॒ म॒धु॒म॒द्व॒ह॒न्तीः॑ ।
- 3.007.02c ऋ॒त॒स्य॒ त्वा॒ स॒द॒सि॒ क्षे॒म॒य॒न्तं॑ प॒र्ये॒का॒ च॒र॒ति॒ वर्त॑निं॒ गौः ॥
- 3.007.03a आ॒ सी॒म॒रो॒ह॒त्सु॒य॒मा॒ भ॒व॒न्तीः॑ प॒ति॒श्चि॒कित्वा॒न्न॒यि॒वि॒द्र॒यी॒णाम् ।
- 3.007.03c प्र॒ नी॒ल॒पृ॒ष्ठो॒ अ॒त॒स॒स्य॑ धा॒से॒स्ता॒ अ॒वा॒स॒य॒त्पु॒रु॒ध॒प्र॒ती॒कः ॥
- 3.007.04a म॒हि॒ त्वा॒ष्ट्र॒मूर्ज॑यन्ती॒र॒जु॒र्यं॑ स्त॒भू॒य॒मा॒नं॑ व॒हतो॑ व॒ह॒न्ति ।
- 3.007.04c व्य॒ङ्गे॒भि॒र्दि॒द्यु॒तानः॑ स॒ध॒स्थ॒ ए॒का॒मि॒व॒ रो॒द॒सी॒ आ॒ वि॒वेश ॥

- 3.007.05a जानन्ति वृष्णो अरुषस्य शेवमुत ब्रध्नस्य शासने रणन्ति ।
- 3.007.05c दिवोरुचः सुरुचो रोचमाना इळा येषां गण्या माहिना गीः ॥
- 3.007.06a उतो पितृभ्यां प्रविदानु घोषं महो महद्भयामनयन्त शूषम् ।
- 3.007.06c उक्षा ह यत्र परि धानमक्तोरनु स्वं धाम जरितुर्ववत्त ॥
- 3.007.07a अध्वर्युभिः पञ्चभिः सप्त विप्राः प्रियं रक्षन्ते निहितं पदं वेः ।
- 3.007.07c प्राञ्चो मदन्त्युक्षणो अजुर्या देवा देवानामनु हि व्रता गुः ॥
- 3.007.08a दैव्या होतारा प्रथमा न्यृञ्जे सप्त पृक्षासः स्वधया मदन्ति ।
- 3.007.08c ऋतं शंसन्त ऋतमित्त आहुरनु व्रतं व्रतपा दीध्यानाः ॥
- 3.007.09a वृषायन्ते महे अत्याय पूर्वीर्वृष्णे चित्राय रश्मयः सुयामाः ।
- 3.007.09c देव होतर्मन्द्रतरश्चिकित्वान्महो देवान्नोदसी एह वक्षि ॥
- 3.007.10a पृक्षप्रयजो द्रविणः सुवाचः सुकेतव उषसो रेवदूषुः ।
- 3.007.10c उतो चिदग्ने महिना पृथिव्याः कृतं चिदेनः सं महे दशस्य ॥
- 3.007.11a इळामग्ने पुरुदंसं सनिं गोः शश्वत्तमं हवमानाय साध ।
- 3.007.11c स्यान्नः सूनुस्तनयो विजावाग्ने सा ते सुमतिर्भूत्वस्मे ॥
- 3.008.01a अञ्जन्ति त्वामध्वरे देवयन्तो वनस्पते मधुना दैव्येन ।
- 3.008.01c यदूर्ध्वस्तिष्ठा द्रविणोह धत्ताद्यद्वा क्षयो मातुरस्या उपस्थे ॥
- 3.008.02a समिद्धस्य श्रयमाणः पुरस्ताद्ब्रह्म वन्वानो अजरं सुवीरम् ।

- 3.008.02c आ॒रे अ॒स्मद॒मतिं॑ बा॒धमा॒न उ॒च्छ्रय॑स्व म॒हते॑ सौ॒भगा॑य ॥
- 3.008.03a उ॒च्छ्रय॑स्व व॒नस्प॑ते व॒र्षम॑न्पृथि॒व्या अ॒धि ।
- 3.008.03c सु॒मिती॑ मी॒यमा॑नो व॒र्चो॑ धा य॒ज्ञवा॑हसे ॥
- 3.008.04a यु॒वा सु॒वासाः॑ परि॒वीत॑ आ॒गात्स उ॒ श्रेया॑न्भवति जा॒यमा॑नः ।
- 3.008.04c तं धी॒रासः॑ क॒वय॑ उ॒न्नय॑न्ति स्वा॒ध्योश्च॑ म॒नसा॑ दे॒वय॑न्तः ॥
- 3.008.05a जा॒तो जा॑यते सु॒दिन॑त्वे अ॒ह्नां स॒मर्य॑ आ वि॒दथे॑ वर्ध॒मानः॑ ।
- 3.008.05c पु॒नन्ति॑ धी॒रा अ॒पसो॑ म॒नीषा॑ दे॒वया॑ वि॒प्र उ॒दिय॑र्ति वा॒चम् ॥
- 3.008.06a या॒न्वो न॑रो दे॒वय॑न्तो नि॒मि॒म्युर्व॑नस्पते स्व॒धिति॑र्वा त॒तद् ।
- 3.008.06c ते दे॒वासः॑ स्वर॒वस्त॑स्थि॒वांसः॑ प्र॒जाव॑दस्मे दि॒धिष॑न्तु र॒त्नम् ॥
- 3.008.07a ये वृ॒क्णासो॑ अ॒धि क्ष॑मि नि॒मिता॑सो य॒तस्रु॑चः ।
- 3.008.07c ते नो॑ व्य॒न्तु वा॒र्य दे॒वत्रा॑ क्षे॒त्रसा॑धसः ॥
- 3.008.08a आ॒दि॒त्या रु॒द्रा व॑सवः सु॒नीथा॑ द्या॒वाक्षा॑मा पृथि॒वी अ॒न्तरि॑क्षम् ।
- 3.008.08c स॒जोष॑सो य॒ज्ञम॑वन्तु दे॒वा ऊ॒र्ध्वं कृ॑णवन्त्वध्व॒रस्य॑ के॒तुम् ॥
- 3.008.09a हंसा॑ इव श्रेणि॒शो य॑तानाः शु॒क्रा व॑सानाः स्वर॒वो न आ॑गुः ।
- 3.008.09c उ॒न्नीय॑मानाः क॒विभिः॑ पु॒रस्ता॑द्दे॒वा दे॒वाना॑मपि य॒न्ति पा॑थः ॥
- 3.008.10a शृ॒ङ्गाणी॑वेच्छृ॒ङ्गिणां॑ सं द॒दृशे॑ च॒षाल॑वन्तः स्वर॒वः पृथि॑व्याम् ।
- 3.008.10c वा॒घद्भि॑र्वा वि॒हवे॑ श्रोष॒माणा॑ अ॒स्माँ अ॒वन्तु॑ पृ॒तना॑ज्येषु ॥
- 3.008.11a व॒नस्प॑ते श॒तव॑ल्शो वि॒ रोह॑ स॒हस्र॑वल्शा वि॒ वयं॑ रु॒हेम॑ ।

- 3.008.11c यं त्वा॒मयं॑ स्व॒धि॒ति॒स्ते॒ज॒मा॒नः॑ प्र॒णि॒ना॒य॑ म॒ह॒ते॑ सौ॒भ॒गा॒य॑ ॥
- 3.009.01a सखा॑यस्त्वा ववृ॑महे दे॒वं म॒र्ता॑स ऊ॒तये॑ ।
- 3.009.01c अ॒पां न॒पातं॑ सु॒भगं॑ सु॒दी॒दि॒तिं सु॒प्र॒तूर्ति॑मनेहसम् ॥
- 3.009.02a का॒य॒मा॒नो व॒ना त्वं॑ यन्मा॒तृ॒ज॒ग॒न्न॒पः॑ ।
- 3.009.02c न त॒त्ते अ॒ग्ने प्र॒मृ॒षे नि॒व॒र्त॒नं य॒दू॒रे स॒न्नि॒हा॒भवः॑ ॥
- 3.009.03a अ॒ति तृ॒ष्टं व॒व॒क्षि॒थाथै॒व सु॒म॒ना अ॒सि॑ ।
- 3.009.03c प्र॒प्रा॒न्ये य॒न्ति॒ पर्य॑न्य आ॒स॒ते येषां॑ स॒ख्ये अ॒सि॑ श्रि॒तः ॥
- 3.009.04a ई॒यि॒वांस॑मति॒ स्त्रि॒धः श॒श्व॒ती॒र॒ति स॒श्व॒तः॑ ।
- 3.009.04c अ॒न्वी॒मवि॑न्दन्नि॒चि॒रा॒सो अ॒द्रु॒होऽप्सु॑ सि॒ंह॒मि॒व श्रि॒तम् ॥
- 3.009.05a स॒सृ॒वांस॑मि॒व त्म॒ना॒ग्नि॑मि॒त्था ति॒रो॒हि॒तम् ।
- 3.009.05c ऐ॒नं न॒य॒न्मा॒त॒रि॒श्वा॒ परा॒व॒तो दे॒वे॒भ्यो म॒थि॒तं परि॑ ॥
- 3.009.06a तं त्वा॑ म॒र्ता अ॒गृ॒भ्णा॒त दे॒वे॒भ्यो ह॒व्य॒वा॒हन॑ ।
- 3.009.06c वि॒श्वान्य॑द्यज्ञाँ अ॒भि॒पा॒सि मा॒नु॒ष त॒व कृ॒त्वा य॒वि॒ष्ठ्य ॥
- 3.009.07a तद्भ॒द्रं त॒व दंस॑ना पा॒का॒य चि॒च्छ॒द॒यति॑ ।
- 3.009.07c त्वां य॒दग्ने॑ प॒श॒वः स॒मा॒स॒ते स॒मि॒द्ध॒म॒पि॒श॒वरे॑ ॥
- 3.009.08a आ जु॒हो॒ता स्व॒ध्व॒रं शी॒रं पा॒व॒क॒शो॒चि॒षम् ।
- 3.009.08c आ॒शुं दू॒त॒म॒जि॒रं प्र॒त्न॒मी॒ड्यं श्रु॒ष्टी दे॒वं स॒पर्य॑त ॥

- 3.009.09a त्रीणि॑ शता॑ त्री॑ सहस्रा॑ण्यग्निं॑ त्रिंशच्च॑ देवा॑ नव॑ चासपर्यन्॑ ।
- 3.009.09c औ॑क्षन्धृ॑तैरस्तृ॑णन्ब॒र्हिर॑स्मा॒ आदि॑द्धो॒तारं॑ न्यसाद॑यन्त ॥
- 3.010.01a त्वाम॑ग्ने॒ मनी॑षिणः॒ सम्राजं॑ चर्ष॑णीनाम् ।
- 3.010.01c दे॒वं मर्ता॑स इन्ध॒ते सम॑ध्वरे ॥
- 3.010.02a त्वां यज्ञे॑ष्वृ॒त्वज॑मग्ने॒ होतार॑मीळते ।
- 3.010.02c गो॒पा ऋ॒तस्य॑ दीदि॒हि स्वे द॑मे ॥
- 3.010.03a स॒ घा य॑स्ते ददा॒शति॑ समि॒धा जा॑तवे॒दसे॑ ।
- 3.010.03c सो॒ अग्ने॑ धत्ते सु॒वीर्यं॑ स पु॒ष्यति॑ ॥
- 3.010.04a स॒ केतु॑र॒ध्वरा॑णामग्नि॒दे॒विभि॑रा ग॒मत् ।
- 3.010.04c अ॒ञ्जानः॑ सप्त॒ होतृ॑भिर्ह॒विष्म॑ते ॥
- 3.010.05a प्र॒ होत्रे॑ पू॒र्व्यं व॒चोऽ॒ग्नये॑ भर॒ता बृ॒हत् ।
- 3.010.05c वि॒पां ज्योती॑षि बिभ्र॒ते न वे॑धसे ॥
- 3.010.06a अ॒ग्निं वर्ध॑न्तु नो गि॒रो यतो॑ जा॒यत॑ उ॒क्थ्यः॑ ।
- 3.010.06c म॒हे वाजा॑य द्र॒विणाय॑ दर्श॒तः ॥
- 3.010.07a अ॒ग्ने यजि॑ष्ठो अ॒ध्वरे॑ दे॒वान्दे॑वयते॒ यज॑ ।
- 3.010.07c हो॒ता म॒न्द्रो वि॑ राज॒स्यति॑ स्त्रि॒धः ॥
- 3.010.08a स॒ नः पा॑वक दीदि॒हि द्यु॒मद॑स्मे सु॒वीर्य॑म् ।

- 3.010.08c भवा॑ स्तो॒तृभ्यो॑ अ॒न्तमः॑ स्व॒स्तये॑ ॥
- 3.010.09a तं॒ त्वा॑ वि॒प्रा॑ वि॒प॒न्यवो॑ जा॒गृवांसः॑ स॒मिन्ध॑ते ।
- 3.010.09c ह॒व्यवा॑ह॒मम॑र्त्य॒ सहो॑वृ॒धम् ॥
- 3.011.01a अ॒ग्निर्हो॑ता॒ पुरो॑हि॒तोऽध्व॑रस्य॒ विच॑र्षणिः ।
- 3.011.01c स॒ वेद॑ य॒ज्ञमा॑नुषक् ॥
- 3.011.02a स॒ ह॒व्यवा॑ळ॒मर्त्य॑ उ॒शिग्दू॑तश्च॒नोहि॑तः ।
- 3.011.02c अ॒ग्निर्धिया॑ स॒मृण॑वति ॥
- 3.011.03a अ॒ग्निर्धिया॑ स॒ चेत॑ति॒ केतु॑र्य॒ज्ञस्य॑ पू॒र्व्यः ।
- 3.011.03c अ॒र्थं ह्य॑स्य॒ तर॑णि ॥
- 3.011.04a अ॒ग्निं सू॒नुं स॑नश्चु॒तं स॑हसो॒ जात॑वेदसम् ।
- 3.011.04c वह्निं॑ दे॒वा अ॑कृणवत् ॥
- 3.011.05a अ॒दाभ्यः॑ पु॒रए॑ता॒ विशा॑म॒ग्निर्मा॑नु॒षीणा॑म् ।
- 3.011.05c तू॒र्णी र॑थः सदा॒ नवः॑ ॥
- 3.011.06a सा॒ह्वान्वि॑श्वा॒ अभि॑युजः॒ क्रतु॑र्दे॒वाना॑ममृ॒क्तः ।
- 3.011.06c अ॒ग्निस्तु॑वि॒श्रव॑स्तमः ॥
- 3.011.07a अ॒भि प्र॑यांसि॒ वाह॑सा॒ दाश्वाँ॑ अ॒श्रोति॑ म॒र्त्यः ।
- 3.011.07c क्ष॒यं पा॑वकशोचिषः ॥

- 3.011.08a परि॑ विश्वानि॑ सु॒धिता॑ग्नेर॒श्याम॑ मन्मभिः॑ ।
- 3.011.08c वि॒प्रासो॑ जा॒तवे॑दसः ॥
- 3.011.09a अ॒ग्ने विश्वानि॑ वा॒र्या वा॑जेषु स॒निषाम॑हे ।
- 3.011.09c त्वे॑ दे॒वास ए॒रिरे॑ ॥
- 3.012.01a इन्द्रा॑ग्नी आ ग॒तं सु॒तं गी॒र्भिर्न॑भो व॒रेण्य॑म् ।
- 3.012.01c अ॒स्य पा॑तं धि॒येषि॑ता ॥
- 3.012.02a इन्द्रा॑ग्नी ज॒रितुः॑ स॒चा य॒ज्ञो जि॑गाति चेत॒नः ।
- 3.012.02c अ॒या पा॑तमि॒मं सु॒तम् ॥
- 3.012.03a इन्द्र॑मग्निं क॒विच्छ॑दा य॒ज्ञस्य॑ जू॒त्या वृ॑णे ।
- 3.012.03c ता सोम॑स्येह तृ॒म्पता॑म् ॥
- 3.012.04a तोशा॑ वृ॒त्रह॑णा हु॒वे स॒जित्वा॑नाप॒राजि॑ता ।
- 3.012.04c इन्द्रा॑ग्नी वा॒जसा॑तमा ॥
- 3.012.05a प्र वा॑मर्च॒न्त्युक्थि॑नो नी॒थावि॑दो ज॒रितारः॑ ।
- 3.012.05c इन्द्रा॑ग्नी इ॒ष आ वृ॑णे ॥
- 3.012.06a इन्द्रा॑ग्नी न॒वतिं॑ पु॒रो दा॑सप॒त्नीर॑धू॒नुत॑म् ।
- 3.012.06c सा॒कमे॑के॒न क॑र्मणा ॥
- 3.012.07a इन्द्रा॑ग्नी अ॒पस॑स्पर्यु॒प प्र य॑न्ति धी॒तयः॑ ।



- 3.012.07c ऋ॒तस्य॑ प॒थ्या॑३ अ॒नु ॥
- 3.012.08a इन्द्रा॑ग्नी॒ तवि॑षाणि॒ वां स॒धस्था॑नि॒ प्रया॑सि च ।
- 3.012.08c यु॒वोर॒मूर्य॑ हित॒म् ॥
- 3.012.09a इन्द्रा॑ग्नी॒ रोच॑ना॒ दिवः॑ परि॒ वाजे॑षु॒ भूष॑थः ।
- 3.012.09c तद्वां॑ चेति॒ प्र वी॑र्य॒म् ॥
- 3.013.01a प्र वो॑ दे॒वाया॑ग्नये॒ बर्हि॑ष्ठम॒र्चास्मै॑ ।
- 3.013.01c गम॑द्दे॒वेभि॑रा स॒ नो य॒जिष्ठो॑ बर्हि॒रा स॑दत् ॥
- 3.013.02a ऋ॒तावा॑ यस्य॒ रोद॑सी॒ दत्तं॑ स॒चन्त॑ ऊ॒तयः॑ ।
- 3.013.02c ह॒विष्म॑न्तस्त॒मीळ॑ते॒ तं स॒निष्य॑न्तोऽव॒से ॥
- 3.013.03a स य॑न्ता॒ विप्र॑ ए॒षां स॒ यज्ञा॑नाम॒था हि॒ षः ।
- 3.013.03c अ॒ग्निं तं॑ वो॒ दुव॑स्यत॒ दाता॑ यो व॒निता॑ म॒घम् ॥
- 3.013.04a स नः॑ श॒र्माणि॑ वी॒तये॑ऽग्नि॒र्यच्छ॑तु श॒न्तमा॑ ।
- 3.013.04c यतो॑ नः॒ प्रुष्ण॑वद्वसु॒ दिवि॑ क्षि॒तिभ्यो॑ अ॒प्स्वा ॥
- 3.013.05a दी॒दिवांस॑म॒पूर्व्य॑ व॒स्वीभि॑रस्य॒ धीति॑भिः ।
- 3.013.05c ऋ॒क्वाणो॑ अ॒ग्निमि॑न्धते॒ होतारं॑ वि॒शप॑तिं॒ विशा॑म् ॥
- 3.013.06a उ॒त नो॑ ब्रह्म॒न्नवि॑ष उ॒क्थेषु॑ दे॒वहू॑तमः ।
- 3.013.06c शं नः॑ शो॒चा म॑रु॒द्वृधो॑ऽग्ने॒ सह॑स्रसा॒तमः॑ ॥

3.013.07a नू नो रास्व सहस्रवत्तोकवत्पुष्टिमद्वसु ।

3.013.07c द्युमदग्ने सुवीर्यं वर्षिष्ठमनुपक्षितम् ॥

3.014.01a आ होता मन्द्रो विदथान्यस्थात्सत्यो यज्वा कवितमः स वेधाः ।

3.014.01c विद्युद्रथः सहसस्पुत्रो अग्निः शोचिष्केशः पृथिव्यां पाजो अश्रेत् ॥

3.014.02a अयामि ते नमउक्तिं जुषस्व ऋतावस्तुभ्यं चेतते सहस्वः ।

3.014.02c विद्वाँ आ वक्षि विदुषो नि षत्सि मध्य आ बर्हिरूतये यजत्र ॥

3.014.03a द्रवतां त उषसा वाजयन्ती अग्ने वातस्य पथ्याभिरच्छ ।

3.014.03c यत्सीमञ्जन्ति पूर्व्यं हविर्भिरा वन्धुरेव तस्थतुर्दुरोणे ॥

3.014.04a मित्रश्च तुभ्यं वरुणः सहस्वोऽग्ने विश्वे मरुतः सुम्रमर्चन् ।

3.014.04c यच्छोचिषा सहसस्पुत्र तिष्ठा अभि क्षितीः प्रथयन्सूर्यो नृन् ॥

3.014.05a वयं ते अद्य ररिमा हि काममुत्तानहस्ता नमसोपसद्य ।

3.014.05c यजिष्ठेन मनसा यक्षि देवानस्त्रेधता मन्मना विप्रो अग्ने ॥

3.014.06a त्वद्धि पुत्र सहसो वि पूर्वीर्दिवस्य यन्त्यूतयो वि वाजाः ।

3.014.06c त्वं देहि सहस्त्रिणं रयिं नोऽद्रोघेण वचसा सत्यमग्ने ॥

3.014.07a तुभ्यं दक्ष कविक्रतो यानीमा देव मर्तासो अध्वरे अकर्म ।

3.014.07c त्वं विश्वस्य सुरथस्य बोधि सर्वं तदग्ने अमृत स्वदेह ॥

- 3.015.01a वि पाजसा पृथुना शोशुचानो बाधस्व द्विषो रक्षसो अमीवाः ।
- 3.015.01c सुशर्मणो बृहतः शर्मणि स्यामग्नेरहं सुहवस्य प्रणीतौ ॥
- 3.015.02a त्वं नो अस्या उषसो व्युष्टौ त्वं सूर उदिते बोधि गोपाः ।
- 3.015.02c जन्मेव नित्यं तनयं जुषस्व स्तोमं मे अग्ने तन्वा सुजात ॥
- 3.015.03a त्वं नृचक्षा वृषभानु पूर्वीः कृष्णास्वग्ने अरुषो वि भाहि ।
- 3.015.03c वसो नेषि च पर्षि चात्यंहः कृधी नो राय उशिजो यविष्ठ ॥
- 3.015.04a अषाळ्हो अग्ने वृषभो दिदीहि पुरो विश्वाः सौभगा संजिगीवान् ।
- 3.015.04c यज्ञस्य नेता प्रथमस्य पायोर्जातवेदो बृहतः सुप्रणीते ॥
- 3.015.05a अच्छिद्रा शर्म जरितः पुरूणि देवाँ अच्छा दीद्यानः सुमेधाः ।
- 3.015.05c रथो न सस्त्रिरभि वक्षि वाजमग्ने त्वं रोदसी नः सुमेके ॥
- 3.015.06a प्र पीपय वृषभ जिन्व वाजानग्ने त्वं रोदसी नः सुदोघे ।
- 3.015.06c देवेभिर्देव सुरुचा रुचानो मा नो मर्तस्य दुर्मतिः परि ष्ठात् ॥
- 3.015.07a इळामग्ने पुरुदंसं सनिं गोः शश्वत्तमं हवमानाय साध ।
- 3.015.07c स्यान्नः सूनुस्तनयो विजावाग्ने सा ते सुमतिर्भूत्वस्मे ॥
- 3.016.01a अयमग्निः सुवीर्यस्येशे महः सौभगस्य ।
- 3.016.01c राय ईशे स्वपत्यस्य गोमत ईशे वृत्रहथानाम् ॥
- 3.016.02a इमं नरो मरुतः सश्वता वृधं यस्मिन्नायः शेवृधासः ।

- 3.016.02c अ॒भि॒ ये॒ स॒न्ति॒ पृ॒त॒ना॒सु॒ दू॒ढ्यो॑ वि॒श्वा॒हा॒ श॒त्रु॒मा॒द॒भुः॑ ॥
- 3.016.03a स॒ त्वं॑ नो॒ रा॒यः॑ शि॒शी॒हि॒ मी॒ढ्वो॑ अ॒ग्ने॒ सु॒वी॒र्य॑स्य ।
- 3.016.03c तु॒वि॒द्यु॒म्न॒ व॒र्षि॑ष्ठस्य प्र॒जा॒व॒तो॒ऽन॒मी॒व॒स्य॑ शु॒ष्मि॒णः॑ ॥
- 3.016.04a च॒क्रि॒र्यो॑ वि॒श्वा॒ भु॒व॒ना॒भि॒ सा॒स॒हि॒श्च॒क्रि॒दे॒वै॒ष्वा॒ दु॒वः॑ ।
- 3.016.04c आ॒ दे॒वेषु॑ य॒तत॑ आ॒ सु॒वी॒र्य॑ आ॒ शंस॑ उ॒त नृ॒णाम्॑ ॥
- 3.016.05a मा॒ नो॑ अ॒ग्ने॒ऽम॒तये॑ मा॒वी॒र॒ता॒यै॑ री॒रधः॑ ।
- 3.016.05c मा॒गो॒ता॒यै॑ स॒ह॒स॒स्पु॒त्र॒ मा॒ नि॒दे॒ऽप॒ द्वे॒षां॒स्या॑ कृ॒धि ॥
- 3.016.06a श॒ग्धि॑ वा॒ज॒स्य॑ सु॒भग॑ प्र॒जा॒व॒तो॒ऽग्ने॑ बृ॒हतो॑ अ॒ध्व॒रे ।
- 3.016.06c सं॒ रा॒या॒ भू॒यसा॑ सृ॒ज॒ मयो॑भु॒ना॒ तु॒वि॒द्यु॒म्न॒ यश॑स्व॒ता ॥
- 3.017.01a स॒मि॒ध्य॒मा॒नः॑ प्रथ॒मा॒नु॒ ध॒र्मा॑ स॒म॒क्तु॑भि॒र॒ज्य॑ते वि॒श्व॒वा॒रः॑ ।
- 3.017.01c शो॒चि॒ष्के॑शो॒ घृ॒त॒नि॒र्णि॒क्पा॒वकः॑ सु॒य॒ज्ञो॑ अ॒ग्नि॒र्य॒ज॒था॒य॑ दे॒वान् ॥
- 3.017.02a यथा॑य॒जो॒ हो॒त्र॒म॒ग्ने॑ पृथि॒व्या॒ यथा॑ दि॒वो॒ जा॒त॒वे॒द॒श्चि॒कित्वा॑न् ।
- 3.017.02c ए॒वा॒ने॒न॑ ह॒वि॒षा॑ य॒क्षि॑ दे॒वा॒न्म॒नु॒ष्व॒द्य॒ज्ञं॑ प्र॒ ति॒रे॒म॒मद्य॑ ॥
- 3.017.03a त्री॒ण॒या॒यू॑षि॒ तव॑ जा॒त॒वे॒द॒स्ति॒स्र॒ आ॒जा॒नी॒रु॒ष॒स॒स्ते॑ अ॒ग्ने॑ ।
- 3.017.03c ता॒भि॒र्दे॒वा॒ना॒मवो॑ य॒क्षि॑ वि॒द्वान॑था॒ भव॑ य॒ज॒मा॒ना॒य॒ शं॑ योः ॥
- 3.017.04a अ॒ग्निं॑ सु॒दी॒तिं॑ सु॒दृ॒शं॑ गृ॒ण॒न्तो॑ न॒म॒स्या॒म॒स्त्वे॒ड्यं॑ जा॒त॒वे॒दः॑ ।
- 3.017.04c त्वां॑ दू॒त॒म॒र॒तिं॑ ह॒व्य॒वा॒हं॑ दे॒वा॒ अ॒कृ॒ण॒व॒न्न॒मृ॒त॒स्य॑ ना॒भिम् ॥

3.017.05a यस्त्वद्धोता॑ पूर्वो॑ अग्ने॑ यजी॑यान्द्वि॒ता च॑ सत्ता॑ स्व॒धया॑ च॒ शम्भुः॑ ।

3.017.05c तस्या॑नु॒ धर्म॑ प्र॒ यजा॑ चि॒कित्वोऽथ॑ नो॒ धा॑ अध्व॒रं दे॒ववी॑तौ ॥

3.018.01a भवा॑ नो॒ अग्ने॑ सु॒मना॑ उपे॒तौ स॒खेव॑ स॒ख्ये पि॒तरे॑व सा॒धुः ।

3.018.01c पुरु॑द्रुहो॒ हि क्षि॒तयो॑ जना॒नां प्रति॑ प्रती॒चीर्द॑हता॒दरा॑तीः ॥

3.018.02a तपो॑ ष्वग्ने॑ अ॒न्तराँ॑ अ॒मित्रा॑न्तपा॒ शंस॑मररुषः॒ पर॑स्य ।

3.018.02c तपो॑ वसो॒ चिकि॑तानो॒ अचि॑त्तान्वि॒ ते तिष्ठ॑न्तामजरा॒ अया॑सः ॥

3.018.03a इ॒ध्मेना॑ग्न इ॒च्छमा॑नो॒ घृते॑न जु॒होमि॑ ह॒व्यं तर॑से॒ बला॑य ।

3.018.03c याव॑दी॒शे ब्र॑ह्मणा॒ वन्द॑मान॒ इमां॑ धियं॒ शत॑सेयाय॒ देवी॑म् ॥

3.018.04a उ॒च्छो॒चिषा॑ सह॒सस्पु॑त्र॒ स्तुतो॑ बृ॒हद्व॑यः॒ शश॑मानेषु॒ धेहि॑ ।

3.018.04c रेव॑दग्ने॒ विश्वा॑मि॒त्रेषु॑ शं॒ योर्म॑र्मृ॒ज्मा ते॑ तन्वं॑ भूरि॒ कृत्वः॑ ॥

3.018.05a कृ॒धि रत्नं॑ सु॒सनित॑र्ध॒नानां॑ स॒ घेद॑ग्ने॒ भव॑सि॒ यत्समि॑द्धः ।

3.018.05c स्तो॒तुर्दुरो॑गे॒ सुभ॑गस्य॒ रेव॑त्सृ॒प्रा कर॑स्त्रा॒ दधि॑षे॒ वपूं॑षि ॥

3.019.01a अ॒ग्निं हो॑तारं॒ प्र वृ॑णे॒ मिये॑धे॒ गृत्सं॑ क॒विं वि॒श्ववि॑दम॒मूर॑म् ।

3.019.01c स॒ नो॑ यद्दे॒वता॑ता॒ यजी॑यान्नाये॒ वाजा॑य वन॒ते म॑घानि ॥

3.019.02a प्र॒ ते अग्ने॑ ह॒विष्म॑ती॒मिय॑र्म्य॒च्छा सु॒द्युम्नां॑ रा॒तिनीं॑ घृ॒ताची॑म् ।

3.019.02c प्र॒दक्षि॑णि॒द्देव॑ता॒तिमु॑राणः॒ सं रा॒तिभि॑र्वसु॒भिर्य॑ज्ञम॒श्रेत् ॥

- 3.019.03a स तेजीयसा मनसा त्वोत उत शिक्त स्वपत्यस्य शिक्तोः ।
- 3.019.03c अग्ने रायो नृतमस्य प्रभूतौ भूयाम ते सुष्टुतयश्च वस्वः ॥
- 3.019.04a भूरीणि हि त्वे दधिरे अनीकाग्ने देवस्य यज्यवो जनासः ।
- 3.019.04c स आ वह देवतातिं यविष्ठ शर्धो यदद्य दिव्यं यजासि ॥
- 3.019.05a यत्त्वा होतारमनजन्मियेधे निषादयन्तो यजथाय देवाः ।
- 3.019.05c स त्वं नो अग्नेऽवितेह बोध्यधि श्रवांसि धेहि नस्तनूषु ॥
- 3.020.01a अग्निमुषसमश्विना दधिक्रां व्युष्टिषु हवते वह्निरुक्थैः ।
- 3.020.01c सुज्योतिषो नः शृण्वन्तु देवाः सजोषसो अध्वरं वावशानाः ॥
- 3.020.02a अग्ने त्री ते वाजिना त्री षधस्था तिस्रस्ते जिह्वा ऋतजात पूर्वीः ।
- 3.020.02c तिस्र उ ते तन्वो देववातास्ताभिर्नः पाहि गिरो अप्रयुच्छन् ॥
- 3.020.03a अग्ने भूरीणि तव जातवेदो देव स्वधावोऽमृतस्य नाम ।
- 3.020.03c याश्च माया मायिनां विश्वमिन्व त्वे पूर्वीः संदधुः पृष्टबन्धो ॥
- 3.020.04a अग्निर्नेता भग इव क्षितीनां दैवीनां देव ऋतुपा ऋतावा ।
- 3.020.04c स वृत्रहा सनयो विश्ववेदाः पर्षद्विश्वाति दुरिता गृणन्तम् ॥
- 3.020.05a दधिक्रामग्निमुषसं च देवीं बृहस्पतिं सवितारं च देवम् ।
- 3.020.05c अश्विना मित्रावरुणा भगं च वसून्नुद्राँ आदित्याँ इह हुवे ॥

- 3.021.01a इ॒मं नो॑ य॒ज्ञम॒मृते॑षु॒ धेही॑मा ह॒व्या जा॑तवेदो जुषस्व ।
- 3.021.01c स्तो॒काना॑मग्ने॒ मेद॑सो घृ॒तस्य॑ हो॒तः प्रा॑शान प्रथ॒मो नि॑षद्य ॥
- 3.021.02a घृ॒तव॑न्तः पावक॒ ते स्तो॒का श्रो॑तन्ति॒ मेद॑सः ।
- 3.021.02c स्व॒धर्म॑न्दे॒ववी॑तये श्रेष्ठं॒ नो धे॑हि वा॒र्यम् ॥
- 3.021.03a तुभ्यं॑ स्तो॒का घृ॒तश्चु॑तोऽग्ने॒ विप्रा॑य सन्त्य ।
- 3.021.03c ऋ॒षिः श्रेष्ठः॑ समि॒ध्यसे॒ यज्ञ॑स्य प्रा॒विता॑ भव ॥
- 3.021.04a तुभ्यं॑ श्रो॒तन्त्य॑ग्नि॒गो श॑चीव॒ स्तो॒कासो॑ अग्ने॒ मेद॑सो घृ॒तस्य॑ ।
- 3.021.04c क॒विश॑स्तो बृ॒हता॑ भा॒नुना॑गा ह॒व्या जु॑षस्व मे॒धिर ॥
- 3.021.05a ओ॒जिष्ठं॑ ते म॒ध्यतो॑ मेद॒ उद्भू॑तं प्र ते व॒यं द॑दामहे ।
- 3.021.05c श्रो॒तन्ति॑ ते वसो॒ स्तो॒का अधि॑ त्वचि॒ प्रति॑ तान्दे॒वशो॑ विहि ॥
- 3.022.01a अ॒यं सो॒ अग्नि॑र्यस्मिन्सोममिन्द्रः सु॒तं द॑धे ज॒ठरे॑ वाव॒शानः॑ ।
- 3.022.01c स॒हस्रि॑णं वा॒जम॒त्यं न॑ सतिं॒ सस॑वान्सन्स्तूयसे जा॒तवे॑दः ॥
- 3.022.02a अग्ने॑ यत्ते दि॒वि वर्चः॑ पृथि॒व्यां यदो॑षधीष्वप्स्वा यजत्र ।
- 3.022.02c येना॑न्तरि॒क्षमु॑र्वा॒तत॑न्थ॒ त्वेषः॑ स भा॒नुर॑र्ण॒वो नृ॑च॒क्षाः ॥
- 3.022.03a अग्ने॑ दि॒वो अ॒र्णम॑च्छा जिगा॒स्यच्छा॑ दे॒वाँ ऊ॑चिषे धि॒ष्ण्या॑ ये ।
- 3.022.03c या रो॑चने॒ पर॑स्तात्सूर्य॒स्य या॑श्चावस्तादु॒पति॑ष्ठन्त॒ आपः॑ ॥
- 3.022.04a पु॒रीष्वा॑सो अ॒ग्नयः॑ प्रा॒वणे॑भिः स॒जोष॑सः ।

- 3.022.04c जु॒षन्तां॑ य॒ज्ञम॒द्रुहो॑ऽनमी॒वा इ॒षो म॒हीः ॥
- 3.022.05a इ॒ळाम॒ग्ने पु॒रुदं॑सं॒ सनिं॑ गोः श॒श्वत्त॑मं ह॒वमा॑नाय साध ।
- 3.022.05c स्यान्नः॑ सू॒नुस्त॑नयो वि॒जावा॒ग्ने सा ते॑ सु॒मति॑र्भू॒त्वस्मे ॥
- 3.023.01a निर्मा॑थितः सु॒धित॑ आ स॒धस्थे॑ यु॒वा क॒विर॑ध्वरस्य प्र॒णेता॑ ।
- 3.023.01c जूर्य॑त्स्व॒ग्नि॒रज॑रो वनेष्वत्रा दधे अ॒मृतं॑ जा॒तवे॑दाः ॥
- 3.023.02a अ॒मन्थि॑ष्टां॒ भार॑ता रे॒वद॒ग्निं दे॒वश्र॑वा दे॒ववा॑तः सु॒दत्त॑म् ।
- 3.023.02c अ॒ग्ने वि॑ प॒श्य बृ॒हता॑भि रा॒येषां॑ नो॒ नेता॑ भ॒वता॑दनु द्यून् ॥
- 3.023.03a द॒श क्षि॑पः पू॒र्व्यं सी॑मजी॒जन॑न्सुजा॒तं मा॒तृषु॑ प्रि॒यम् ।
- 3.023.03c अ॒ग्निं स्तु॑हि दै॒ववा॑तं दे॒वश्र॑वो यो ज॒नाना॑मसद्वशी ॥
- 3.023.04a नि त्वा॑ दधे वर आ पृथि॒व्या इ॒ळया॑स्पदे सु॒दि॒नत्वे॑ अ॒ह्नाम् ।
- 3.023.04c दृ॒षद्व॑त्यां॒ मानु॑ष आ॒पया॑यां॒ सर॑स्वत्यां॒ रेव॑दग्ने दिदीहि ॥
- 3.023.05a इ॒ळाम॒ग्ने पु॒रुदं॑सं॒ सनिं॑ गोः श॒श्वत्त॑मं ह॒वमा॑नाय साध ।
- 3.023.05c स्यान्नः॑ सू॒नुस्त॑नयो वि॒जावा॒ग्ने सा ते॑ सु॒मति॑र्भू॒त्वस्मे ॥
- 3.024.01a अ॒ग्ने स॒हस्व॑ पृ॒तना॑ अ॒भिमा॑तीरपास्य ।
- 3.024.01c दु॒ष्टर॑स्तर॒न्नरा॑तीर्वर्चो॑ धा य॒ज्ञवा॑हसे ॥
- 3.024.02a अ॒ग्न इ॒ळा स॑मि॒ध्यसे॑ वी॒तिहो॑त्रो अ॒मर्त्यः॑ ।



- 3.024.02c जुषस्व॑ सू॒ नो॑ अ॒ध्वर॑म् ॥
- 3.024.03a अ॒ग्ने॑ द्यु॒म्नेन॑ जा॒गृवे॑ स॒हसः॑ सू॒नवा॑हुत ।
- 3.024.03c ए॒दं ब॒र्हिः॑ स॒दो म॑म ॥
- 3.024.04a अ॒ग्ने॑ वि॒श्वे॑भि॒रग्नि॑भि॒र्दे॒वेभि॑र्म॒हया॑ गि॒रः ।
- 3.024.04c य॒ज्ञेषु॑ य उ॒ चाय॑वः ॥
- 3.024.05a अ॒ग्ने॑ दा॒ दाशु॑षे॒ रयि॑ं वी॒रव॑न्तं॒ परी॑णसम् ।
- 3.024.05c शि॒शीहि॑ नः॒ सूनु॑मतः ॥
- 3.025.01a अ॒ग्ने॑ दि॒वः सू॒नुर॑सि॒ प्रचे॑तास्त॒ना पृ॑थि॒व्या उ॒त वि॒श्ववे॑दाः ।
- 3.025.01c अ॒धृग्दे॒वाँ इ॒ह य॑जा चि॒कित्त्वः॑ ॥
- 3.025.02a अ॒ग्निः स॑नोति॒ वी॒र्या॑णि॒ वि॒द्वान्स॑नोति॒ वाज॑म॒मृता॑य॒ भूष॑न् ।
- 3.025.02c स नो॑ दे॒वाँ ए॒ह व॑हा पु॒रुक्षो॑ ॥
- 3.025.03a अ॒ग्निर्द्या॑वा॒पृथि॑वी॒ वि॒श्वज॑न्ये॒ आ भा॑ति॒ दे॒वी अ॒मृते॑ अ॒मूरः॑ ।
- 3.025.03c क्ष॒यन्वा॑जैः पु॒रुश्च॑न्द्रो॒ नमो॑भिः ॥
- 3.025.04a अ॒ग्न इ॒न्द्रश्च॑ दा॒शुषो॑ दुरो॒णे सु॒ताव॑तो॒ यज्ञ॑मि॒होप॑ यातम् ।
- 3.025.04c अ॒मर्ध॑न्ता॒ सोम॑पेयाय॒ देवा॑ ॥
- 3.025.05a अ॒ग्ने॑ अ॒पां स॑मि॒ध्यसे॑ दुरो॒णे नित्यः॑ सू॒नो स॑हसो॒ जात॑वेदः ।
- 3.025.05c स॒धस्थानि॑ म॒ह्यमा॑न ऊ॒ती ॥

- 3.026.01a वैश्वानरं॑ मनसाग्निं॑ निचाय्या॑ हविष्मन्तो॑ अनुषत्यं॑ स्वर्विदम्॑ ।
- 3.026.01c सुदानुं॑ देवं॑ रथिरं॑ वसूयवो॑ गीर्भी॑ रणवं॑ कुशिकासो॑ हवामहे ॥
- 3.026.02a तं शुभ्रमग्निमवसे॑ हवामहे॑ वैश्वानरं॑ मातरिश्वानमुक्थ्यम्॑ ।
- 3.026.02c बृहस्पतिं॑ मनुषो॑ देवतातये॑ विप्रं॑ श्रोतारमतिथिं॑ रघुष्यदम्॑ ॥
- 3.026.03a अश्वो॑ न क्रन्दञ्जनिभिः॑ समिध्यते॑ वैश्वानरः॑ कुशिकेभियुगेयुगे॑ ।
- 3.026.03c स नो॑ अग्निः॑ सुवीर्यं॑ स्वश्व्यं॑ दधातु॑ रत्नममृतेषु॑ जागृविः॑ ॥
- 3.026.04a प्र यन्तु॑ वाजास्तविषीभिरग्नयः॑ शुभे॑ सम्मिक्षाः॑ पृषतीरयुक्तत॑ ।
- 3.026.04c बृहदुक्तो॑ मरुतो॑ विश्ववेदसः॑ प्र वेपयन्ति॑ पर्वताँ॑ अदाभ्याः॑ ॥
- 3.026.05a अग्निश्रियो॑ मरुतो॑ विश्वकृष्टय॑ आ त्वेषमुग्रमव॑ ईमहे॑ वयम् ।
- 3.026.05c ते स्वानिनो॑ रुद्रिया॑ वर्षनिर्णिजः॑ सिंहा॑ न हेषक्रतवः॑ सुदानवः॑ ॥
- 3.026.06a व्रातंव्रातं॑ गणंगणं॑ सुशस्तिभिरग्नेर्भामं॑ मरुतामोज॑ ईमहे ।
- 3.026.06c पृषदश्वासो॑ अनवभ्रराधसो॑ गन्तारो॑ यज्ञं॑ विदथेषु॑ धीराः॑ ॥
- 3.026.07a अग्निरस्मि॑ जन्मना॑ जातवेदा॑ घृतं॑ मे चक्षुरमृतं॑ म आसन् ।
- 3.026.07c अर्कस्त्रिधातू॑ रजसो॑ विमानोऽजस्रो॑ घर्मो॑ हविरस्मि॑ नाम ॥
- 3.026.08a त्रिभिः॑ पवित्रैरपुपोद्धयशर्कं॑ हृदा॑ मतिं॑ ज्योतिरनु॑ प्रजानन् ।
- 3.026.08c वर्षिष्ठं॑ रत्नमकृत॑ स्वधाभिरादिद्वावापृथिवी॑ पर्यपश्यत् ॥
- 3.026.09a शतधारमुत्समक्षीयमाणं॑ विपश्चितं॑ पितरं॑ वक्तवानाम् ।

- 3.026.09c मे॒ळिं॑ म॒द॒न्तं॑ पि॒त्रोरु॑प॒स्थे॒ तं॑ रो॒द॒सी॑ पि॒पृ॒तं॑ स॒त्य॒वा॒च॒म् ॥
- 3.027.01a प्र॒ वो॒ वा॒जा॑ अ॒भि॒द्य॒वो॑ ह॒वि॒ष्म॒न्तो॑ घृ॒ता॒च्या॑ ।
- 3.027.01c दे॒वा॒ङ्गि॑गाति॒ सु॒म॒न्युः॑ ॥
- 3.027.02a ई॒ळे॑ अ॒ग्निं॑ वि॒प॒श्चितं॑ गि॒रा॒ य॒ज्ञ॒स्य॑ सा॒ध॒न॒म् ।
- 3.027.02c श्रु॒ष्टी॑वा॒नं॒ धि॒ता॒वा॒न॒म् ॥
- 3.027.03a अ॒ग्ने॑ श॒के॒म॒ ते॒ व॒यं॑ य॒मं॑ दे॒व॒स्य॑ वा॒जि॒नः॑ ।
- 3.027.03c अ॒ति॒ द्वे॒षां॑सि॒ तरे॑म ॥
- 3.027.04a स॒मि॒ध्य॒मा॒नो॑ अ॒ध्व॒रेऽग्निः॑ पा॒व॒क॒ ई॒ड्यः॑ ।
- 3.027.04c शो॒चि॒ष्के॑श॒स्त॒मी॒महे॑ ॥
- 3.027.05a पृ॒थु॒पा॒जा॒ अ॒म॒र्त्यो॑ घृ॒त॒नि॒र्णि॒क्स्वा॑हु॒तः॑ ।
- 3.027.05c अ॒ग्नि॒र्य॒ज्ञ॒स्य॑ ह॒व्य॒वाट् ॥
- 3.027.06a तं॑ स॒बा॒धो॑ य॒त॒स्रु॒च॒ इ॒त्था॑ धि॒या॒ य॒ज्ञ॒व॒न्तः॑ ।
- 3.027.06c आ॒ च॒क्रु॒र॒ग्नि॒मू॒तये॑ ॥
- 3.027.07a हो॒ता॑ दे॒वो॑ अ॒म॒र्त्यः॑ पु॒र॒स्ता॑दे॒ति॒ मा॒यया॑ ।
- 3.027.07c वि॒द॒था॒नि॒ प्र॒चो॑द॒यन् ॥
- 3.027.08a वा॒जी॑ वा॒जे॒षु॑ धी॒यते॑ऽध्व॒रे॒षु॒ प्र॒ गी॑यते ।
- 3.027.08c वि॒प्रो॑ य॒ज्ञ॒स्य॑ सा॒ध॒नः॑ ॥

- 3.027.09a धिया च॒क्रे व॒रेण्यो भू॒तानां॑ गर्भ॒मा द॒धे ।
- 3.027.09c द॒क्षस्य॑ पि॒तरं॑ तना ॥
- 3.027.10a नि त्वा॑ द॒धे व॒रेण्यं॑ द॒क्षस्ये॒ळा सह॑स्कृत ।
- 3.027.10c अग्ने॑ सु॒दीति॑मुशिजम् ॥
- 3.027.11a अग्निं॑ यन्तुर॒ममुर॑मृतस्य॒ योगे॑ व॒नुषः॑ ।
- 3.027.11c वि॒प्रा वा॒जैः समि॑न्धते ॥
- 3.027.12a ऊ॒र्जो न॑पातमध्व॒रे दी॑दि॒वांस॒मुप॑ द्यवि ।
- 3.027.12c अग्नि॑मी॒ळे क॒विक्र॑तुम् ॥
- 3.027.13a ई॒ळेन्यो॑ नम॒स्यस्ति॑रस्तमांसि॒ दर्श॑तः ।
- 3.027.13c सम॑ग्निरि॒ध्यते॑ वृषा ॥
- 3.027.14a वृषो॑ अग्निः॒ समि॑ध्यतेऽश्वो न दे॒ववा॑हनः ।
- 3.027.14c तं ह॒विष्म॑न्त ई॒ळते॑ ॥
- 3.027.15a वृष॑णं त्वा व॒यं वृष॑न्वृषणः॒ समि॑धीमहि ।
- 3.027.15c अग्ने॑ दी॒द्यतं॑ बृहत् ॥
- 3.028.01a अग्ने॑ जुष॒स्व नो॒ हविः॑ पु॒रोळा॑शं जा॒तवे॑दः ।
- 3.028.01c प्रा॒तःसा॒वे धि॒याव॑सो ॥
- 3.028.02a पु॒रोळा॑ अग्ने॑ प॒चत॑स्तुभ्यं॒ वा घा॑ परिष्कृतः ।

- 3.028.02c तं जुषस्व यविष्ठय ॥
- 3.028.03a अग्ने वीहि पुरोळाशमाहुतं तिरोअह्वयम् ।
- 3.028.03c सहसः सूनुरस्यध्वरे हितः ॥
- 3.028.04a माध्यंदिने सवने जातवेदः पुरोळाशमिह कवे जुषस्व ।
- 3.028.04c अग्ने यह्वस्य तव भागधेयं न प्र मिनन्ति विदथेषु धीराः ॥
- 3.028.05a अग्ने तृतीये सवने हि कानिषः पुरोळाशं सहसः सूनवाहुतम् ।
- 3.028.05c अथा देवेष्वध्वरं विपन्यया धा रत्नवन्तममृतेषु जागृविम् ॥
- 3.028.06a अग्ने वृधान आहुतिं पुरोळाशं जातवेदः ।
- 3.028.06c जुषस्व तिरोअह्वयम् ॥

- 3.029.01a अस्तीदमधिमन्थनमस्ति प्रजननं कृतम् ।
- 3.029.01c एतां विश्पत्नीमा भराग्निं मन्थाम पूर्वथा ॥
- 3.029.02a अरण्योर्निहितो जातवेदा गर्भ इव सुधितो गर्भिणीषु ।
- 3.029.02c दिवेदिव ईड्यो जागृवद्भिर्हविष्मद्भिर्मनुष्येभिरग्निः ॥
- 3.029.03a उत्तानायामव भरा चिकित्वान्सद्यः प्रवीता वृषणं जजान ।
- 3.029.03c अरुषस्तूपो रुशदस्य पाज इळायास्पुत्रो वयुनेऽजनिष्ट ॥
- 3.029.04a इळायास्त्वा पदे वयं नाभा पृथिव्या अधि ।
- 3.029.04c जातवेदो नि धीमह्यग्ने हव्याय वोळ्हवे ॥

- 3.029.05a मन्थता नरः कविमद्वयन्तं प्रचेतसममृतं सुप्रतीकम् ।
- 3.029.05c यज्ञस्य केतुं प्रथमं पुरस्तादग्निं नरो जनयता सुशेवम् ॥
- 3.029.06a यदी मन्थन्ति बाहुभिर्वि रोचतेऽश्वो न वाज्यरुषो वनेष्वा ।
- 3.029.06c चित्रो न यामन्नश्विनोरनिवृतः परि वृणक्त्यश्मनस्तृणा दहन् ॥
- 3.029.07a जातो अग्नी रोचते चेकितानो वाजी विप्रः कविशस्तः सुदानुः ।
- 3.029.07c यं देवास ईड्यं विश्वविदं हव्यवाहमदधुरध्वरेषु ॥
- 3.029.08a सीद होतः स्व उ लोके चिकित्वान्सादया यज्ञं सुकृतस्य योनौ ।
- 3.029.08c देवावीर्देवान्हविषा यजास्यग्ने बृहद्यजमाने वयो धाः ॥
- 3.029.09a कृणोत धूमं वृषणं सखायोऽस्त्रेधन्त इतन वाजमच्छ ।
- 3.029.09c अयमग्निः पृतनाषाट् सुवीरो येन देवासो असहन्त दस्यून् ॥
- 3.029.10a अयं ते योनिर्ऋत्वियो यतो जातो अरोचथाः ।
- 3.029.10c तं जानन्नग्न आ सीदाथा नो वर्धया गिरः ॥
- 3.029.11a तनूनपादुच्यते गर्भ आसुरो नराशंसो भवति यद्विजायते ।
- 3.029.11c मातरिश्वा यदमिमीत मातरि वातस्य सर्गो अभवत्सरीमणि ॥
- 3.029.12a सुनिर्मथा निर्माथितः सुनिधा निहितः कविः ।
- 3.029.12c अग्ने स्वध्वरा कृणु देवान्देवयते यज ॥
- 3.029.13a अजीजनन्नमृतं मर्त्यासोऽस्त्रेमाणं तरणिं वीळुजम्भम् ।
- 3.029.13c दश स्वसारो अग्रुवः समीचीः पुमांसं जातमभि सं रभन्ते ॥

- 3.029.14a प्र सप्तहोता सनकादरोचत मातुरुपस्थे यदशोचदूधनि ।
- 3.029.14c न नि मिषति सुरणो दिवेदिवे यदसुरस्य जठरादजायत ॥
- 3.029.15a अमित्रायुधो मरुतामिव प्रयाः प्रथमजा ब्रह्मणो विश्वमिद्विदुः ।
- 3.029.15c द्युम्रवद्ब्रह्म कुशिकास एरिर एकएको दमे अग्निं समीधिरे ॥
- 3.029.16a यदद्य त्वा प्रयति यज्ञे अस्मिन्होतश्चिकित्वोऽवृणीमहीह ।
- 3.029.16c ध्रुवमया ध्रुवमुताशमिष्ठाः प्रजानन्विद्वाँ उप याहि सोमम् ॥
- 3.030.01a इच्छन्ति त्वा सोम्यासः सखायः सुन्वन्ति सोमं दधति प्रयांसि ।
- 3.030.01c तितित्क्षन्ते अभिशस्तिं जनानामिन्द्र त्वदा कश्चन हि प्रकेतः ॥
- 3.030.02a न ते दूरे परमा चिद्रजांस्या तु प्र याहि हरिवो हरिभ्याम् ।
- 3.030.02c स्थिराय वृष्णे सवना कृतेमा युक्ता ग्रावाणः समिधाने अग्नौ ॥
- 3.030.03a इन्द्रः सुशिप्रो मघवा तरुत्रो महाव्रातस्तुविकूर्मिर्ऋघावान् ।
- 3.030.03c यदुग्रो धा बाधितो मर्त्येषु क्वश् त्या ते वृषभ वीर्याणि ॥
- 3.030.04a त्वं हि ष्मा च्यावयन्नच्युतान्येको वृत्रा चरसि जिघ्रमानः ।
- 3.030.04c तव द्यावापृथिवी पर्वतासोऽनु व्रताय निमितेव तस्थुः ॥
- 3.030.05a उताभये पुरुहूत श्रवोभिरेको दृळ्हमवदो वृत्रहा सन् ।
- 3.030.05c इमे चिदिन्द्र रोदसी अपारे यत्संगृभ्णा मघवन्काशिरित्ते ॥
- 3.030.06a प्र सू त इन्द्र प्रवता हरिभ्यां प्र ते वज्रः प्रमृणन्नेतु शत्रून् ।

- 3.030.06c ज॒हि॒ प्र॒ती॒चो॒ अ॒नू॒चः॒ परा॒चो॒ विश्वं॑ स॒त्यं॑ कृ॒णु॒हि॒ वि॒ष्ट॒म॒स्तु॑ ॥
- 3.030.07a य॒स्मै॒ धा॒यु॒र॒द॒धा॒ म॒र्त्या॒या॒भ॒क्तं॑ चि॒द्भ॒ज॒ते॒ गे॒ह्यं॑ सः ।
- 3.030.07c भ॒द्रा॒ त॒ इ॒न्द्र॒ सु॒म॒ति॒र्घृ॒ता॒ची॒ सह॒स्र॒दा॒ना॒ पु॒रु॒हू॒त॒ रा॒तिः॑ ॥
- 3.030.08a सह॒दा॒नुं॑ पु॒रु॒हू॒त॒ क्षि॒य॒न्त॒म॒ह॒स्त॒मि॒न्द्र॒ सं॒ पि॒ण॒क्कु॒णा॒रु॒म् ।
- 3.030.08c अ॒भि॒ वृ॒त्रं॑ व॒र्ध॒मा॒नं॑ पि॒या॒रु॒म॒पा॒द॒मि॒न्द्र॒ त॒व॒सा॑ ज॒घ॒न्थ॑ ॥
- 3.030.09a नि॒ सा॒म॒ना॒मि॒षि॒रा॒मि॒न्द्र॒ भूमिं॑ म॒ही॒म॒पा॒रां॑ स॒द॒ने॒ स॒स॒त्थ॑ ।
- 3.030.09c अ॒स्त॒भ्रा॒ह्म॒द्यां॑ वृ॒ष॒भो॒ अ॒न्त॒रि॒क्ष॒म॒र्ष॒न्त्वा॒प॒स्त्व॒ये॒ह॒ प्र॒सू॒ताः॑ ॥
- 3.030.10a अ॒ला॒तृ॒णो॒ व॒ल॒ इ॒न्द्र॒ व्र॒जो॒ गोः॒ पु॒रा॒ ह॒न्तो॒र्भ॒य॒मा॒नो॒ व्वा॒र॑ ।
- 3.030.10c सु॒गा॒न्प॒थो॒ अ॒कृ॒णो॒न्निर॒जे॒ गाः॒ प्रा॒व॒न्वा॒णीः॒ पु॒रु॒हू॒तं॑ ध॒म॒न्तीः॑ ॥
- 3.030.11a ए॒को॒ द्वे॒ व॒सु॒म॒ती॒ समी॒ची॒ इ॒न्द्र॒ आ॒ प॒प्रौ॑ पृथि॒वी॒मु॒त॒ द्या॒म् ।
- 3.030.11c उ॒ता॒न्त॒रि॒क्षा॒द॒भि॒ नः॑ समी॒क॒ इ॒षो॒ रथीः॑ स॒यु॒जः॑ शू॒र॒ वा॒जा॒न् ॥
- 3.030.12a दि॒शः॒ सूर्यो॑ न मि॒ना॒ति॒ प्र॒दि॒ष्टा॒ दि॒वे॒दि॒वे॒ ह॒र्य॑श्च॒प्र॒सू॒ताः॑ ।
- 3.030.12c सं॒ य॒दा॒न॒ळ॒ध्व॒न॒ आ॒दि॒द॒श्वै॒र्वि॒मो॒च॒नं॑ कृ॒णु॒ते॒ तत्त्व॑स्य ॥
- 3.030.13a दि॒दृ॒क्ष॒न्त॒ उ॒ष॒सो॒ या॒म॒न्न॒क्तो॒र्वि॒व॒स्व॒त्या॒ म॒हि॒ चि॒त्र॒म॒नी॒क॒म् ।
- 3.030.13c वि॒श्वे॑ जा॒न॒न्ति॒ म॒हि॒ना॒ य॒दा॒गा॒दि॒न्द्र॒स्य॒ क॒र्म॒ सु॒कृ॒ता॒ पु॒रू॒णि॑ ॥
- 3.030.14a म॒हि॒ ज्यो॒ति॒र्नि॒हि॒तं॑ व॒क्ष॒णा॒स्वा॒मा॒ प॒क्वं॑ च॒र॒ति॒ बि॒भ्र॒ती॒ गौः॑ ।
- 3.030.14c वि॒श्वं॑ स्वा॒द्म॒ स॒म्भृ॒त॒मु॒स्त्रि॒या॒यां॑ य॒त्सी॒मि॒न्द्रो॒ अ॒द॒धा॒द्भो॒ज॒ना॒य॑ ॥
- 3.030.15a इ॒न्द्र॒ दृ॒ह्य॒ या॒म॒को॒शा॒ अ॒भू॒व॒न्य॒ज्ञा॒य॒ शि॒क्ष॒ गृ॒ण॒ते॒ स॒खि॒भ्यः॑ ।



- 3.030.15c दु॒र्मा॒य॒वो॑ दु॒रे॒वा॒ म॒र्त्या॑सो॒ नि॒ष॒ङ्गि॑णो॒ रि॒प॒वो॑ ह॒न्त्वा॒सः॑ ॥
- 3.030.16a सं॑ घोषः॒ शृ॒ण्वे॑ऽव॒मैर॑मि॒त्रैर्ज॑ही न्ये॒ष्वश॑निं॒ तपि॑ष्ठाम् ।
- 3.030.16c वृ॒श्चे॒मध॑स्ता॒द्वि रु॒जा॒ सह॑स्व॒ जहि॑ र॒क्षो॑ म॒घव॑न्न॒न्धय॑स्व ॥
- 3.030.17a उ॒द्धृ॒ह र॑क्षः॒ सह॑मूलमिन्द्र॒ वृ॒श्चा॒ मध्यं॑ प्रत्य॒ग्रं शृ॑णीहि ।
- 3.030.17c आ॒ की॒वतः॑ स॒ल॒लूकं॑ च॒कर्थ॑ ब्रह्म॒द्विषे॑ तपु॒षिं हे॒ति॒मस्य॑ ॥
- 3.030.18a स्व॒स्तये॑ वा॒जिभि॑श्च॒ प्रणे॑तः॒ सं य॑न्महीरिष॒ आ॒सत्सि॑ पूर्वीः ।
- 3.030.18c रा॒यो व॑न्तारो॒ बृ॒हतः॑ स्या॒मास्मे॑ अ॒स्तु भ॒ग इन्द्र॑ प्रजावान् ॥
- 3.030.19a आ॒ नो॑ भर॒ भग॑मिन्द्र॒ द्यु॒मन्तं॑ नि॒ ते दे॑ष्णास्य॒ धी॒महि॑ प्र॒रेके॑ ।
- 3.030.19c ऊ॒र्व इ॒व प॑प्रथे॒ कामो॑ अ॒स्मे त॒मा पृ॑ण॒ वसु॑पते॒ वसू॑नाम् ॥
- 3.030.20a इ॒मं का॑मं॒ म॒न्द॒या गो॑भिर॒श्वैश्च॑न्द्र॒वता॑ रा॒धसा॑ प॒प्रथ॑श्च ।
- 3.030.20c स्व॒र्य॒वो म॒तिभि॑स्तु॒भ्यं वि॒प्रा इन्द्रा॑य॒ वाहः॑ कु॒शिका॑सो॒ अ॒क्रन् ॥
- 3.030.21a आ॒ नो॑ गो॒त्रा द॑र्द॒हि गो॑पते॒ गाः स॒मस्म॑भ्यं॒ स॒नयो॑ य॒न्तु॒ वाजाः॑ ।
- 3.030.21c दि॒वत्ता॑ अ॒सि वृ॑षभ॒ स॒त्यशु॑ष्मो॒ऽस्मभ्यं॑ सु॒ म॒घव॑न्बोधि॒ गोदाः॑ ॥
- 3.030.22a शु॒नं हु॒वेम॑ म॒घवा॑नमिन्द्र॒मस्मि॑न्भरे॒ नृ॒तमं॑ वा॒जसा॑तौ ।
- 3.030.22c शृ॒ण्वन्त॑मु॒ग्रमू॑तये॒ सम॑त्सु॒ घ्नन्तं॑ वृ॒त्राणि॑ सं॒जितं॑ ध॒नाना॑म् ॥
- 3.031.01a शा॒स॒द्वहि॑र्दु॒हितु॑र्न॒स्यं॑ गा॒द्वि॒द्वौ ऋ॒तस्य॑ दी॒धितिं॑ स॒पर्य॑न् ।
- 3.031.01c पि॒ता यत्र॑ दु॒हितुः॑ से॒कमृ॑ञ्ज॒न्सं श॑ग॒म्येन॑ म॒नसा॑ द॒धन्वे॑ ॥

- 3.031.02a न॒ जा॒मये॑ ता॒न्वो॑ रि॒क्थ॒मारे॑क्क॒कार॒ गर्भं॑ स॒नितु॑र्नि॒धानम्॑ ।
- 3.031.02c यदी॑ मा॒तरो॑ ज॒नय॑न्त॒ वह्नि॑म॒न्यः॒ कर्ता॑ सु॒कृ॒तो॒र॒न्य ऋ॑न्धन् ॥
- 3.031.03a अ॒ग्नि॒र्ज॒ज्ञे जु॒ह्वा॑ रे॒ज॒मानो॑ म॒हस्पु॒त्राँ अ॒रु॒षस्य॑ प्र॒यत्ते॑ ।
- 3.031.03c म॒हान्ग॒र्भो म॒ह्या जा॑त॒मेषां॑ म॒ही प्र॑वृ॒द्धर्य॑श्च॒स्य य॒ज्ञैः ॥
- 3.031.04a अ॒भि जै॑त्री॒रस॑च॒न्त स्पृ॒धानं॑ म॒हि ज्यो॑ति॒स्तम॑सो॒ निर॑जानन् ।
- 3.031.04c तं जा॑न॒तीः प्र॑त्यु॒दाय॑न्नु॒षासः॑ प॒तिर्ग॑वा॒मभ॑व॒देक॑ इ॒न्द्रः ॥
- 3.031.05a वी॒ळौ स॑ती॒रभि॑ धी॒रा अ॒तृ॒न्द॒न्प्रा॒चाहि॑न्व॒न्मन॑सा॒ सप्त॑ वि॒प्राः ।
- 3.031.05c वि॒श्वाम॑वि॒न्द॒न्पथ्या॑मृ॒तस्य॑ प्र॒जान॑न्नि॒त्ता न॑म॒सा वि॒वेश ॥
- 3.031.06a वि॒दद्य॑दी॒ सर॑मा॒ रुग्ण॑म॒द्रेर्मा॑हि॒ पाथः॑ पू॒र्व्य स॒ध्र्यक्कः॑ ।
- 3.031.06c अ॒ग्रं न॑य॒त्सु॒पद्य॑त्तरा॒णाम॑च्छा॒ रवं॑ प्रथ॒मा जा॑न॒ती गा॑त् ॥
- 3.031.07a अ॒गच्छ॑दु॒ विप्र॑तमः॒ सखी॑य॒न्नसू॑द॒यत्सु॑कृ॒ते गर्भ॑म॒द्रिः ।
- 3.031.07c स॒सान॑ म॒र्यो यु॑व॒भिर्म॑ख॒स्यन्न॑था॒भव॑द॒ङ्गिराः॑ स॒द्यो अ॒र्चन् ॥
- 3.031.08a स॒तःस॑तः॒ प्रति॑मा॒नं पु॒रोभू॑र्वि॒श्वा वे॑द॒ जनि॑मा॒ हन्ति॑ शु॒ष्णाम् ।
- 3.031.08c प्र॒ णो॑ दि॒वः प॑द॒वीर्ग॑व्यु॒रर्च॑न्स॒खा स॒खी॑र॒मुञ्च॑न्नि॒रव॑द्यात् ॥
- 3.031.09a नि॒ गव्य॑ता॒ मन॑सा॒ सेदु॑र॒कैः कृ॑ग॒वाना॑सो॒ अमृ॑त॒त्वाय॑ गा॒तुम् ।
- 3.031.09c इ॒दं चि॑न्नु॒ सदनं॑ भू॒र्येषां॑ ये॒न मा॑साँ अ॒सि॑षा॒सन्नृ॑तेन ॥
- 3.031.10a स॒म्पश्य॑मा॒ना अ॒मद॑न्न॒भि स्वं॑ प॒यः प्र॑त्न॒स्य रे॑त॒सो दु॑घा॒नाः ।
- 3.031.10c वि॒ रो॑द॒सी अ॒तप॑द्धोष॒ एषां॑ जा॒ते नि॑ष्ठाम॒दधु॑र्गो॒षु वी॑रान् ॥

- 3.031.11a स जा॒तेभि॑र्वृ॒त्रहा॑ से॒दु ह॒व्यैरु॑दु॒स्त्रिया॑ अ॒सृज॑दिन्द्रो अ॒र्कैः ।
- 3.031.11c उ॒रूच्य॑स्मै घृ॒तव॑द्भ॒रन्ती॑ मधु॒ स्वा॒न्न दु॒दुहे॑ जे॒न्या गौः ॥
- 3.031.12a पि॒त्रे चि॑च्च॒क्रुः स॒दनं॑ स॒मस्मै॑ म॒हि त्वि॑षी॒मत्सु॑कृतो वि हि ख्यन् ।
- 3.031.12c वि॒ष्कभ्न॑न्त॒ स्कम्भ॑नेना॒ जनि॑त्री आ॒सीना॑ ऊ॒र्ध्वं र॑भसं वि मि॒न्वन् ॥
- 3.031.13a म॒ही य॒दि धि॑षणा॒ शि॒श्रथे॑ धा॒त्सद्यो॑वृ॒धं वि॒भ्वंश् रो॑द॒स्योः ।
- 3.031.13c गि॒रो य॒स्मिन्न॑नवद्याः स॒मीची॑र्वि॒श्वा इन्द्रा॑य त॒विषी॑रनु॒त्ताः ॥
- 3.031.14a म॒ह्या ते॑ स॒ख्यं व॑श्मि श॒क्तीरा॑ वृ॒त्रघ्ने॑ नि॒युतो॑ यन्ति पू॒र्वीः ।
- 3.031.14c म॒हि स्तो॑त्रम॒व आ॑गन्म॒ सूरै॑र॒स्माकं॑ सु म॒घव॑न्बोधि गो॒पाः ॥
- 3.031.15a म॒हि क्षे॑त्रं पु॒रु श्र॑न्द्रं वि॒विद्वाना॑दि॒त्सखि॑भ्यश्च॒रथं॑ स॒मैरत् ।
- 3.031.15c इन्द्रो॑ नृ॒भिर॑ज॒नदी॑द्यानः सा॒कं सूर्य॑मु॒षसं॑ गा॒तुम॑ग्निम् ॥
- 3.031.16a अ॒पश्चि॑देष वि॒भ्वोश् द॑मू॒नाः प्र स॒ध्रीची॑रसृ॒जद्वि॑श्वश्चन्द्राः ।
- 3.031.16c म॒ध्वः पु॒नानाः॑ क॒विभिः॑ प॒वित्रै॑द्यु॒भिर्हि॑न्वन्त्य॒क्तुभि॑र्धनु॒त्रीः ॥
- 3.031.17a अ॒नु कृ॑ष्णे वसु॒धिती॑ जिहा॒ते उ॒भे सूर्य॑स्य मं॒हना॑ यज॒त्रे ।
- 3.031.17c परि॑ य॒त्ते म॒हिमा॑नं वृ॒जध॑यै स॒खाय॑ इन्द्र॒ काम्या॑ ऋ॒जिप्याः ॥
- 3.031.18a प॒तिर्भ॑व वृ॒त्रह॑न्सू॒नूतानां॑ गि॒रां वि॒श्वायु॑र्वृष॒भो व॑यो॒धाः ।
- 3.031.18c आ नो॑ ग॒हि स॒ख्येभिः॑ शि॒वेभि॑र्म॒हान्म॑हीभि॒रूति॑भिः सर॒ण्यन् ॥
- 3.031.19a त॒मङ्गि॑र॒स्वन्न॑मसा स॒पर्य॑न्न॒व्यं कृ॑णोमि स॒न्यसे॑ पु॒राजा॑म् ।
- 3.031.19c द्रु॒हो वि॑ या॒हि ब॒हुला॑ अ॒देवीः॑ स्व॒श्च नो॑ म॒घव॑न्सा॒तये॑ धाः ॥

- 3.031.20a मिहः॑ पाव॒काः प्र॒तता॑ अ॒भूव॑न्स्व॒स्ति नः॑ पि॒पृहि॑ पा॒रमा॑साम् ।
- 3.031.20c इन्द्र॑ त्वं रथि॒रः पा॒हि नो॑ रिषो॒ म॒क्षू॒म॒क्षू॒ कृ॒णु॒हि गो॒जितो॑ नः ॥
- 3.031.21a अ॒देदि॑ष्ट वृ॒त्रहा॑ गो॒पति॑र्गा अ॒न्तः कृ॒ष्णाँ अ॒रुषै॑र्धाम॒भिर्गा॑त् ।
- 3.031.21c प्र॒ सूनृ॑ता दि॒शमान॑ अ॒मृते॑न॒ दुर॑श्च॒ विश्वा॑ अ॒वृणो॑दप॒ स्वाः ॥
- 3.031.22a शु॒नं हु॒वेम॑ म॒घवा॑नमिन्द्र॒मस्मि॑न्भ॒रे नृ॒तमं॑ वा॒जसा॑तौ ।
- 3.031.22c शृ॒ण्वन्त॑मु॒ग्रमू॑तये॒ सम॑त्सु॒ घ्नन्तं॑ वृ॒त्राणि॑ सं॒जितं॑ ध॒नाना॑म् ॥
- 3.032.01a इन्द्र॑ सोमं॑ सोम॒पते॑ पि॒वेमं॑ मा॒ध्यंदि॑नं॒ सव॑नं॒ चारु॑ य॒त्ते ।
- 3.032.01c प्र॒प्रुथ्या॑ शि॒प्रे म॒घव॑न्नृ॒जीषि॑न्विमु॒च्या ह॒री इ॒ह मा॑दयस्व ॥
- 3.032.02a ग॒वाशि॑रं म॒न्थिन॑मिन्द्र॒ शुक्रं॑ पि॒बा सोमं॑ र॒रिमा॑ ते म॒दाय॑ ।
- 3.032.02c ब्र॒ह्मकृ॑ता मा॒रुते॑ना॒ गणे॑न॒ सजो॑षा॒ रुद्रै॑स्तृ॒पदा॑ वृषस्व ॥
- 3.032.03a ये ते॑ शु॒ष्मं ये॑ तवि॒षीम॑वर्ध॒न्नर्च॑न्त इन्द्र॒ मरु॑तस्त॒ ओजः॑ ।
- 3.032.03c मा॒ध्यंदि॑ने॒ सव॑ने॒ वज्र॑हस्त॒ पिबा॑ रु॒द्रेभिः॑ स॒गणः॑ सु॒शिप्र॑ ॥
- 3.032.04a त इन्द्र॑वस्य॒ मधु॑मद्वि॒विप्र॑ इन्द्र॒स्य श॒र्धो मरु॑तो॒ य आ॑सन् ।
- 3.032.04c येभि॑र्वृ॒त्रस्ये॑षितो॒ विवे॑दाम॒र्मणो॑ म॒न्यमा॑नस्य॒ मर्म॑ ॥
- 3.032.05a म॒नुष्व॑दिन्द्र॒ सव॑नं॒ जुषा॑णः॒ पिबा॑ सोमं॒ शश्व॑ते॒ वीर्या॑य ।
- 3.032.05c स आ॑ ववृ॒त्स्व ह॑र्यश्च॒ यज्ञैः॑ स॒रण्यु॑भिर॒पो अ॒र्णा॑ सि॒सर्षि॑ ॥
- 3.032.06a त्वम॑पो॒ यद्ध॑ वृ॒त्रं ज॑घन्वाँ॒ अत्याँ॑ इ॒व प्रा॑सृजः॒ सर्त॑वाजौ ।

- 3.032.06c शयानमिन्द्र चरता वधेन वत्रिवांसं परि देवीरदेवम् ॥
- 3.032.07a यजाम इन्नमसा वृद्धमिन्द्रं बृहन्तमृष्वमजरं युवानम् ।
- 3.032.07c यस्य प्रिये ममतुर्यज्ञियस्य न रोदसी महिमानं ममाते ॥
- 3.032.08a इन्द्रस्य कर्म सुकृता पुरूणि व्रतानि देवा न मिनन्ति विश्वे ।
- 3.032.08c दाधार यः पृथिवीं द्यामुतेमां जजान सूर्यमुषसं सुदंसाः ॥
- 3.032.09a अद्रोघ सत्यं तव तन्महित्वं सद्यो यज्जातो अपिबो ह सोमम् ।
- 3.032.09c न द्याव इन्द्र तवसस्त ओजो नाहा न मासाः शरदो वरन्त ॥
- 3.032.10a त्वं सद्यो अपिबो जात इन्द्र मदाय सोमं परमे व्योमन् ।
- 3.032.10c यद्ध द्यावापृथिवी आविवेशीरथाभवः पूर्व्यः कारुधायाः ॥
- 3.032.11a अहन्नहिं परिशयानमर्णं ओजायमानं तुविजात तव्यान् ।
- 3.032.11c न ते महित्वमनु भूदध द्यौर्यदन्यया स्फिग्याश् चामवस्थाः ॥
- 3.032.12a यज्ञो हि त इन्द्र वर्धनो भूदुत प्रियः सुतसोमो मियेधः ।
- 3.032.12c यज्ञेन यज्ञमव यज्ञियः सन्यज्ञस्ते वज्रमहिहत्य आवत् ॥
- 3.032.13a यज्ञेनेन्द्रमवसा चक्रे अवागैनं सुम्नाय नव्यसे ववृत्याम् ।
- 3.032.13c य स्तोमेभिर्वावृधे पूर्व्येभिर्यो मध्यमेभिरुत नूतनेभिः ॥
- 3.032.14a विवेष यन्मा धिषणा जजान स्तवै पुरा पार्यादिन्द्रमहः ।
- 3.032.14c अंहसो यत्र पीपरद्यथा नो नावेव यान्तमुभये हवन्ते ॥
- 3.032.15a आपूर्णो अस्य कलशः स्वाहा सेक्तेव कोशं सिसिचे पिबध्वै ।

- 3.032.15c समु॑ प्रि॒या आ॒ववृ॒त्रन्म॑दाय॒ प्रद॑क्षिणि॒दभि॑ सो॒मास॑ इन्द्रम् ॥
- 3.032.16a न त्वा॑ गभीरः॒ पुरु॑हूत॒ सिन्धु॑र्नाद्रयः॒ परि॑ षन्तो॒ वर॑न्त ।
- 3.032.16c इ॒त्था स॑खिभ्य॒ इषि॑तो॒ यदि॑न्द्रा॒ दृळ्हं॑ चिदरु॒जो ग॑व्यमूर्वम् ॥
- 3.032.17a शु॒नं हु॑वेम॒ मघ॑वानमिन्द्रमस्मिन्भरे॒ नृत॑मं वाजसातौ ।
- 3.032.17c शृ॒ण्वन्त॑मुग्रमू॒तये॑ समत्सु॒ घ्नन्तं॑ वृ॒त्राणि॑ संजितं॒ धना॑नाम् ॥
- 3.033.01a प्र॒ पर्व॑तानामुशती॒ उप॑स्थादश्चे॒ इव॑ विषि॒ते हा॑समाने ।
- 3.033.01c गा॒वेव॑ शु॒भ्रे मा॒तरा॑ रिहा॒णो वि॑पाट् छु॒तुद्री॑ पयसा॒ जवे॑ते ॥
- 3.033.02a इ॒न्द्रेषि॑ते प्रस॒वं भि॑क्षमा॒णो अ॒च्छा॑ समु॒द्रं रथ्ये॑व याथः ।
- 3.033.02c स॒मा॒रा॒णो ऊ॒र्मिभिः॑ पि॒न्वमा॑ने॒ अन्या॑ वाम॒न्याम॑प्येति शु॒भ्रे ॥
- 3.033.03a अ॒च्छा॑ सिन्धुं॒ मातृ॑तमामयासं॒ विपा॑शमु॒र्वी सु॒भगा॑मगन्म ।
- 3.033.03c वत्स॑मिव॒ मातरा॑ संरिहा॒णो स॒मानं॑ योनिमनु॒ संच॑रन्ती ॥
- 3.033.04a ए॒ना व॑यं॒ पय॑सा पि॒न्वमा॑ना॒ अनु॑ योनिं॒ देव॑कृतं॒ चर॑न्तीः ।
- 3.033.04c न व॑र्तवे॒ प्रस॑वः॒ सर्ग॑तक्तः॒ किंयु॑र्विप्रो॒ नद्यो॑ जोहवीति ॥
- 3.033.05a रम॑ध्वं मे॒ वच॑से॒ सोम्या॑य॒ ऋता॑वरीरुप॒ मुहूर्त॑मेवैः ।
- 3.033.05c प्र॒ सिन्धु॑मच्छा॒ बृहती॑ मनीषावस्युरहे॒ कुशि॑कस्य॒ सूनुः॑ ॥
- 3.033.06a इन्द्रो॑ अ॒स्माँ अ॒रद॑द्वज्रबा॒हुरपा॑हन्वृ॒त्रं परि॑धिं॒ नदी॑नाम् ।
- 3.033.06c दे॒वोऽन॑यत्सविता॒ सुपा॑णिस्तस्य॒ वयं॑ प्रसवे॒ याम॑ उ॒र्वीः ॥

- 3.033.07a प्र॒वाच्यं॑ श॒श्वधा॑ वी॒र्यं॑ तदिन्द्र॒स्य॑ कर्म॒ यदहिं॑ विवृ॒श्चत् ।
- 3.033.07c वि वज्रेण॑ परिषदो॒ जघाना॑यन्नापोऽयनमिच्छ॒मानाः॑ ॥
- 3.033.08a ए॒तद्वचो॑ ज॒रित॑र्मापि॒ मृष्टा॑ आ॒ यत्ते॒ घोषा॑नुत्तरा॒ युगानि॑ ।
- 3.033.08c उ॒क्थेषु॑ का॒रो प्र॑ति नो जुषस्व॒ मा नो॒ नि कः॑ पु॒रुष॑त्रा नमस्ते ॥
- 3.033.09a ओ षु॑ स्व॒सारः॑ का॒रवे॑ शृ॒णोत॑ य॒यौ वो॑ दू॒राद॑नसा॒ रथेन॑ ।
- 3.033.09c नि षू॑ नमध्वं॒ भवता॑ सु॒पारा॑ अ॒धोअ॒क्षाः॑ सि॒न्धवः॑ स्रो॒त्याभिः॑ ॥
- 3.033.10a आ ते॑ का॒रो शृ॑णवामा॒ वचांसि॑ य॒याथ॑ दू॒राद॑नसा॒ रथेन॑ ।
- 3.033.10c नि ते॑ नंसै॒ पीप्या॑नेव॒ योषा॑ म॒यायि॑व॒ कन्या॑ श॒श्वचै॑ ते ॥
- 3.033.11a यदङ्ग॑ त्वा॒ भर॑ताः॒ संतरे॑युर्ग॒व्यन्ग्राम॑ इ॒षित॑ इन्द्र॒जूतः॑ ।
- 3.033.11c अ॒र्षाद॑ह॒ प्रस॑वः॒ सर्गत॑क्त॒ आ वो॑ वृ॒णे सु॑मतिं॒ यज्ञि॑यानाम् ॥
- 3.033.12a अ॒तारि॑षुर्भ॒रता॑ ग॒व्यवः॑ स॒मभ॑क्त॒ विप्रः॑ सु॒मतिं॑ न॒दीना॑म् ।
- 3.033.12c प्र पि॑न्वध्वमिष॒यन्तीः॑ सु॒राधा॑ आ॒ वक्ष॑णाः॒ पृण॑ध्वं॒ यात॑ शी॒भम् ॥
- 3.033.13a उ॒द्व ऊ॒र्मिः॑ श॒म्या ह॑न्त्वापो॒ योक्रा॑णि॒ मुञ्च॑त ।
- 3.033.13c मा॒दुष्कृ॑तौ॒ व्येन॑सा॒घ्न्यौ शू॑न॒मार॑ताम् ॥
- 3.034.01a इन्द्रः॑ पू॒र्भिदा॑तिर॒द्दास॑म॒कैर्वि॑दद्वसु॒र्दय॑मानो॒ वि श॑त्रून् ।
- 3.034.01c ब्र॒ह्मजू॑तस्तन्वा॒ वावृ॑धानो॒ भूरि॑दात्र॒ आपृ॑णद्रो॒दसी॑ उ॒भे ॥
- 3.034.02a म॒खस्य॑ ते॒ तवि॑षस्य॒ प्र जू॑तिमि॒यर्मि॑ वा॒चम॑मृ॒ताय॑ भूषन् ।

- 3.034.02c इन्द्र॑ क्षि॒तीना॑मसि॒ मानु॑षीणां॒ विशां॑ दै॒वीना॑मु॒त पूर्॒वया॑वा ॥
- 3.034.03a इन्द्रो॑ वृ॒त्रम॑वृ॒णोच्छ॑र्धनीतिः॒ प्र मा॑यिना॒ममि॑नाद्वर्षणीतिः ।
- 3.034.03c अ॒ह॒न्व्यं॑समु॒शध॑ग्वने॒ष्वावि॑र्धेना॒ अ॒कृ॒णो॑द्राम्याणाम् ॥
- 3.034.04a इन्द्रः॑ स्व॒र्षा जन॑यन्नहानि॒ जिगा॑योशिग्भिः॒ पृ॒तना॑ अ॒भिष्टिः॑ ।
- 3.034.04c प्रा॒रोच॑यन्मनवे॒ के॒तुम॑ह्नामवि॒न्दज्ज्यो॑तिर्बृ॒हते॑ रणाय ॥
- 3.034.05a इन्द्र॑स्तुजो॒ बर्ह॑णा आ॒ वि॒वेश॑ नृ॒वद्द॑धानो॒ नर्या॑ पु॒रूणि॑ ।
- 3.034.05c अ॒चे॒तय॑द्विय॒ इमा॑ ज॒रि॒त्रे प्रे॑मं॒ वर्ण॑मतिरच्छुक्रमासाम् ॥
- 3.034.06a महो॑ महानि॒ पन॑यन्त्यस्येन्द्रस्य॒ कर्म॑ सु॒कृता॑ पु॒रूणि॑ ।
- 3.034.06c वृ॒जने॑न वृ॒जिना॑न्सं॒ पिपे॑ष॒ माया॑भिर्दस्यूर॒भिभू॑त्योजाः ॥
- 3.034.07a यु॒धेन्द्रो॑ म॒ह्ना व॑रि॒वश्च॑कार॒ दे॒वेभ्यः॑ स॒त्पति॑श्चर्षणिप्राः ।
- 3.034.07c वि॒वस्व॑तः॒ स॒दने॑ अस्य॒ तानि॑ वि॒प्रा उ॒क्थे॑भिः॒ क॒वयो॑ गृणन्ति ॥
- 3.034.08a स॒त्रासा॑हं॒ वरे॑ण्यं॒ सहो॑दां॒ स॒सवा॑सं॒ स्वर॑पश्च॒ दे॒वीः ।
- 3.034.08c स॒सान॑ यः॒ पृथि॑वीं॒ द्यामु॑तेमामिन्द्रं॒ म॒दन्त्य॑नु॒ धी॒रणा॑सः ॥
- 3.034.09a स॒साना॑त्याँ॒ उ॒त सूर्य॑ स॒साने॑न्द्रः॒ स॒सान॑ पु॒रुभो॑जसं॒ गाम् ।
- 3.034.09c हि॒र॒ण्यय॑मु॒त भो॑गं॒ स॒सान॑ ह॒त्वी द॑स्यून॒प्रार्थ्य॑ वर्ण॒माव॑त् ॥
- 3.034.10a इन्द्र॑ अ॒षधी॑रस॒नोद॑हानि॒ वन॑स्पती॒रस॒नोद॑न्तरि॒क्षम् ।
- 3.034.10c बि॒भेद॑ व॒लं नु॒नुदे॑ वि॒वाचो॑ऽथा॒भवद्मि॑ता॒भिक्र॑तूनाम् ॥
- 3.034.11a शु॒नं हु॑वेम॒ मघ॑वानमिन्द्रमस्मिन्भरे॒ नृ॒तमं॑ वा॒जसा॑तौ ।



- 3.034.11c शृ॒ण्वन्त॑मु॒ग्र॒मू॒तये॑ स॒मत्सु॑ घ्नन्तं॑ वृ॒त्राणि॑ सं॒जितं॑ ध॒नाना॑म् ॥
- 3.035.01a ति॒ष्ठा ह॒री रथ॑ आ यु॒ज्यमा॑ना या॒हि वा॒युर्न॑ नि॒युतो॑ नो अ॒च्छ ।
- 3.035.01c पि॒बास्य॑न्धो अ॒भिसृ॑ष्टो अ॒स्मे इन्द्र॑ स्वाहा र॒रिमा॑ ते म॒दाय॑ ॥
- 3.035.02a उपा॑जिरा पु॒रुहू॑ताय स॒ती ह॒री रथ॑स्य धू॒र्ष्वा यु॑नज्मि ।
- 3.035.02c द्रव॑द्यथा स॒म्भृतं॑ वि॒श्वतश्चि॑दु॒पेमं॑ य॒ज्ञमा॑ वहा॒त इन्द्र॑म् ॥
- 3.035.03a उपो॑ नय॒स्व वृ॑षणा तपु॒ष्पोते॑मव॒ त्वं वृ॑षभ॒ स्वधा॑वः ।
- 3.035.03c ग्र॑सेतामश्वा वि मु॒चेह॑ शो॒णा दि॒वेदि॑वे स॒दृशी॑रद्धि॒ धानाः॑ ॥
- 3.035.04a ब्र॒ह्मणा॑ ते ब्र॒ह्मयु॑जा यु॒नज्मि॑ ह॒री सखा॑या स॒धमा॑द आ॒शू ।
- 3.035.04c स्थि॑रं रथं सु॒खमिन्द्रा॑धिति॒ष्ठन्प्र॑जानन्वि॒द्वाँ उप॑ या॒हि सो॒मम् ॥
- 3.035.05a मा ते॑ ह॒री वृ॑षणा वी॒तपृ॑ष्ठा नि री॒रम॑न्यज॒माना॑सो अ॒न्ये ।
- 3.035.05c अ॒त्याया॑हि श॒श्वतो॑ वयं॒ तेऽरं॑ सु॒तेभिः॑ कृ॒णवाम॑ सो॒मैः ॥
- 3.035.06a तवा॑यं सो॒मस्त्वमे॒ह्यर्वाङ्छ॑श्च॒त्तमं॑ सु॒मना॑ अ॒स्य पा॑हि ।
- 3.035.06c अ॒स्मिन्य॑ज्ञे ब॒र्हिष्या॑ निष॒द्या द॑धि॒ष्वेमं॑ ज॒ठर॑ इन्द्रु॒मिन्द्र॑ ॥
- 3.035.07a स्ती॑र्णं ते॒ बर्हिः॑ सु॒त इन्द्र॑ सो॒मः कृ॒ता धा॑ना अ॒त्तवे॑ ते ह॒रिभ्या॑म् ।
- 3.035.07c तदो॑कसे पु॒रुशा॑काय वृ॒ष्णे म॑रु॒त्वते॑ तु॒भ्यं रा॑ता ह॒वीषि॑ ॥
- 3.035.08a इ॒मं नरः॑ प॒र्वता॑स्तु॒भ्यमा॑पः स॒मिन्द्र॑ गो॒भिर्म॑धु॒मन्त॑मक्रन् ।
- 3.035.08c तस्या॑गत्या सु॒मना॑ ऋ॒ष्व पा॑हि प्र॒जान॑न्वि॒द्वान्प॑थ्या॒ अनु॑ स्वाः ॥

- 3.035.09a याँ आ॒भ॒जो॑ म॒रु॒त॑ इ॒न्द्र॒ सो॒मे॒ ये॒ त्वा॒म॒व॒र्ध॒न्न॒भ॒व॒न्गा॒ण॒स्ते॑ ।
- 3.035.09c ते॒भि॒रे॒तं॑ स॒जो॒षा॑ वा॒व॒शा॒नो॑ऽऽग्नेः॑ पि॒ब॒ जि॒ह्वा॒या॑ सो॒म॒मि॒न्द्र॑ ॥
- 3.035.10a इ॒न्द्र॒ पि॒ब॒ स्व॒ध॒या॑ चि॒त्सु॒त॒स्या॒ग्ने॒र्वा॑ पा॒हि॒ जि॒ह्वा॒या॑ य॒ज॒त्र॑ ।
- 3.035.10c अ॒ध्व॒र्यो॑र्वा॒ प्र॒य॒तं॑ श॒क्र॒ ह॒स्ता॒द्धो॒तु॒र्वा॑ य॒ज्ञं॑ ह॒वि॒षो॑ जु॒ष॒स्व॑ ॥
- 3.035.11a शु॒नं॑ हु॒वे॒म॒ म॒घ॒वा॒न॒मि॒न्द्र॒म॒स्मि॒न्भ॒रे॑ नृ॒त॒मं॑ वा॒ज॒सा॒तौ॑ ।
- 3.035.11c शृ॒ण्व॒न्त॒मु॒ग्र॒मू॒त॒ये॑ स॒म॒त्सु॒ घ्न॒न्तं॑ वृ॒त्रा॒णि॑ सं॒जि॒तं॑ ध॒ना॒ना॒म् ॥
- 3.036.01a इ॒मा॒मू॒ षु॑ प्र॒भृ॒तिं॑ सा॒त॒ये॑ धाः॒ श॒श्व॑च्छ॒श्व॒दू॒ति॒भि॒र्या॑द॒मा॒नः॑ ।
- 3.036.01c सु॒ते॒सु॒ते॑ वा॒वृ॒धे॒ व॒ध॒ने॒भि॒र्यः॑ क॒र्म॒भि॒र्म॒ह॒द्भिः॑ सु॒श्रु॒तो॒ भू॒त् ॥
- 3.036.02a इ॒न्द्रा॒य॒ सो॒माः॑ प्र॒दि॒वो॒ वि॒दा॒ना॒ ऋ॒भु॒र्यो॑भिर्वृ॒ष॒प॒र्वा॑ वि॒हा॒याः॑ ।
- 3.036.02c प्र॒य॒म्य॒मा॒ना॒न्प्र॒ति॒ षू॑ गृ॒भा॒ये॒न्द्र॒ पि॒ब॒ वृ॒ष॒धू॒त॒स्य॑ वृ॒ष्णाः॑ ॥
- 3.036.03a पि॒बा॒ व॒र्ध॒स्व॒ तव॑ घा॒ सु॒ता॒स॒ इ॒न्द्र॒ सो॒मा॒सः॑ प्र॒थ॒मा॒ उ॒ते॒मे॑ ।
- 3.036.03c य॒था॒पि॒बः॑ पू॒र्व्यो॑ इ॒न्द्र॒ सो॒माँ॑ ए॒वा॒ पा॒हि॒ प॒न्यो॑ अ॒द्या॒ न॒वी॒या॒न् ॥
- 3.036.04a म॒हाँ॑ अ॒म॒त्रो॒ वृ॒ज॒ने॑ वि॒र॒प्शु॒श्रं॑ श॒वः॑ प॒त्य॒ते॑ धृ॒ष्ण॒वो॒जः॑ ।
- 3.036.04c ना॒ह॒ वि॒व्या॒च॒ पृ॒थि॒वी॒ च॒नै॒नं॑ य॒त्सो॒मा॒सो॑ ह॒र्य॑श्च॒म॒म॒न्द॒न् ॥
- 3.036.05a म॒हाँ॑ उ॒ग्रो॒ वा॒वृ॒धे॒ वी॒र्या॑य॒ स॒मा॒च॒क्रे॑ वृ॒ष॒भः॑ का॒व्ये॒न॑ ।
- 3.036.05c इ॒न्द्रो॒ भ॒गो॑ वा॒ज॒दा॒ अस्य॑ गा॒वः॒ प्र॒ जा॒य॒न्ते॑ द॒क्षि॒णा॒ अस्य॑ पू॒र्वीः॑ ॥
- 3.036.06a प्र॒ य॒त्सि॒न्ध॒वः॑ प्र॒स॒वं॑ य॒था॒य॒न्ना॒पः॑ स॒मु॒द्रं॑ रथ्ये॒व॑ ज॒ग्मुः॑ ।

- 3.036.06c अ॒तश्चि॒दिन्द्रः॑ स॒दसो॑ व॒रीया॒न्यदी॑ सोमः पृ॒णति॑ दु॒ग्धो अ॒ंशुः ॥
- 3.036.07a स॒मु॒द्रेण॑ सि॒न्धवो॑ या॒दमा॒ना इन्द्रा॑य सोमं सु॒षु॒तं भ॑रन्तः ।
- 3.036.07c अ॒ंशुं दु॑हन्ति ह॒स्ति॒नो भ॑रि॒त्रैर्म॑ध्वः पु॒नन्ति॑ धा॒रया॑ प॒वित्रैः॑ ॥
- 3.036.08a ह॒दा इ॒व कु॑क्षयः सोम॒धानाः॑ स॒मी वि॒व्याच॑ स॒वना॑ पु॒रू॒णि ।
- 3.036.08c अ॒न्ना य॑दिन्द्रः प्रथ॒मा व्या॑श वृ॒त्रं ज॒घन्वाँ॑ अ॒वृ॒णीत॑ सोमम् ॥
- 3.036.09a आ तू॑ भ॒र मा॑किरे॒तत्परि॑ षा॒द्वि॒द्मा हि॑ त्वा व॒सु॒पतिं॑ व॒सूना॑म् ।
- 3.036.09c इन्द्र॑ य॒त्ते मा॑हि॒नं द॒त्रम॑स्त्य॒स्मभ्यं॑ तद्ध॒र्यश्च॑ प्र य॒न्धि ॥
- 3.036.10a अ॒स्मे प्र॑ य॒न्धि म॑घव॒न्नृ॒जीषि॑न्निन्द्र॒ रायो॑ वि॒श्ववा॑रस्य भू॒रेः ।
- 3.036.10c अ॒स्मे श॑तं श॒रदो॑ जी॒वसे॑ धा अ॒स्मे वी॑राञ्छ॒श्वत॑ इन्द्र॒ शि॒प्रिन् ॥
- 3.036.11a शु॒नं हु॑वेम म॒घवा॑नमिन्द्रम॒स्मिन्भ॑रे नृ॒तमं॑ वा॒जसा॑तौ ।
- 3.036.11c शृ॒ण्वन्त॑मु॒ग्रमू॑तये॒ सम॑त्सु॒ घ्नन्तं॑ वृ॒त्राणि॑ सं॒जितं॑ ध॒नाना॑म् ॥
- 3.037.01a वा॒त्रह॑त्याय श॒वसे॑ पृ॒तना॑षा॒ह्याय॑ च ।
- 3.037.01c इन्द्र॑ त्वा वर्त॒याम॑सि ॥
- 3.037.02a अ॒र्वाची॑नं सु॒ ते मन॑ उ॒त च॑क्षुः श॒तक्र॑तो ।
- 3.037.02c इन्द्र॑ कृ॒ण्वन्तु॑ वा॒घतः॑ ॥
- 3.037.03a ना॒मानि॑ ते श॒तक्र॑तो वि॒श्वाभि॑र्गी॒र्भिरी॑महे ।
- 3.037.03c इन्द्रा॑भि॒माति॑षा॒ह्ये ॥

- 3.037.04a पुरुष्टुतस्य धामभिः शतेन महयामसि ।
- 3.037.04c इन्द्रस्य चर्षणीधृतः ॥
- 3.037.05a इन्द्रं वृत्राय हन्तवे पुरुहूतमुप ब्रुवे ।
- 3.037.05c भरेषु वाजसातये ॥
- 3.037.06a वाजेषु सासहिर्भव त्वामीमहे शतक्रतो ।
- 3.037.06c इन्द्र वृत्राय हन्तवे ॥
- 3.037.07a द्युम्नेषु पृतनाज्ये पृतसुतूर्षु श्रवस्सु च ।
- 3.037.07c इन्द्र साद्वाभिमातिषु ॥
- 3.037.08a शुष्मिन्तमं न ऊतये द्युम्निनं पाहि जागृविम् ।
- 3.037.08c इन्द्र सोमं शतक्रतो ॥
- 3.037.09a इन्द्रियाणि शतक्रतो या ते जनेषु पञ्चसु ।
- 3.037.09c इन्द्र तानि त आ वृणे ॥
- 3.037.10a अगान्निन्द्र श्रवो बृहद्द्युम्नं दधिष्व दुष्टरम् ।
- 3.037.10c उक्ते शुष्मं तिरामसि ॥
- 3.037.11a अर्वावतो न आ गह्यथो शक्र परावतः ।
- 3.037.11c उ लोको यस्ते अद्रिव इन्द्रेह तत आ गहि ॥
- 3.038.01a अभि तष्टेव दीधया मनीषामत्यो न वाजी सुधुरो जिहानः ।

- 3.038.01c अ॒भि प्रि॒याणि॑ म॒र्म॒श॒त्प॒राणि॑ क॒र्वी॒रि॒च्छामि॑ सं॒दृशे॑ सु॒मे॒धाः ॥
- 3.038.02a इ॒नो॒त पृ॒च्छ॒ ज॒नि॒मा क॒वी॒नां म॒नो॒धृतः॑ सु॒कृत॑स्त॒क्षत॑ द्याम् ।
- 3.038.02c इ॒मा उ॑ ते प्र॒णयो॑र्ध॒र्मा॒ना म॒नो॒वा॒ता अ॒ध नु॑ ध॒र्माणि॑ ग्मन् ॥
- 3.038.03a नि॒ षी॒मि॒दत्र॑ गु॒ह्या द॒धाना॑ उ॒त क्ष॒त्राय॑ रो॒दसी॑ सम॒ञ्जन् ।
- 3.038.03c सं॒ मा॒त्राभि॑र्मि॒रे ये॒मु॒रु॒र्वी अ॒न्त॒र्म॒ही स॒मृते॑ धाय॒से धुः ॥
- 3.038.04a आ॒ति॒ष्ठ॒न्तं परि॑ वि॒श्वे अ॒भूष॑ञ्छि॒यो व॒सान॑श्चरति॒ स्वरो॑चिः ।
- 3.038.04c म॒हत्त॑द्वृ॒ष्णो अ॒सुर॑स्य॒ नामा॑ वि॒श्वरू॑पो अ॒मृता॑नि॒ तस्थौ॑ ॥
- 3.038.05a अ॒सू॒त पूर्॒वो वृ॒षभो॑ ज्या॒यानि॑मा अ॒स्य शु॒रुधः॑ सन्ति॒ पूर्वीः॑ ।
- 3.038.05c दि॒वो न॑पा॒ता वि॒दथ॑स्य॒ धीभिः॑ क्ष॒त्रं रा॑जा॒ना प्र॑दि॒वो द॒धाथे॑ ॥
- 3.038.06a त्री॑णि॒ राजा॑ना॒ विदथे॑ पु॒रू॒णि परि॑ वि॒श्वानि॑ भूष॒थः सदा॑सि ।
- 3.038.06c अ॒पश्य॑मत्र॒ मन॑सा॒ जग॑न्वा॒न्व्र॒ते ग॒न्ध॒र्वा अपि॑ वा॒युके॑शान् ॥
- 3.038.07a तदि॒न्द्र॒वस्य॑ वृ॒षभ॑स्य॒ धे॒नो॒रा ना॑मभि॒र्मि॒रे स॒क्म्यं॑ गोः ।
- 3.038.07c अ॒न्यद॑न्यद॒सुर्य॑र्ष॒ वसा॑ना॒ नि मा॒यिनो॑ म॒मिरे॑ रू॒पम॑स्मिन् ॥
- 3.038.08a तदि॒न्द्र॒वस्य॑ स॒वितु॑र्नकि॒र्मे हि॒रण्य॑यी॒मम॑तिं॒ याम॑शि॒श्रेत् ।
- 3.038.08c आ॒ सु॒ष्टुती॑ रो॒दसी॑ वि॒श्वमि॑न्वे अ॒पी॒व यो॒षा ज॑नि॒मानि॑ व॒ब्रे ॥
- 3.038.09a यु॒वं प्र॑त्नस्य॒ साध॑थो॒ महो॑ यद्दे॒वी स्व॑स्तिः॒ परि॑ णः॒ स्या॑तम् ।
- 3.038.09c गो॒पाजि॑ह्वस्य॒ तस्थु॑षो॒ विरू॑पा॒ विश्वे॑ प॒श्यन्ति॑ मा॒यिनः॑ कृ॒तानि॑ ॥
- 3.038.10a शु॒नं हु॒वेम॑ म॒घवा॑नमि॒न्द्रम॑स्मिन्भ॒रे नृ॑त॒मं वा॑जसा॒तौ ।

- 3.038.10c शृ॒ण्वन्त॑मु॒ग्र॒मू॒तये॑ स॒मत्सु॑ घ्नन्तं॑ वृ॒त्राणि॑ सं॒जितं॑ ध॒नाना॑म् ॥
- 3.039.01a इन्द्रं॑ म॒तिर्हृ॒द् आ व॒च्यमा॑नाच्छा पतिं॑ स्तो॒मत॑श्च जिगाति ।
- 3.039.01c या जा॒गृवि॑र्वि॒दथे॑ श॒स्यमा॑नेन्द्र॒ यत्ते जा॑यते वि॒द्धि तस्य॑ ॥
- 3.039.02a दि॒वश्चि॑दा पू॒र्व्या जा॑यमाना वि जा॒गृवि॑र्वि॒दथे॑ श॒स्यमा॑ना ।
- 3.039.02c भद्रा॑ व॒स्त्राण्य॑र्जु॒ना व॑साना से॒यम॑स्मे स॒नजा॑ पि॒त्र्या धीः॑ ॥
- 3.039.03a यमा॑ चि॒दत्र॑ य॒मसू॑र॒सूत॑ जि॒ह्वाया॑ अ॒ग्रं प॑तदा ह्य॒स्थात् ।
- 3.039.03c व॒पूंषि॑ जा॒ता मि॒थुना॑ स॒चेते॑ त॒मोह॑ना त॒पुषो॑ बु॒ध्न ए॒ता ॥
- 3.039.04a नकि॑रेषां नि॒न्दिता॑ म॒र्त्येषु॑ ये अ॒स्माकं॑ पि॒तरो॑ गो॒षु यो॑धाः ।
- 3.039.04c इन्द्र॑ ए॒षां दृं॑हिता माहि॒नावानु॑द्रो॒त्राणि॑ स॒सृजे॑ दं॒सनावान्॑ ॥
- 3.039.05a सखा॑ ह॒ यत्र॑ स॒खिभि॑र्न॒वग्वै॑रभि॒ज्ञ्वा स॒त्वभि॑र्गा अनु॒गमन्॑ ।
- 3.039.05c स॒त्यं तदिन्द्रो॑ द॒शभि॑र्द॒शग्वैः॑ सू॒र्यं वि॑वेद॒ तम॑सि॒ क्षिय॑न्तम् ॥
- 3.039.06a इन्द्रो॑ म॒धु स॑म्भृ॒तमु॒स्त्रिया॑यां प॒द्वद्वि॑वेद॒ शफ॑व॒न्नमे॑ गोः ।
- 3.039.06c गुहा॑ हि॒तं गुह्यं॑ गू॒ळ्हम॑प्सु ह॒स्ते द॑धे द॒क्षिणे॑ द॒क्षिणा॑वान् ॥
- 3.039.07a ज्योति॑र्वृ॒णीत॑ त॒मसो॑ वि॒जान॑न्नारे स्याम॒ दुरि॑ताद॒भीके॑ ।
- 3.039.07c इ॒मा गि॑रः सो॒मपाः॑ सो॒मवृ॑द्ध जुष॒स्वेन्द्र॑ पुरु॒तम॑स्य का॒रोः ॥
- 3.039.08a ज्योति॑र्य॒ज्ञाय॑ रो॒दसी॑ अनु॒ ष्या॑दारे स्याम॒ दुरि॑तस्य भू॒रेः ।
- 3.039.08c भू॒रि चि॑द्धि॒ तुज॑तो म॒र्त्यस्य॑ सु॒पारा॑सो व॒सवो॑ ब॒र्हणा॑वत् ॥

- 3.039.09a शु॒नं हु॒वेम॑ म॒घवा॑नमिन्द्र॒मस्मि॑न्भरे नृ॒तमं॑ वाजसा॒तौ ।
- 3.039.09c शृ॒ण्वन्त॑मु॒ग्रमू॑तये॒ सम॑त्सु॒ घ्नन्तं॑ वृ॒त्राणि॑ संजि॒तं ध॑नानाम् ॥
- 3.040.01a इन्द्र॑ त्वा वृष॒भं वयं॑ सु॒ते सोमे॑ हवामहे ।
- 3.040.01c स पा॒हि म॒ध्वो अ॒न्धसः॑ ॥
- 3.040.02a इन्द्र॑ क्र॒तुवि॑दं सु॒तं सोमं॑ ह॒र्य पुरु॑ष्टुत ।
- 3.040.02c पि॒बा वृ॑षस्व ता॒तृपि॑म् ॥
- 3.040.03a इन्द्र॑ प्र॒ णो॑ धि॒तावा॑नं य॒ज्ञं वि॒श्वेभि॑र्दे॒विभिः॑ ।
- 3.040.03c ति॒र स्त॑वान॒ विश॑पते ॥
- 3.040.04a इन्द्र॑ सोमाः सु॒ता इ॒मे तव॑ प्र॒ यन्ति॑ सत्पते ।
- 3.040.04c क्ष॒यं च॑न्द्रा॒स इन्द्र॑वः ॥
- 3.040.05a दधि॑ष्वा ज॒ठरे॑ सु॒तं सोम॑मिन्द्र॒ वरे॑ण्यम् ।
- 3.040.05c तव॑ द्यु॒क्षास॑ इन्द्र॒वः ॥
- 3.040.06a गि॒र्व॑णः पा॒हि नः॑ सु॒तं म॒धोर्धा॑रा॒भिर॑ज्यसे ।
- 3.040.06c इन्द्र॑ त्वादा॒तमि॑द्यशः ॥
- 3.040.07a अ॒भि द्यु॑म्नानि॒ वनि॑न इन्द्रं॑ स॒चन्ते॑ अ॒क्षिता॑ ।
- 3.040.07c पी॒त्वी सोम॑स्य॒ वावृ॑धे ॥
- 3.040.08a अ॒र्वाव॑तो॒ न आ॑ ग॒हि प॑रावत॒श्च वृ॑त्रहन् ।

- 3.040.08c इ॒मा जु॒ष॒स्व नो॑ गि॒रः ॥
- 3.040.09a यद॒न्तरा॑ प॒राव॑तम॒र्वाव॑तं च हू॒य॒से ।
- 3.040.09c इ॒न्द्रे॒ह त॒त आ॑ ग॒हि ॥
- 3.041.01a आ॒ तू न॑ इ॒न्द्र म॒द्भ्य॑गु॒वानः॑ सोम॒पी॒तये॑ ।
- 3.041.01c ह॒रि॒भ्यां॑ या॒ह्य॒द्रि॒वः ॥
- 3.041.02a स॒त्तो॒ होता॑ न ऋ॒त्विय॑स्ति॒स्तरे॑ ब॒र्हि॒रानु॑षक् ।
- 3.041.02c अ॒यु॒ञ्ज॒न्प्रा॑तर॒द्रयः॑ ॥
- 3.041.03a इ॒मा ब्र॑ह्म ब्र॒ह्म॒वाहः॑ क्रि॒यन्त॑ आ ब॒र्हिः॑ सी॒द ।
- 3.041.03c वी॒हि शू॒र पु॒रो॒ळा॒शम् ॥
- 3.041.04a रा॒रन्धि॑ स॒वने॑षु ग॒ण ए॒षु स्तो॑मेषु वृ॒त्रह॑न् ।
- 3.041.04c उ॒क्थे॑ष्वि॒न्द्र गि॑र्व॒णः ॥
- 3.041.05a म॒तयः॑ सोम॒पामु॑रुं रि॒हन्ति॑ श॒वस॑स्पतिम् ।
- 3.041.05c इ॒न्द्रं व॑त्सं न मा॒तरः॑ ॥
- 3.041.06a स म॑न्द॒स्वा ह्य॑न्ध॒सो रा॑ध॒से त॒न्वा म॑हे ।
- 3.041.06c न स्तो॑तारं नि॒दे क॑रः ॥
- 3.041.07a व॒यमि॑न्द्र त्वा॒यवो॑ ह॒विष्म॑न्तो ज॒राम॑हे ।
- 3.041.07c उ॒त त्व॑म॒स्मयु॑र्व॒सो ॥



- 3.041.08a मारे अ॒स्मद्वि॑ मु॒मुचो॑ हरि॒प्रिया॒र्वाङ्चा॑हि ।
- 3.041.08c इन्द्र॑ स्वधा॒वो म॒त्स्वेह॑ ॥
- 3.041.09a अ॒र्वाञ्चं॑ त्वा सु॒खे रथे॑ वह॒तामिन्द्र॑ केशि॒ना ।
- 3.041.09c घृ॒तसू॑ ब॒र्हिरा॑सदे ॥
- 3.042.01a उप॑ नः सु॒तमा ग॑हि सोम॒मिन्द्र॑ गवा॒शिरम् ।
- 3.042.01c हरि॑भ्यां यस्ते अ॒स्मयुः॑ ॥
- 3.042.02a तमिन्द्र॑ म॒दमा ग॑हि ब॒र्हिष्ठां॑ ग्राव॒भिः सु॒तम् ।
- 3.042.02c कु॒वि॒न्वस्य॑ तृ॒ष्णावः॑ ॥
- 3.042.03a इन्द्र॑मि॒त्था गि॒रो म॒माच्छा॑गुरि॒षिता॑ इतः ।
- 3.042.03c आ॒वृते॑ सोम॒पीतये॑ ॥
- 3.042.04a इन्द्रं॑ सोम॒स्य पी॒तये॑ स्तोमै॒रिह॑ ह॒वामहे॑ ।
- 3.042.04c उ॒क्थेभिः॑ कु॒विदा॑गमत् ॥
- 3.042.05a इन्द्र॑ सोमाः सु॒ता इमे॑ तान्दधि॒ष्व श॑तक्रतो ।
- 3.042.05c ज॒ठरे॑ वाजि॒नीव॑सो ॥
- 3.042.06a वि॒द्वा हि॑ त्वा धनं॒जयं॑ वाजे॒षु द॒धृषं॑ कवे ।
- 3.042.06c अ॒घा ते॑ सु॒म्नमी॑महे ॥
- 3.042.07a इ॒ममिन्द्र॑ गवा॒शिरं॑ यवा॒शिरं॑ च नः पिब ।

- 3.042.07c आ॒ग॒त्या॒ वृ॒ष॒भिः॑ सु॒तम् ॥
- 3.042.08a तु॒भ्ये॑दि॒न्द्र॒ स्व॒ ओ॒क्वे॑३ सो॒मं॑ चो॒दामि॑ पी॒तये॑ ।
- 3.042.08c ए॒ष रा॑रन्तु ते हृ॒दि ॥
- 3.042.09a त्वां सु॒तस्य॑ पी॒तये॑ प्र॒त्नमि॑न्द्र हवामहे ।
- 3.042.09c कु॒शि॒का॒सो॑ अ॒व॒स्य॑वः ॥
- 3.043.01a आ या॒ह्यर्वा॑ङ्गु॒प व॒न्धुरे॑ष्ठास्तवे॒दनु॑ प्र॒दिवः॑ सो॒मपे॑यम् ।
- 3.043.01c प्रि॒या स॒खाया॑ वि मु॒चोप॑ ब॒र्हि॒स्त्वामि॑मे ह॒व्यवा॑हो ह॒वन्ते ॥
- 3.043.02a आ या॒हि पू॒र्वीर॑ति च॒र्षणी॑राँ अ॒र्य आ॒शिष॑ उप॒ नो ह॑रि॒भ्याम् ।
- 3.043.02c इ॒मा हि॑ त्वा म॒तय॑ स्तो॒म॒त॒ष्ठा इ॒न्द्र ह॑वन्ते स॒ख्यं जु॑षाणाः ॥
- 3.043.03a आ नो॑ य॒ज्ञं न॒मोवृ॑धं स॒जोषा॑ इ॒न्द्र दे॒व ह॑रि॒भिर्या॑हि तू॒यम् ।
- 3.043.03c अ॒हं हि॑ त्वा म॒तिभि॑र्जो॒हवी॑मि घृ॒तप्र॑याः स॒धमा॑दे म॒धूना॑म् ॥
- 3.043.04a आ च॑ त्वा॒मे॒ता वृ॑षणा॒ वहा॑तो ह॒री स॒खाया॑ सु॒धुरा॑ स्व॒ङ्गा ।
- 3.043.04c धा॒ना॒व॒दि॒न्द्रः स॒वनं॑ जु॒षाणः॑ स॒खा स॒ख्युः शृ॑णव॒द्वन्द॑नानि ॥
- 3.043.05a कु॒वि॒न्मा गो॒पां कर॑से॒ जन॑स्य कु॒वि॒द्राजा॑नं म॒घव॑न्नृ॒जीषि॑न् ।
- 3.043.05c कु॒वि॒न्म ऋ॑षिं प॒पिवा॑सं सु॒तस्य॑ कु॒वि॒न्मे व॒स्वो अ॒मृत॑स्य शि॒क्षाः ॥
- 3.043.06a आ त्वा॑ बृ॒हन्तो॑ ह॒रयो॑ यु॒जाना॑ अ॒र्वागि॑न्द्र स॒धमा॑दो व॒हन्तु॑ ।
- 3.043.06c प्र॒ ये द्वि॑ता दि॒व ऋ॑ञ्जन्त्या॒ताः सु॑स॒म्मृ॒ष्टा॒सो वृ॑ष॒भस्य॑ मू॒राः ॥

- 3.043.07a इन्द्र॑ पिब॑ वृष॑धू॒तस्य॑ वृ॒ष्ण॒ आ॒ यं॑ ते॒ श्ये॑न उ॒शते॑ ज॒भार॑ ।
- 3.043.07c यस्य॑ म॒दे च्या॑व॒यसि॑ प्र कृ॒ष्टीर्य॑स्य म॒दे अप॑ गो॒त्रा व॑व॒र्थ ॥
- 3.043.08a शु॒नं हु॑वे॒म म॒घवा॑नमिन्द्र॒मस्मि॑न्भ॒रे नृ॒तमं॑ वा॒जसा॑तौ ।
- 3.043.08c शृ॒ण्वन्त॑मु॒ग्रमू॑तये॒ सम॑त्सु॒ घ्नन्तं॑ वृ॒त्राणि॑ सं॒जितं॑ ध॒नाना॑म् ॥
- 3.044.01a अ॒यं ते॑ अस्तु॒ हर्य॑तः सोम॒ आ ह॑रिभिः सु॒तः ।
- 3.044.01c जु॒षाण॑ इन्द्र॒ हरि॑भिर्न॒ आ ग॒ह्या तिष्ठ॑ हरि॒तं रथ॑म् ॥
- 3.044.02a हर्य॑न्नु॒षस॑म॒र्चयः॑ सूर्य॒ हर्य॑न्न॒रोच॑यः ।
- 3.044.02c वि॒द्वाँश्चि॑कित्वा॒न्हर्य॑श्च॒ वर्ध॑स इन्द्र॒ विश्वा॑ अ॒भि श्रि॑यः ॥
- 3.044.03a द्या॒मिन्द्रो॑ ह॒रिधा॑यसं॒ पृथि॑वीं ह॒रि॒वर्ष॑सम् ।
- 3.044.03c अ॒धार॑य॒द्धरि॑तो॒भूरि॑ भो॒जनं॑ य॒योर॑न्त॒र्हरि॑श्चरत् ॥
- 3.044.04a ज॒ज्ञानो॑ ह॒रितो॑ वृषा॒ विश्व॑मा॒ भाति॑ रो॒चन॑म् ।
- 3.044.04c हर्य॑श्चो॒ हरि॑तं॒ धत्त॑ आ॒युध॑मा॒ वज्रं॑ बा॒होर्हरि॑म् ॥
- 3.044.05a इन्द्रो॑ ह॒र्यन्त॑म॒र्जुनं॑ वज्रं॒ शुक्रे॑रभी॒वृ॒तम् ।
- 3.044.05c अ॒पावृ॑णो॒द्धरि॑भि॒रद्रि॑भिः सु॒तमु॑द्गा ह॒रिभि॑रा॒जत॑ ॥
- 3.045.01a आ म॒न्द्रैरिन्द्र॑ ह॒रिभि॑र्या॒हि म॒यूर॑रोमभिः ।
- 3.045.01c मा॒ त्वा के॑ चि॒न्नि य॑म॒न्विं न॑ पा॒शिनोऽति॑ ध॒न्वेव॑ ताँ इ॒हि ॥

- 3.045.02a वृ॒त्र॒खा॒दो॑ व॒लं॒रु॒जः॑ पु॒रां॑ द॒र्मो॑ अ॒पाम॒जः॑ ।
- 3.045.02c स्था॒ता॒ रथ॑स्य ह॒र्यो॑र॒भि॒स्वर॑ इन्द्रो॒ दृ॒ळ्हा॑ चि॒दा॒रु॒जः॑ ॥
- 3.045.03a ग॒म्भी॒राँ॑ उ॒द॒र्घी॑रि॒व क्र॑तुं पु॒ष्य॒सि॒ गा॒ इ॒व ।
- 3.045.03c प्र सु॒गो॒पा॒ यव॑सं धे॒नवो॑ यथा॒ हृदं॑ कु॒ल्या॒ इवा॑शत ॥
- 3.045.04a आ न॒स्तु॒जं॑ र॒यिं॑ भ॒रां॒शं॑ न प्र॒ति॒जा॒नते॑ ।
- 3.045.04c वृ॒क्षं॑ प॒क्वं॑ फ॒ल॒म॒ङ्गी॒व धू॒नु॒ही॒न्द्र स॒म्पा॒र॒णं॑ व॒सु ॥
- 3.045.05a स्व॒यु॒रि॒न्द्र स्व॒रा॒ळ॒सि॒ स्म॒दि॒ष्टिः॑ स्व॒य॒श॒स्तरः॑ ।
- 3.045.05c स वा॒वृ॒धा॒न अ॒ज॒सा॒ पु॒रु॒ष्टु॒त भ॒वा॒ नः॑ सु॒श्र॒व॒स्त॒मः॑ ॥
- 3.046.01a यु॒ध॒म॒स्य॑ ते वृ॒ष॒भ॒स्य॑ स्व॒रा॒ज उ॒ग्र॒स्य॑ यू॒न स्थ॑वि॒र॒स्य॑ घृ॒ष्वेः॑ ।
- 3.046.01c अ॒जूर्य॑तो व॒ज्रि॒णो॑ वी॒र्या॑श्नीन्द्र श्रु॒त॒स्य॑ म॒हतो॑ म॒हानि॑ ॥
- 3.046.02a म॒हाँ॑ अ॒सि॒ म॒हि॒ष वृ॒ष्ण॒ये॒भि॒र्ध॒न॒स्पृ॒दु॒ग्र स॒ह॒मा॒नो॑ अ॒न्या॒न् ।
- 3.046.02c ए॒को॒ वि॒श्व॑स्य भु॒व॒न॒स्य॑ रा॒जा॒ स यो॒ध॒या॒ च क्ष॒य॒या॒ च ज॒ना॒न् ॥
- 3.046.03a प्र मा॒त्रा॒भी रि॒रि॒चे॒ रो॒च॒मा॒नः॑ प्र दे॒वे॒भि॒र्वि॒श्व॒तो॒ अ॒प्र॒ती॒तः॑ ।
- 3.046.03c प्र म॒ज्म॒ना॑ दि॒व इन्द्रः॑ पृथि॒व्याः॑ प्रो॒रो॒र्म॒हो॑ अ॒न्त॒रि॒क्षा॒दृ॒जी॒षी॑ ॥
- 3.046.04a उ॒रुं॑ ग॒भी॒रं॑ ज॒नु॒षा॒भ्यु॒श्रं॑ वि॒श्व॒व्य॒च॒स॒म॒व॒तं॑ म॒ती॒ना॒म् ।
- 3.046.04c इन्द्रं॑ सो॒मा॒सः॑ प्र॒दि॒वि॒ सु॒ता॒सः॑ स॒मु॒द्रं॑ न स्र॒वत॑ आ वि॒श॒न्ति॑ ॥
- 3.046.05a यं सो॒म॒मिन्द्र॑ पृथि॒वी॒द्या॒वा॒ गर्भं॑ न मा॒ता॒ वि॒भृ॒त॒स्त्वा॒या॑ ।

3.046.05c तं ते॑ हि॒न्वन्ति॑ तमु॒ ते मृ॑जन्त्यध्व॒र्यवो॑ वृषभ॒ पात॑वा उ ॥

3.047.01a मरु॒त्वाँ॑ इन्द्र॒ वृष॑भो र॒णाय॑ पि॒बा सो॑ममनु॒ष्वधं॑ म॒दाय॑ ।

3.047.01c आ॒ सिञ्च॑स्व ज॒ठरे॑ म॒ध्व ऊ॒र्मि त्वं॑ रा॒जासि॑ प्र॒दिवः॑ सु॒तानाम्॑ ॥

3.047.02a स॒जोषा॑ इन्द्र॒ सग॑णो मरु॒द्भिः सो॑मं पि॒ब वृ॒त्रहा॑ शूर॒ विद्वान्॑ ।

3.047.02c ज॒हि शत्रू॑रप॒ मृधो॑ नुद॒स्वाथा॑भयं कृ॒णुहि॑ वि॒श्वतो॑ नः ॥

3.047.03a उ॒त ऋ॒तुभि॑र्ऋ॒तुपाः॑ पा॒हि सो॑ममिन्द्र॒ दे॒वेभिः॑ स॒खिभिः॑ सु॒तं नः॑ ।

3.047.03c याँ॑ आ॒भजो॑ मरुतो॒ ये त्वा॑न्वहन्वृ॒त्रम॑दधुस्तु॒भ्यमोजः॑ ॥

3.047.04a ये त्वा॑हि॒हत्ये॑ म॒घव॑न्नव॒र्धन्ये॑ शा॒म्बरे॑ ह॒रिवो॑ ये ग॒विष्टौ॑ ।

3.047.04c ये त्वा॑ नून॒मनु॑मदन्ति वि॒प्राः पि॒बेन्द्र॑ सो॒मं स॑गणो मरु॒द्भिः ॥

3.047.05a मरु॒त्वन्तं॑ वृषभं॒ वावृ॑धानमक॒वारि॑ दि॒व्यं शा॑समिन्द्रम् ।

3.047.05c वि॒श्वासा॑हमवसे॒ नूत॑नायो॒ग्रं स॒होदा॑मिह तं हु॒वेम॑ ॥

3.048.01a स॒द्यो ह॑ जा॒तो वृ॑षभः क॒नीनः॑ प्र॒भर्तु॑मावद॒न्धसः॑ सु॒तस्य॑ ।

3.048.01c सा॒द्योः पि॑ब प्र॒तिकामं॑ यथा॒ ते रसा॑शिरः प्रथ॒मं सो॑म्यस्य ॥

3.048.02a य॒ज्जाय॑थास्तद॒हर॑स्य का॒मेऽंशोः॑ पी॒यूष॑मपि॒बो गि॑रि॒ष्ठाम् ।

3.048.02c तं ते॑ मा॒ता परि॑ योषा॒ जनि॑त्री म॒हः पि॒तुर्द॑म आ॒सिञ्च॑दग्रे ॥

3.048.03a उ॒पस्था॑य मा॒तर॑मन्नमै॒ष्टृ ति॑ग्ममपश्यद॒भि सो॑ममू॒धः ।

- 3.048.03c प्रयावयन्नचरद्भृत्सो अन्यान्महानि चक्रे पुरुधप्रतीकः ॥
- 3.048.04a उग्रस्तुराषाळभिभूत्योजा यथावशं तन्वं चक्र एषः ।
- 3.048.04c त्वष्टारमिन्द्रो जनुषाभिभूयामुष्या सोममपिबच्चमूषु ॥
- 3.048.05a शुनं हुवेम मघवानमिन्द्रमस्मिन्भरे नृतमं वाजसातौ ।
- 3.048.05c शृण्वन्तमुग्रमूतये समत्सु घ्नन्तं वृत्राणि संजितं धनानाम् ॥

- 3.049.01a शंसा महामिन्द्रं यस्मिन्विश्वा आ कृष्टयः सोमपाः काममव्यन् ।
- 3.049.01c यं सुक्रतुं धिषणे विभवतष्टं घनं वृत्राणां जनयन्त देवाः ॥
- 3.049.02a यं नु नकिः पृतनासु स्वराजं द्विता तरति नृतमं हरिष्ठाम् ।
- 3.049.02c इनतमः सत्वभिर्यो ह शूषैः पृथुज्रया अमिनादायुर्दस्योः ॥
- 3.049.03a सहावा पृत्सु तरणिर्नार्वा व्यानशी रोदसी मेहनावान् ।
- 3.049.03c भगो न कारे हव्यो मतीनां पितेव चारुः सुहवो वयोधाः ॥
- 3.049.04a धर्ता दिवो रजसस्पृष्ट ऊर्ध्वो रथो न वायुर्वसुभिर्नियुत्वान् ।
- 3.049.04c क्षपां वस्ता जनिता सूर्यस्य विभक्ता भागं धिषणेव वाजम् ॥
- 3.049.05a शुनं हुवेम मघवानमिन्द्रमस्मिन्भरे नृतमं वाजसातौ ।
- 3.049.05c शृण्वन्तमुग्रमूतये समत्सु घ्नन्तं वृत्राणि संजितं धनानाम् ॥

- 3.050.01a इन्द्रः स्वाहा पिबतु यस्य सोम आगत्या तुम्रो वृषभो मरुत्वान् ।

- 3.050.01c ओ॒रु॒व्य॒चाः॑ पृ॒ण॒ता॒मे॒भि॒र॒त्रै॒रा॒स्य॑ ह॒वि॒स्त॒न्व॒शः॑ का॒म॒मृ॒ध्याः॑ ॥
- 3.050.02a आ॒ ते॑ स॒पर्यु॑ ज॒वसे॑ यु॒न॒ज्मि॑ य॒यो॒र॒नु॑ प्र॒दिवः॑ श्रु॒ष्टि॒मावः॑ ।
- 3.050.02c इ॒ह॒ त्वा॑ धे॒यु॒र्हर॑यः सु॒शि॒प्र॒ पि॒बा॒ त्व॒श॒स्य॑ सु॒षु॒त॒स्य॑ चा॒रोः॑ ॥
- 3.050.03a गो॒भि॒र्मि॒मि॒क्षुं॑ द॒धि॒रे॒ सु॒पा॒र॒मि॒न्द्रं॑ ज्यै॒ष्ठ्या॑य॒ धाय॑से गृ॒णा॒नाः॑ ।
- 3.050.03c म॒न्दा॒नः॑ सो॒मं॑ प॒पि॒वाँ॑ ऋ॒जी॒षि॒न्स॒म॒स्म॒भ्यं॑ पु॒रु॒धा॒ गा॒ इ॒ष॒ण्य॑ ॥
- 3.050.04a इ॒मं॑ का॒मं॑ म॒न्द॒या॑ गो॒भि॒र॒श्वै॒श्च॒न्द्र॒व॒ता॑ रा॒ध॒सा॑ प॒प्रथ॑श्च ।
- 3.050.04c स्व॒र्य॒वो॑ म॒ति॒भि॒स्तु॒भ्यं॑ वि॒प्रा॒ इ॒न्द्रा॑य॒ वा॒हः॑ कु॒शि॒का॒सो॑ अ॒क्रन् ॥
- 3.050.05a शु॒नं॑ हु॒वे॒म॒ म॒घ॒वा॒न॒मि॒न्द्र॒म॒स्मि॒न्भ॒रे॑ नृ॒त॒मं॑ वा॒ज॒सा॒तौ॑ ।
- 3.050.05c शृ॒ण्व॒न्त॒मु॒ग्र॒मू॒त॒ये॑ स॒म॒त्सु॑ घ्नन्तं वृ॒त्रा॑णि॒ सं॒जि॒तं॑ ध॒ना॒ना॒म् ॥
- 3.051.01a च॒र्ष॒णी॒धृतं॑ म॒घ॒वा॒न॒मु॒क्थ्य॑श्मि॒न्द्रं॑ गि॒रो॑ बृ॒ह॒ती॒र॒भ्य॑नू॒षत॑ ।
- 3.051.01c वा॒वृ॒धा॒नं॑ पु॒रु॒हू॒तं॑ सु॒वृ॒क्ति॒भि॒र॒म॒र्त्यं॑ ज॒र॒मा॒णं॑ दि॒वे॒दि॒वे ॥
- 3.051.02a श॒त॒क्र॒तु॒म॒र्ण॒वं॑ शा॒कि॒नं॑ न॒रं॑ गि॒रो॑ म॒ इ॒न्द्र॒मु॒प॑ य॒न्ति॑ वि॒श्व॒तः॑ ।
- 3.051.02c वा॒ज॒स॒निं॑ पू॒र्भि॒दं॑ तू॒र्णि॒म॒सु॒रं॑ धा॒म॒सा॒च॒म॒भि॒षा॒चं॑ स्व॒र्वि॒द॒म् ॥
- 3.051.03a आ॒क॒रे॑ व॒सो॒र्ज॒रि॒ता॑ प॒न॒स्य॑तेऽने॒ह॒स॑ स्तु॒भ॒ इ॒न्द्रो॑ दु॒व॒स्य॑ति ।
- 3.051.03c वि॒व॒स्व॒तः॑ स॒दन॑ आ॒ हि॒ पि॒प्रि॒ये॑ स॒त्रा॒सा॒ह॒म॒भि॒मा॒ति॒हनं॑ स्तु॒हि ॥
- 3.051.04a नृ॒णा॒मु॑ त्वा॒ नृ॒त॒मं॑ गी॒र्भि॒रु॒क्थै॑र॒भि॒ प्र॒ वी॒र॒म॒र्च॒ता॑ स॒बा॒धः॑ ।
- 3.051.04c सं॑ स॒ह॒से॑ पु॒रु॒मा॒यो॑ जि॒ही॒ते॑ न॒मो॑ अ॒स्य॑ प्र॒दिव॑ ए॒क॑ ई॒शे ॥

- 3.051.05a पूर्वीरस्य निषिधो मर्त्येषु पुरू वसूनि पृथिवी बिभर्ति ।
- 3.051.05c इन्द्राय द्याव ओषधीरुतापो रयिं रक्षन्ति जीरयो वनानि ॥
- 3.051.06a तुभ्यं ब्रह्माणि गिर इन्द्र तुभ्यं सत्रा दधिरे हरिवो जुषस्व ।
- 3.051.06c बोध्याऽपिरवसो नूतनस्य सखे वसो जरितृभ्यो वयो धाः ॥
- 3.051.07a इन्द्र मरुत्व इह पाहि सोमं यथा शायति अपिबः सुतस्य ।
- 3.051.07c तव प्रणीती तव शूर शर्मन्ना विवासन्ति कवयः सुयज्ञाः ॥
- 3.051.08a स वावशान इह पाहि सोमं मरुद्भिरिन्द्र सखिभिः सुतं नः ।
- 3.051.08c जातं यत्त्वा परि देवा अभूषन्महे भराय पुरुहूत विश्वे ॥
- 3.051.09a अमूर्ये मरुत आपिरेषोऽमन्दन्निन्द्रमनु दातिवाराः ।
- 3.051.09c तेभिः साकं पिबतु वृत्रखादः सुतं सोमं दाशुषः स्वे सधस्थे ॥
- 3.051.10a इदं ह्यन्वोजसा सुतं राधानां पते ।
- 3.051.10c पिबा त्वशस्य गिर्वणः ॥
- 3.051.11a यस्ते अनु स्वधामसत्सुते नि यच्छ तन्वम् ।
- 3.051.11c स त्वा ममत्तु सोम्यम् ॥
- 3.051.12a प्र ते अश्रोतु कुक्ष्योः प्रेन्द्र ब्रह्मणा शिरः ।
- 3.051.12c प्र बाहू शूर राधसे ॥
- 3.052.01a धानावन्तं करम्भिणामपूपवन्तमुक्थिनम् ।



- 3.052.01c इन्द्र॑ प्रा॒तर्जु॑षस्व नः ॥
- 3.052.02a पु॒रोळा॑शं प॒चत्यं॑ जु॒षस्वेन्द्रा॑ गु॒रस्व॑ च ।
- 3.052.02c तु॒भ्यं ह॑व्यानि॒ सि॒स्रते॑ ॥
- 3.052.03a पु॒रोळा॑शं च नो॒ घसो॑ जो॒षया॑से गि॒रश्च॑ नः ।
- 3.052.03c व॒धूयु॑रिव॒ योष॑णाम् ॥
- 3.052.04a पु॒रोळा॑शं स॒नश्रु॑त प्रा॒तःसा॒वे जु॑षस्व नः ।
- 3.052.04c इन्द्र॑ क्र॒तुर्हि॑ ते बृ॒हन् ॥
- 3.052.05a मा॒ध्यंदि॑नस्य स॒वनस्य॑ धा॒नाः पु॒रोळा॑शमिन्द्र॒ कृष्वे॑ह चा॒रुम् ।
- 3.052.05c प्र॒ यत्स्तो॑ता ज॒रिता॑ तू॒र्यर्थो॑ वृषायमा॒ण उप॑ गी॒र्भिरी॑ट्टे ॥
- 3.052.06a तृ॒तीये॑ धा॒नाः स॒वने॑ पुरु॒ष्टुत॑ पु॒रोळा॑शमाहु॒तं मा॒मह॑स्व नः ।
- 3.052.06c ऋ॒भुम॑न्तं वा॒जव॑न्तं त्वा॒ कवे॑ प्र॒यस्व॑न्त उप॒ शि॒क्षेम॑ धी॒तिभिः॑ ॥
- 3.052.07a पू॒षण॑वते॒ ते च॑कृ॒मा क॑र॒म्भं ह॑रि॒वते॑ ह॒र्यश्वा॑य धा॒नाः ।
- 3.052.07c अ॒पूप॑म॒द्धि स॑ग॒णो म॑रु॒द्धिः सो॒मं पि॑ब वृ॒त्रहा॑ शू॒र वि॒द्वान् ॥
- 3.052.08a प्र॒ति धा॑ना॒ भर॑त तू॒यम॑स्मै पु॒रोळा॑शं वी॒रत॑माय॒ नृणा॑म् ।
- 3.052.08c दि॒वेदि॑वे स॒दृशी॑रिन्द्र॒ तुभ्यं॑ वर्ध॒न्तु॒ त्वा सो॑मपेयाय॒ धृष्णो॑ ॥
- 3.053.01a इन्द्रा॑पर्व॒ता बृ॒हता॑ रथे॒न वा॒मीरि॑ष आ॒ वह॑तं सु॒वीराः॑ ।
- 3.053.01c वी॒तं ह॑व्या॒न्यध्व॑रेषु॒ देवा॑ वर्धे॒थां गी॑र्भिरि॒ळ्या म॑द॒न्ता ॥

- 3.053.02a ति॒ष्ठा सु॑ कं॒ म॒घ॒व॒न्मा॒ परा॑ गाः सोम॒स्य॒ नु॒ त्वा सु॒षु॒त॒स्य॒ य॒त्ति॑ ।
- 3.053.02c पि॒तु॒र्न पु॒त्रः॑ सि॒च॒मा र॒भे त॒ इन्द्र॑ स्वादि॒ष्टया॑ गि॒रा श॒ची॒वः॑ ॥
- 3.053.03a शं॒सा॒वा॒ध्व॒र्यो॑ प्र॒ति मे॒ गृ॒णी॒हीन्द्रा॑य वा॒हः कृ॒ण॒वा॒व जु॒ष्टम् ।
- 3.053.03c ए॒दं ब॒र्हि॒र्य॒ज॒मा॒न॒स्य॑ सी॒दा॒था च॑ भू॒दु॒क्थ॑मिन्द्रा॒य श॒स्तम् ॥
- 3.053.04a जा॒ये॒द॒स्तं॑ म॒घ॒व॒न्से॒दु यो॒नि॒स्त॒दि॒त्त्वा॑ यु॒क्ता ह॒रयो॑ व॒ह॒न्तु॑ ।
- 3.053.04c य॒दा क॒दा च॑ सु॒न॒वा॒म सो॒म॒म॒ग्नि॒ष्ट्वा॑ दू॒तो ध॒न्वा॒त्य॒च्छ ॥
- 3.053.05a परा॑ या॒हि म॒घ॒व॒न्ना च॑ या॒हीन्द्र॑ भ्रा॒त॒रु॒भ॒य॒त्रा ते॑ अ॒र्थम् ।
- 3.053.05c य॒त्रा र॒थ॒स्य॑ बृ॒हतो॑ नि॒धानं॑ वि॒मो॒च॒नं वा॒जिनो॑ रा॒स॒भ॒स्य ॥
- 3.053.06a अ॒पाः सो॒म॒म॒स्त॒मिन्द्र॑ प्र या॒हि क॒ल्या॒णी॒र्जा॒या सु॒र॒णं गृ॒हे ते॑ ।
- 3.053.06c य॒त्रा र॒थ॒स्य॑ बृ॒हतो॑ नि॒धानं॑ वि॒मो॒च॒नं वा॒जिनो॑ द॒क्षि॒णा॒वत् ॥
- 3.053.07a इ॒मे भो॒जा अ॒ङ्गि॒र॒सो वि॒रू॒पा दि॒व॒स्पु॒त्रा॒सो अ॒सु॒र॒स्य॑ वी॒राः ।
- 3.053.07c वि॒श्वामि॑त्राय द॒द॒तो म॒घा॒नि स॒ह॒स्र॒सा॒वे प्र॑ ति॒र॒न्त आ॒युः ॥
- 3.053.08a रू॒पं॒रू॒पं म॒घ॒वा बो॒भ॒वी॒ति मा॒याः कृ॒ण॒वा॒न॒स्त॒न्वं॑ परि॒ स्वाम् ।
- 3.053.08c त्रि॒र्य॒द्वि॒वः॑ परि॒ मु॒हूर्त॑मा॒गात्स्वै॒र्म॒न्त्रै॒र॒नृ॒तु॒पा ऋ॒ता॒वा ॥
- 3.053.09a म॒हाँ ऋ॒षि॑र्दे॒व॒जा दे॒व॒जू॒तोऽस्त॑भ्रा॒त्सि॒न्धु॒म॒र्ण॒वं नृ॒च॒त्ताः ।
- 3.053.09c वि॒श्वामि॑त्रो य॒द॒व॒ह॒त्सु॒दा॒स॒म॒प्रि॒या॒य॒त कु॒शि॒के॒भि॒रिन्द्रः॑ ॥
- 3.053.10a हं॒सा इ॒व कृ॒णु॒थ श्लो॒क॒म॒द्रि॒भि॒र्म॒द॒न्तो॑ गी॒र्भि॒र॒ध्व॒रे सु॒ते स॒चा ।
- 3.053.10c दे॒वे॒भि॒र्वि॒प्रा ऋ॒ष॒यो नृ॒च॒त्त॒सो वि॑ पि॒ब॒ध्वं कु॒शि॒काः सो॒म्यं॑ म॒धु ॥

- 3.053.11a उप॒ प्रेत॑ कु॒शिका॑श्चे॒तय॑ध्व॒मश्वं॑ रा॒ये प्र॑ मु॒ञ्चता॑ सु॒दासः॑ ।
- 3.053.11c राजा॑ वृ॒त्रं जङ्घ॑नत्प्रा॒गपा॒गुद॑गथा॒ यजा॑ते वर॒ आ पृ॑थि॒व्याः ॥
- 3.053.12a य इ॒मे रोद॑सी उ॒भे अ॒हमिन्द्र॑म॒तुष्ट॑वम् ।
- 3.053.12c विश्वा॑मि॒त्रस्य॑ र॒क्षति॑ ब्र॒ह्मेदं॑ भा॒रतं॑ ज॒नम् ॥
- 3.053.13a विश्वा॑मि॒त्रा अ॒रास॑त ब्र॒ह्मेन्द्रा॑य व॒ज्रिणे॑ ।
- 3.053.13c कर॑दि॒न्नः सु॒राध॑सः ॥
- 3.053.14a किं॑ ते कृ॒ण्वन्ति॑ की॒कटेषु॑ गा॒वो ना॑शि॒रं दु॒हे न त॑पन्ति॒ घर्म॑म् ।
- 3.053.14c आ नो॑ भर॒ प्रम॑ग॒न्दस्य॑ वेदो॒ नैचा॑शा॒खं म॒घव॑न्न॒न्धया॑ नः ॥
- 3.053.15a स॒सर्प॑री॒रम॑तिं॒ बाध॑माना॒ बृह॑न्मि॒माय॑ ज॒मद॑ग्नि॒दत्ता॑ ।
- 3.053.15c आ सूर्य॑स्य॒ दुहि॑ता॒ ततान॑ श्र॒वो दे॒वेष्व॑मृ॒तम॑जु॒र्यम् ॥
- 3.053.16a स॒सर्प॑री॒रभ॑र॒त्तूय॑मे॒भ्योऽधि॑ श्र॒वः पा॑ञ्च॒जन्या॑सु कृ॒ष्टिषु॑ ।
- 3.053.16c सा प॒द्याश्च॑ न॒व्यमा॑यु॒र्दधाना॑ यां मे॒ पल॑स्ति॒जम॑द॒ग्नयो॑ द॒दुः ॥
- 3.053.17a स्थि॑रौ गा॒वौ भ॑वतां वी॒ळुर॑क्षो॒ मेषा॑ वि॒ वहि॑ मा॒ युगं॑ वि॒ शारि॑ ।
- 3.053.17c इन्द्रः॑ पा॒तल्ये॑ द॒दतां॑ शरी॒तोर॑रि॒ष्टने॑मे॒ अभि॑ नः स॒चस्व॑ ॥
- 3.053.18a बलं॑ धेहि॒ तनू॑षु॒ नो ब॑लमिन्द्रान॒ल्लुत्सु॑ नः ।
- 3.053.18c बलं॑ तो॒काय॑ त॒नया॑य जी॒वसे॑ त्वं हि॒ बल॑दा॒ असि॑ ॥
- 3.053.19a अभि॑ व्य॒यस्व॑ ख॒दिर॑स्य॒ सार॑मो॒जो धे॑हि॒ स्पन्द॑ने॒ शिंश॑पा॒याम् ।
- 3.053.19c अ॒क्ष वी॑ळो वी॒ळित॑ वी॒ळ्यस्व॑ मा॒ यामा॑द॒स्माद॑व जी॒हिपो॑ नः ॥

- 3.053.20a अ॒यम॒स्मान्॒वन॒स्पति॒र्मा च॒ हा॒ मा च॒ री॒रिष॑त् ।
- 3.053.20c स्व॒स्त्या गृ॒हेभ्य॑ आ॒वसा॑ आ॒ वि॒मोच॑नात् ॥
- 3.053.21a इन्द्रो॑तिभिर्बहु॒लाभि॑र्नो अ॒द्य या॑च्छे॒ष्ठाभि॑र्म॒घवञ्छू॑र जिन्व ।
- 3.053.21c यो नो॑ द्वेष्ट्य॒धरः॑ स॒स्पदी॑ष्ट॒ यमु॑ द्विष्म॒स्तमु॑ प्रा॒णो ज॑हातु ॥
- 3.053.22a पर॑शुं चिद्वि॒ तप॑ति शि॒म्बलं॑ चिद्वि॒ वृश्च॑ति ।
- 3.053.22c उखा॑ चिदिन्द्र॒ येष॑न्ती प्र॒यस्ता॑ फे॒नम॑स्यति ॥
- 3.053.23a न सा॑यकस्य चि॒किते॑ जना॒सो लो॒धं न॑यन्ति प॒शु म॑न्यमानाः ।
- 3.053.23c नावा॑जिनं वा॒जिना॑ हासयन्ति न गर्द॒भं पु॒रो अ॒श्वान्न॑यन्ति ॥
- 3.053.24a इम॑ इन्द्र॒ भर॑तस्य पु॒त्रा अ॒पपि॑त्वं चि॒कितु॑र्न प्र॒पित्व॑म् ।
- 3.053.24c हिन्व॑न्त्यश्व॒मरणं॑ न नित्यं॒ ज्यावा॑जं परि॒ णय॑न्त्याजौ ॥
- 3.054.01a इमं॑ महे वि॒दथ्या॑य शू॒षं श॑श्वत्कृ॒त्व ईड्या॑य प्र॒ जभ्रुः॑ ।
- 3.054.01c शृ॒णोतु॑ नो द॒म्येभि॑रनी॒कैः शृ॒णोत्व॑ग्निर्दिव्यैर॒जस्रः॑ ॥
- 3.054.02a म॒हि म॒हे दि॒वे अ॒र्चा पृ॑थिव्यै॒ कामो॑ म॒ इच्छ॑ञ्चरति प्र॒जान॑न् ।
- 3.054.02c ययो॑र्ह स्तो॒मे वि॒दथे॑षु दे॒वाः स॒पर्य॑वो॒ माद॑यन्ते स॒चायोः॑ ॥
- 3.054.03a यु॒वोऽर्त॑तं रो॒दसी॑ स॒त्यम॑स्तु म॒हे षु॑ णः सु॒विता॑य प्र॒ भूत॑म् ।
- 3.054.03c इदं॑ दि॒वे न॑मो अ॒ग्ने पृ॑थिव्यै॒ सपर्या॑मि प्र॒यसा॑ या॒मि रत्न॑म् ॥
- 3.054.04a उ॒तो हि॑ वां पू॒र्व्या आ॑वि॒विद्र॑ ऋ॒ताव॑री रो॒दसी॑ स॒त्यवा॑चः ।

- 3.054.04c नरश्चिद्वां॑ समि॒थे शूर॑सातौ॒ वव॑न्दिरे॒ पृथि॑वि॒ वेवि॑दानाः ॥
- 3.054.05a को॒ अद्वा॑ वेद॒ क इह॑ प्र वोच॒द्देवाँ॑ अ॒च्छा॒ पथ्या॑ऽ का॒ समे॑ति ।
- 3.054.05c ददृ॑श्च एषाम॒वमा॒ सदांसि॑ परेषु॒ या गुह्येषु॑ व्रतेषु ॥
- 3.054.06a कवि॑र्नृच॒क्षा अभि॑ षीम॒चष्ट ऋ॑तस्य॒ योना॑ विघृ॒ते म॑दन्ती ।
- 3.054.06c नाना॑ चक्रा॒ते स॒दनं॑ यथा॒ वेः स॒माने॑न क्रतु॒ना संवि॑दाने ॥
- 3.054.07a स॒मान्या॑ वि॒युते॒ दूरे॑अ॒न्ते ध्रु॒वे प॑दे तस्थतु॒र्जाग॑रूके ।
- 3.054.07c उ॒त स्व॑सारा॒ युव॑ती भवन्ती॒ आदु॑ ब्रुवा॒ते मिथु॑नानि॒ नाम ॥
- 3.054.08a विश्वे॑दे॒ते ज॒निमा॒ सं वि॑विक्तो॒ महो॑ दे॒वान्बि॑भ्रती॒ न व्य॑थेते ।
- 3.054.08c ए॒जद्भु॑वं॒ पत्य॑ते॒ विश्व॑मेकं॒ चर॑त्प॒तत्रि॒ विषु॑गं॒ वि जा॑तम् ॥
- 3.054.09a स॒ना पु॒राण॑म॒ध्येम्य॑रा॒न्महः॑ पि॒तुर्ज॑नि॒तुर्जा॑मि॒ तन्नः॑ ।
- 3.054.09c दे॒वासो॒ यत्र॑ प॒नितार॑ ए॒वैरु॑रौ॒ पथि॑ व्यु॒ते त॒स्थुर॑न्तः ॥
- 3.054.10a इ॒मं स्तो॑मं॒ रोद॑सी॒ प्र ब्र॑वीम्य॒दूद॑राः॒ शृण॑वन्न॒ग्निजि॑ह्वाः ।
- 3.054.10c मि॒त्रः स॒म्राजो॑ वरु॒णो यु॑वान॒ आदि॑त्यासः॒ कव॑यः॒ पप्र॑थानाः ॥
- 3.054.11a हि॒रण्य॑पाणिः॒ सवि॑ता सु॒जिह्व॑स्त्रि॒रा दि॒वो वि॒दथे॑ प॒त्यमा॑नः ।
- 3.054.11c दे॒वेषु॑ च॒ सवि॑तः॒ श्लोक॑म॒श्रेरा॑द॒स्मभ्य॑मा सु॒व स॑र्वता॒तिम् ॥
- 3.054.12a सु॒कृत्सु॑पाणिः॒ स्ववाँ॑ ऋ॒तावा॑ दे॒वस्त्व॑ष्टा॒वसे॑ तानि॒ नो धा॑त् ।
- 3.054.12c पू॒षण॑वन्त॒ ऋभ॑वो॒ माद॑यध्व॒मूर्ध्व॑ग्रा॒वाणो॑ अ॒ध्वर॑मतष्ट ॥
- 3.054.13a वि॒द्युद्र॑था॒ मरु॑त॒ ऋष्टि॑मन्तो॒ दिवो॑ मर्या॒ ऋत॑जा॒ता अ॒यासः॑ ।

- 3.054.13c सरस्वती शृणवन्यज्ञियासो धाता रयिं सहवीरं तुरासः ॥
- 3.054.14a विष्णुं स्तोमासः पुरुदस्ममर्का भगस्येव कारिणो यामनि ग्मन् ।
- 3.054.14c उरुक्रमः ककुहो यस्य पूर्वीर्न मर्धन्ति युवतयो जनित्रीः ॥
- 3.054.15a इन्द्रो विश्वैर्वीर्यैः पत्यमान उभे आ पप्रौ रोदसी महित्वा ।
- 3.054.15c पुरंदरो वृत्रहा धृष्णुषेणः संगृभ्या न आ भरा भूरि पश्वः ॥
- 3.054.16a नासत्या मे पितरा बन्धुपृच्छा सजात्यमश्विनोश्चारु नाम ।
- 3.054.16c युवं हि स्थो रयिदौ नो रयीणां दात्रं रक्षेथे अकवैरदब्धा ॥
- 3.054.17a महत्तद्वः कवयश्चारु नाम यद्ध देवा भवथ विश्व इन्द्रे ।
- 3.054.17c सख ऋभुभिः पुरुहूत प्रियेभिरिमां धियं सातये तक्षता नः ॥
- 3.054.18a अर्यमा णो अदितिर्यज्ञियासोऽदब्धानि वरुणस्य व्रतानि ।
- 3.054.18c युयोत नो अनपत्यानि गन्तोः प्रजावान्नः पशुमाँ अस्तु गातुः ॥
- 3.054.19a देवानां दूतः पुरुध प्रसूतोऽनागान्नो वोचतु सर्वताता ।
- 3.054.19c शृणोतु नः पृथिवी द्यौरुतापः सूर्यो नक्षत्रैरुर्वशन्तरिक्षम् ॥
- 3.054.20a शृण्वन्तु नो वृषणः पर्वतासो ध्रुवक्षेमास इळ्या मदन्तः ।
- 3.054.20c आदित्यैर्नो अदितिः शृणोतु यच्छन्तु नो मरुतः शर्म भद्रम् ॥
- 3.054.21a सदा सुगः पितुमाँ अस्तु पन्था मध्वा देवा ओषधीः सं पिपृक्त ।
- 3.054.21c भगो मे अग्ने सख्ये न मृध्या उद्रायो अश्यां सदनं पुरुक्षोः ॥
- 3.054.22a स्वदस्व हव्या समिषो दिदीह्यस्मद्यश्वसं मिमीहि श्रवांसि ।

- 3.054.22c विश्वाँ॑ अग्ने॑ पृत्सु॑ ताञ्जे॑षि॒ शत्रू॑नहा॒ विश्वा॑ सु॒मना॑ दीदिही॒ नः ॥
- 3.055.01a उ॒षसः॑ पूर्वा॑ अध॒ यद्व्यू॑षुर्महद्वि॒ जज्ञे॑ अ॒क्षरं॑ प॒दे गोः॑ ।
- 3.055.01c व्र॒ता दे॒वानामु॑प॒ नु प्र॒भूष॑न्महद्दे॒वानाम॑सु॒रत्वमे॑कम् ॥
- 3.055.02a मो॒ षू॒ णो॑ अत्र॒ जुहु॑रन्त॒ देवा॑ मा॒ पूर्वे॑ अग्ने॒ पितरः॑ प॒दज्ञाः॑ ।
- 3.055.02c पु॒राण्योः॑ स॒द्मनोः॑ के॒तुर॑न्तर्महद्दे॒वानाम॑सु॒रत्वमे॑कम् ॥
- 3.055.03a वि॒ मे॑ पु॒रुत्रा॑ प॒तय॑न्ति॒ कामाः॑ श॒म्यच्छा॑ दी॒द्ये पू॒र्व्याणि॑ ।
- 3.055.03c स॒मिद्धे॑ अ॒ग्नावृ॑तमिद्ध॒देम॑ महद्दे॒वानाम॑सु॒रत्वमे॑कम् ॥
- 3.055.04a स॒मानो॑ रा॒जा वि॒भृ॒तः पु॒रुत्रा॑ श॒ये श॒यासु॑ प्र॒युतो॑ व॒नानु॑ ।
- 3.055.04c अ॒न्या व॒त्सं भ॑रति॒ क्षेति॑ मा॒ता महद्दे॒वानाम॑सु॒रत्वमे॑कम् ॥
- 3.055.05a आ॒क्षि॒त्पूर्वा॑स्व॒परा॑ अ॒नूरू॑त्स॒द्यो जा॒तासु॑ त॒रुणी॑ष्वन्तः ।
- 3.055.05c अ॒न्तर्व॑तीः सु॒वते॑ अ॒प्रवी॑ता महद्दे॒वानाम॑सु॒रत्वमे॑कम् ॥
- 3.055.06a श॒युः प॑रस्ता॒दध॑ नु॒ द्विमा॑ताब॒न्धन॑श्चरति॒ वत्स॑ एकः ।
- 3.055.06c मि॒त्रस्य॑ ता व॒रुण॑स्य॒ व्रतानि॑ महद्दे॒वानाम॑सु॒रत्वमे॑कम् ॥
- 3.055.07a द्वि॒माता॑ हो॒ता वि॒दथे॑षु॒ स॒म्राळ॑न्वग्रं॒ चरति॑ क्षेति॒ बुधः॑ ।
- 3.055.07c प्र॒ र॒ण्यानि॑ र॒ण्यवा॑चो॒ भर॑न्ते महद्दे॒वानाम॑सु॒रत्वमे॑कम् ॥
- 3.055.08a शू॒रस्ये॑व॒ युध्य॑तो॒ अ॒न्तम॑स्य॒ प्रती॑चीनं॒ ददृ॑शे॒ विश्व॑मायत् ।
- 3.055.08c अ॒न्तर्म॑तिश्चरति॒ निष्पि॑धं॒ गोर्म॑हद्दे॒वानाम॑सु॒रत्वमे॑कम् ॥

- 3.055.09a नि वेवेति पलितो दूत आस्वन्तर्महँश्चरति रोचनेन ।
- 3.055.09c वपूंषि विभ्रदभि नो वि चष्टे महद्देवानामसुरत्वमेकम् ॥
- 3.055.10a विष्णुर्गोपाः परमं पाति पाथः प्रिया धामान्यमृता दधानः ।
- 3.055.10c अग्निष्ठा विश्वा भुवनानि वेद महद्देवानामसुरत्वमेकम् ॥
- 3.055.11a नाना चक्राते यम्या३ वपूंषि तयोरन्यद्रोचते कृष्णामन्यत् ।
- 3.055.11c श्यावी च यदरुषी च स्वसारौ महद्देवानामसुरत्वमेकम् ॥
- 3.055.12a माता च यत्र दुहिता च धेनू सबर्दुघे धापयेते समीची ।
- 3.055.12c ऋतस्य ते सदसीळे अन्तर्महद्देवानामसुरत्वमेकम् ॥
- 3.055.13a अन्यस्या वत्सं रिहती मिमाय कया भुवा नि दधे धेनुरूधः ।
- 3.055.13c ऋतस्य सा पयसापिन्वतेळा महद्देवानामसुरत्वमेकम् ॥
- 3.055.14a पद्या वस्ते पुरुरूपा वपूंष्यूर्ध्वा तस्थौ त्र्यविं रेरिहाणा ।
- 3.055.14c ऋतस्य सद्म वि चरामि विद्वान्महद्देवानामसुरत्वमेकम् ॥
- 3.055.15a पदे इव निहिते दस्मे अन्तस्तयोरन्यद्ब्रुह्यमाविरन्यत् ।
- 3.055.15c सध्रीचीना पथ्या३ सा विषूची महद्देवानामसुरत्वमेकम् ॥
- 3.055.16a आ धेनवो धुनयन्तामशिश्नीः सबर्दुघाः शशया अप्रदुग्धाः ।
- 3.055.16c नव्यानव्या युवतयो भवन्तीर्महद्देवानामसुरत्वमेकम् ॥
- 3.055.17a यदन्यासु वृषभो रोरवीति सो अन्यस्मिन्यूथे नि दधाति रेतः ।
- 3.055.17c स हि क्षपावान्स भगः स राजा महद्देवानामसुरत्वमेकम् ॥



- 3.055.18a वीरस्य॑ नु॒ स्वश्व्यं॑ जनासः॒ प्र नु॑ वोचाम॒ विदुरस्य॑ देवाः ।
- 3.055.18c षो॒ळ्हा यु॒क्ताः पञ्च॑पञ्चा वहन्ति॒ महद्दे॑वानामसुरत्वमेकम् ॥
- 3.055.19a देव॑स्त्वष्टा सविता॒ विश्व॑रूपः पुपोष॒ प्रजाः पुरु॑धा जजान ।
- 3.055.19c इमा॑ च विश्वा भुवनान्यस्य॒ महद्दे॑वानामसुरत्वमेकम् ॥
- 3.055.20a मही॑ समैर॒च्चम्वा॑ समीची॒ उभे॑ ते अस्य॒ वसु॑ना न्यृष्टे ।
- 3.055.20c शृ॒ण्वे वी॒रो वि॒न्दमा॑नो वसूनि॒ महद्दे॑वानामसुरत्वमेकम् ॥
- 3.055.21a इमां॑ च नः पृथि॒वीं विश्व॑धाया उप॒ क्षेति॑ हितमित्रो न राजा ।
- 3.055.21c पुरः॑सदः शर्म॒सदो॑ न वीरा॒ महद्दे॑वानामसुरत्वमेकम् ॥
- 3.055.22a नि॒षिष॑ध्वरीस्त॒ ओष॑धीरुतापो॒ रयिं॑ त इन्द्र॒ पृथि॑वी बिभर्ति ।
- 3.055.22c सखा॑यस्ते वामभाजः॒ स्याम॑ महद्दे॒वानाम॑सुरत्वमेकम् ॥
- 3.056.01a न ता॑ मिनन्ति॒ मायि॑नो न धीरा॒ व्रता॑ देवानां॒ प्रथ॑मा ध्रुवाणि॒ ।
- 3.056.01c न रोद॑सी अद्रुहा॒ वेद्या॑भिर्न पर्वता॒ निन॑मे तस्थिवांसः ॥
- 3.056.02a षड्भा॑राँ ए॒को अ॒चर॑न्बिभर्त्यु॒तं वर्षि॑ष्ठमुप गाव आगुः ।
- 3.056.02c तिस्रो॑ महीरुपरास्तस्थुरत्या॒ गुहा॑ द्वे निहिते॒ दश्ये॑का ॥
- 3.056.03a त्रि॒पाज॑स्यो वृषभो॒ विश्व॑रूप उत त्र्यु॒धा पुरु॑ध प्रजावान् ।
- 3.056.03c त्र्य॒नीकः॑ पत्यते॒ माहि॑नावान्स॒ रेतो॑धा वृषभः शश्वतीनाम् ॥
- 3.056.04a अ॒भीक॑ आसां पदवीरबो॒ध्यादि॑त्यानामहे चारु नाम ।

- 3.056.04c आपश्चिदस्मा अरमन्त देवीः पृथग्ब्रजन्तीः परि षीमवृञ्जन् ॥
- 3.056.05a त्री षधस्था सिन्धवस्त्रिः कवीनामुत त्रिमाता विदथेषु सम्राट् ।
- 3.056.05c ऋतावर्योषणास्तिस्रो अप्यास्त्रिरा दिवो विदथे पत्यमानाः ॥
- 3.056.06a त्रिरा दिवः सवितर्वायाणि दिवेदिव आ सुव त्रिर्नो अहः ।
- 3.056.06c त्रिधातु राय आ सुवा वसूनि भग त्रातर्धिषणे सातये धाः ॥
- 3.056.07a त्रिरा दिवः सविता सोषवीति राजाना मित्रावरुणा सुपाणी ।
- 3.056.07c आपश्चिदस्य रोदसी चिदुर्वी रत्नं भिदन्त सवितुः सवाय ॥
- 3.056.08a त्रिरुत्तमा दूणशा रोचनानि त्रयो राजन्त्यसुरस्य वीराः ।
- 3.056.08c ऋतावान इषिरा दूळभासस्त्रिरा दिवो विदथे सन्तु देवाः ॥
- 3.057.01a प्र मे विविक्वाँ अविदन्मनीषां धेनुं चरन्तीं प्रयुतामगोपाम् ।
- 3.057.01c सद्यश्चिद्या दुदुहे भूरि धासेरिन्द्रस्तदग्निः पनितारो अस्याः ॥
- 3.057.02a इन्द्रः सु पूषा वृषणा सुहस्ता दिवो न प्रीताः शशयं दुदुहे ।
- 3.057.02c विश्वे यदस्यां रणयन्त देवाः प्र वोऽत्र वसवः सुम्रमश्याम् ॥
- 3.057.03a या जामयो वृष्ण इच्छन्ति शक्तिं नमस्यन्तीर्जानते गर्भमस्मिन् ।
- 3.057.03c अच्छा पुत्रं धेनवो वावशाना महश्चरन्ति बिभ्रतं वपूंषि ॥
- 3.057.04a अच्छा विवक्मि रोदसी सुमेके ग्राव्णो युजानो अध्वरे मनीषा ।
- 3.057.04c इमा उ ते मनवे भूरिवारा ऊर्ध्वा भवन्ति दर्शता यजत्राः ॥

- 3.057.05a या ते जिह्वा मधुमती सुमेधा अग्ने देवेषूच्यत उरूची ।
- 3.057.05c तयेह विश्वाँ अवसे यजत्राना सादय पायया चा मधूनि ॥
- 3.057.06a या ते अग्ने पर्वतस्येव धारासश्चन्ती पीपयद्देव चित्रा ।
- 3.057.06c तामस्मभ्यं प्रमतिं जातवेदो वसो रास्व सुमतिं विश्वजन्याम् ॥
- 3.058.01a धेनुः प्रत्नस्य काम्यं दुहानान्तः पुत्रश्चरति दक्षिणायाः ।
- 3.058.01c आ द्योतनिं वहति शुभ्रयामोषस स्तोमो अश्विनावजीगः ॥
- 3.058.02a सुयुग्वहन्ति प्रति वामृतेनोर्ध्वा भवन्ति पितरेव मेधाः ।
- 3.058.02c जरेथामस्मद्वि पगोर्मनीषां युवोरवश्चकृमा यातमर्वाक् ॥
- 3.058.03a सुयुग्भिरश्वैः सुवृता रथेन दस्त्राविमं शृणुतं श्लोकमद्रेः ।
- 3.058.03c किमङ्ग वां प्रत्यवर्तिं गमिष्ठाहुर्विप्रासो अश्विना पुराजाः ॥
- 3.058.04a आ मन्येथामा गतं कच्चिदेवैर्विश्वे जनासो अश्विना हवन्ते ।
- 3.058.04c इमा हि वां गोऋजीका मधूनि प्र मित्रासो न ददुरुस्त्रो अग्ने ॥
- 3.058.05a तिरः पुरू चिदश्विना रजास्याङ्गूषो वां मघवाना जनेषु ।
- 3.058.05c एह यातं पथिभिर्देवयानैर्दस्त्राविमे वां निधयो मधूनाम् ॥
- 3.058.06a पुराणमोकः सख्यं शिवं वां युवोर्नरा द्रविणं जह्वाव्याम् ।
- 3.058.06c पुनः कृणवानाः सख्या शिवानि मध्वा मदेम सह नू समानाः ॥
- 3.058.07a अश्विना वायुना युवं सुदत्ता नियुद्भिष्व सजोषसा युवाना ।

- 3.058.07c नासत्या तिरोअह्वयं जुषाणा सोमं पिबतमस्त्रिधा सुदानू ॥
- 3.058.08a अश्विना परि वामिषः पुरूचीरीयुर्गीर्भिर्यतमाना अमृद्गाः ।
- 3.058.08c रथो ह वामृतजा अद्रिजूतः परि द्यावापृथिवी याति सद्यः ॥
- 3.058.09a अश्विना मधुषुत्तमो युवाकुः सोमस्तं पातमा गतं दुरोणे ।
- 3.058.09c रथो ह वां भूरि वर्षः करिक्रत्सुतावतो निष्कृतमागमिष्ठः ॥

- 3.059.01a मित्रो जनान्यातयति ब्रुवाणो मित्रो दाधार पृथिवीमुत द्याम् ।
- 3.059.01c मित्रः कृष्टीरनिमिषाभि चष्टे मित्राय हव्यं घृतवज्जुहोत ॥
- 3.059.02a प्र स मित्र मर्तो अस्तु प्रयस्वान्यस्त आदित्य शिक्तति व्रतेन ।
- 3.059.02c न हन्यते न जीयते त्वोतो नैनमंहो अश्रोत्यन्तितो न दूरात् ॥
- 3.059.03a अनमीवास इळ्या मदन्तो मितज्ञवो वरिमन्ना पृथिव्याः ।
- 3.059.03c आदित्यस्य व्रतमुपक्षियन्तो वयं मित्रस्य सुमतौ स्याम ॥
- 3.059.04a अयं मित्रो नमस्यः सुशेवो राजा सुक्षत्रो अजनिष्ट वेधाः ।
- 3.059.04c तस्य वयं सुमतौ यज्ञियस्यापि भद्रे सौमनसे स्याम ॥
- 3.059.05a महाँ आदित्यो नमसोपसद्यो यातयज्जनो गृणते सुशेवः ।
- 3.059.05c तस्मा एतत्पन्यतमाय जुष्टमग्नौ मित्राय हविरा जुहोत ॥
- 3.059.06a मित्रस्य चर्षणीधृतोऽवो देवस्य सानसि ।
- 3.059.06c द्युम्नं चित्रश्रवस्तमम् ॥

3.059.07a अ॒भि॒ यो॒ म॒हि॒ना॒ दि॒वं॒ मि॒त्रो॒ ब॒भू॒व॒ स॒प्र॒थाः॑ ।

3.059.07c अ॒भि॒ श्र॒वो॒भिः॑ पृ॒थि॒वी॒म् ॥

3.059.08a मि॒त्राय॑ प॒ञ्च॒ ये॒मि॒रे॒ जना॑ अ॒भि॒ष्टि॑श॒वसे॑ ।

3.059.08c स॒ दे॒वान्नि॒श्वान्नि॒भर्ति॑ ॥

3.059.09a मि॒त्रो॒ दे॒वेष्वा॒युषु॑ जना॒य वृ॒क्तब॑हि॒षि॑ ।

3.059.09c इ॒ष इ॒ष्टव्र॑ता॒ अ॒कः॑ ॥

3.060.01a इ॒हेह॑ वो॒ मन॑सा॒ बन्धु॑ता॒ नर॑ उ॒शिजो॑ जग्मु॒रभि॑ तानि॒ वेद॑सा ।

3.060.01c या॒भिर्मा॑या॒भिः॒ प्रति॑जूति॒वर्ष॑सः॒ सौध॑न्वना॒ यज्ञि॑यं॒ भाग॑मान॒श ॥

3.060.02a या॒भिः॒ शची॑भिश्च॒मसाँ॑ अ॒पिंश॑त॒ यया॑ धि॒या गा॑मरिणी॒त च॑र्मणः ।

3.060.02c ये॒न ह॑री॒ मन॑सा॒ निर॑त॒क्षत॑ तेन॒ देव॑त्वमृ॒भवः॑ स॒मान॑श ॥

3.060.03a इन्द्र॑स्य॒ सख्य॑मृ॒भवः॑ स॒मान॑शु॒र्मनो॑र्न॒पातो॑ अ॒पसो॑ दध॒न्विरे॑ ।

3.060.03c सौध॑न्वना॒सो अ॒मृत॑त्वमे॒रिरे॑ वि॒ष्ट्वी॒ शमी॑भिः॒ सुकृ॑तः॒ सुकृ॑त्यया ॥

3.060.04a इन्द्रे॑ण॒ याथ॑ सर॒थं सु॒ते स॒चाँ अ॒थो व॑शानां॒ भव॑था॒ सह॑ श्रि॒या ।

3.060.04c न वः॑ प्र॒तिमै॑ सु॒कृता॑नि॒ वाघ॑तः॒ सौध॑न्वना॒ ऋ॒भवो॑ वी॒र्या॑णि च ॥

3.060.05a इन्द्र॑ ऋ॒भुभि॑र्वा॒जव॑द्भिः॒ समु॑क्षितं॒ सुतं॑ सोम॒मा वृ॑ष॒स्वा ग॑भ॒स्त्योः॑ ।

3.060.05c धि॒येषि॑तो॒ मघ॑व॒न्दाशु॑षो॒ गृहे॑ सौध॒न्वने॑भिः॒ सह॑ म॒त्स्वा॒ नृभिः॑ ॥

3.060.06a इन्द्र॑ ऋ॒भुमा॑न्वा॒जवा॑न्म॒त्स्वेह॑ नोऽस्मि॒न्सव॑ने॒ शच्या॑ पुरु॒ष्टुत॑ ।

- 3.060.06c इ॒मानि॑ तु॒भ्यं॑ स्व॒सरा॑णि॒ येमि॑रे॒ व्र॒ता दे॒वानां॑ म॒नुष॑श्च॒ धर्म॑भिः ॥
- 3.060.07a इन्द्र॑ ऋ॒भुभिर्वा॑जिभिर्वा॒जय॑न्निह॒ स्तोमं॑ ज॒रितु॑रुप॒ याहि॑ य॒ज्ञिय॑म् ।
- 3.060.07c श॒तं के॑तेभि॒रिषि॑रेभि॒राय॑वे॒ सह॑स्र॒णीथो॑ ऋ॒ध्वर॑स्य॒ होम॑नि ॥
- 3.061.01a उषो॑ वा॒जेन॑ वा॒जिनि॑ प्र॒चेता॑ स्तोमं॒ जुष॑स्व गृण॒तो म॑घोनि ।
- 3.061.01c पु॒राणी॑ दे॒वि यु॒वतिः॑ पु॒रंधि॑रनु॒ व्रतं॑ च॒रसि॑ विश्व॒वारे॑ ॥
- 3.061.02a उषो॑ दे॒व्यम॑र्त्या॒ वि भा॑हि च॒न्द्रर॑था॒ सूनृ॑ता॒ ईर॑यन्ती ।
- 3.061.02c आ॒ त्वा व॑हन्तु॒ सुय॑मासो॒ अश्वा॑ हिर॒ण्यव॑र्णा॒ पृथु॑पाज॒सो ये॑ ॥
- 3.061.03a उषः॑ प्र॒तीची॑ भु॒वनानि॑ वि॒श्वोर्ध्वा॑ तिष्ठ॒स्यमृ॑तस्य॒ केतुः॑ ।
- 3.061.03c स॒मान॑मर्थं॒ चर॑णीय॒माना॑ च॒क्रमि॑व न॒व्यस्या॑ ववृ॒त्स्व ॥
- 3.061.04a अ॒व स्यू॑मेव चिन्वती॒ मघो॑न्युषा॒ याति॑ स्व॒सर॑स्य॒ पत्नी॑ ।
- 3.061.04c स्व॑र्ज॒नन्ती॑ सु॒भगा॑ सु॒दंसा॑ आ॒न्ताद्वि॑वः॒ पप्र॑थ आ॒ पृथि॑व्याः ॥
- 3.061.05a अ॒च्छा॑ वो दे॒वीमु॑षसं॒ विभा॑तीं प्र॒ वो भ॑र॒ध्वं न॑मसा॒ सुवृ॑क्तिम् ।
- 3.061.05c ऊ॒र्ध्वं म॑धु॒धा दि॒वि पा॑जो॒ अश्रे॑त्प्र॒ रोच॑ना॒ रुरु॑चे॒ रण॑वसं॒दृक् ॥
- 3.061.06a ऋ॒ताव॑री दि॒वो अ॒र्कैर्बो॑ध्या॒ रेव॑ती॒ रोद॑सी चि॒त्रम॑स्थात् ।
- 3.061.06c आ॒यती॑म॒ग्न उ॑षसं॒ विभा॑तीं॒ वाम॑मेषि॒ द्रवि॑णं॒ भिद्म॑माणः ॥
- 3.061.07a ऋ॒तस्य॑ बु॒ध्न उ॑षसा॒मिष॑ण्यन्वृषा॒ मही॑ रोद॒सी आ॑ वि॒वेश॑ ।
- 3.061.07c म॒ही मि॑त्रस्य॒ वरु॑णस्य॒ माया॑ च॒न्द्रेव॑ भा॒नुं वि॑ द॒धे पु॑रुत्रा ॥

- 3.062.01a इ॒मा उ॑ वां॒ भृ॒मयो॑ म॒न्यमा॑ना यु॒वाव॑ते न तु॒ज्या॑ अ॒भूव॑न् ।
- 3.062.01c क्व॑श्॒ त्यदि॑न्द्रा॒वरु॑णा य॒शो वां॑ येन॒ स्मा सि॑नं॒ भर॑थः सखि॒भ्यः ॥
- 3.062.02a अ॒यमु॑ वां॒ पुरु॑तमो॒ रयी॑यञ्छ॒श्वत्त॑ममवसे॒ जोह॑वीति ।
- 3.062.02c स॒जोषा॑विन्द्रा॒वरु॑णा म॒रुद्भिर्दि॑वा पृथि॒व्या शृ॑णु॒तं ह॑वं॒ मे ॥
- 3.062.03a अ॒स्मे तदि॑न्द्रा॒वरु॑णा वसु॒ ष्या॑दस्मे॒ रयि॑र्मरु॒तः स॑र्ववीरः ।
- 3.062.03c अ॒स्मान् व॑रू॒त्रीः श॒रगै॑रव॒न्त्वस्मान्॑हो॒त्रा भा॑रती॒ दक्षि॑णाभिः ॥
- 3.062.04a बृ॒हस्प॑ते जुष॒स्व नो॑ ह॒व्यानि॑ विश्व॒देव्य॑ ।
- 3.062.04c रा॒स्व र॑त्नानि॒ दाशु॑षे ॥
- 3.062.05a शु॒चि॒मकै॑र्बृ॒हस्प॑तिमध्वरेषु॒ नम॑स्यत ।
- 3.062.05c अ॒ना॒म्यो॒ज आ॑ च॒के ॥
- 3.062.06a वृ॒षभं॑ च॒र्षणी॑नां॒ विश्व॑रूपमदा॒भ्यम् ।
- 3.062.06c बृ॒हस्प॑तिं वरे॒ण्यम् ॥
- 3.062.07a इ॒यं ते॑ पू॒षन्ना॑घृ॒णो सु॒ष्टुति॑र्दे॒व न॑व्यसी ।
- 3.062.07c अ॒स्माभि॑स्तु॒भ्यं श॑स्यते ॥
- 3.062.08a तां जुष॒स्व गि॑रं॒ मम॑ वा॒जय॑न्तीमवा॒ धिय॑म् ।
- 3.062.08c व॒धूयु॑रिव॒ योष॑णाम् ॥
- 3.062.09a यो विश्वा॑भि॒ विप॑श्यति॒ भुव॑ना सं च प॑श्यति ।

- 3.062.09c स नः पूषाविता भुवत् ॥
- 3.062.10a तत्सवितुर्वरेण्यं भर्गो देवस्य धीमहि ।
- 3.062.10c धियो यो नः प्रचोदयात् ॥
- 3.062.11a देवस्य सवितुर्वयं वाजयन्तः पुरंध्या ।
- 3.062.11c भगस्य रातिमीमहे ॥
- 3.062.12a देवं नरः सवितारं विप्रा यज्ञैः सुवृक्तिभिः ।
- 3.062.12c नमस्यन्ति धियेषिताः ॥
- 3.062.13a सोमो जिगाति गातुर्विदेवानामेति निष्कृतम् ।
- 3.062.13c ऋतस्य योनिमासदम् ॥
- 3.062.14a सोमो अस्मभ्यं द्विपदे चतुष्पदे च पशवे ।
- 3.062.14c अनमीवा इषस्करत् ॥
- 3.062.15a अस्माकमायुर्वर्धयन्नभिमातीः सहमानः ।
- 3.062.15c सोमः सधस्थमासदत् ॥
- 3.062.16a आ नो मित्रावरुणा घृतैर्गव्यूतिमुत्ततम् ।
- 3.062.16c मध्वा रजांसि सुक्रतू ॥
- 3.062.17a उरुशंसा नमोवृधा म्हा दत्तस्य राजथः ।
- 3.062.17c द्राघिष्ठाभिः शुचिव्रता ॥
- 3.062.18a गृणाना जमदग्निना योनावृतस्य सीदतम् ।



3.062.18c पातं सोममृतावृधा ॥

Notes by [Detlef Eichler](mailto:detlefeichler@googlemail.com) (detlefeichler@googlemail.com):

1. Please note that this PDF file is not for commercial use and released only for personal scholarly activity.
2. This Devanāgarī version of Rigveda is from an ITRANS file which I have created on the basis of [The Aufrecht/van Nooten/Holland \(Samhita\) version of the Rigveda.](http://www.people.fas.harvard.edu/~witzel/onlineRV.htm) (<http://www.people.fas.harvard.edu/~witzel/onlineRV.htm>)
3. The font used for the Rigveda text is Ancient Sanskrit 99. For the numbers of Maṇḍala, Sūkta, and Mantra at the beginning of each line (1.001.01a) the font Times New Roman is used.
4. Last updated: 26 March 2009